




Early European Books, Copyright © 2011 ProQuest LLC.

Images reproduced by courtesy of The Wellcome Trust, London.

1697/A





Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1697/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1697/A



Early European Books, Copyright © 2011 ProQuest LLC.
Images reproduced by courtesy of The Wellcome Trust, London.
1697/A

R34832

1697 A


G. v. Dal

S III / 173

240 pp.

III /

A 30v.



66830

DE PESTE LI-
BRI TRES,



OPERA IACO-
BI DALECHAMPII
DOCTORIS MEDICI,
CADOMENSIS,
IN LUCEM
AEDITI.



IN VIRTUTE



ET FORTUNA.

LVGDVNI,

Apud Gulielmum Rouillium.

M. D. LIII.





IACOBO A' TVR-
NONE EPISCOPO

Valentiæ Allobrogū, mœ-
cenati suo, Iacobus

Dalechampus

Medicus

S.P.D.



*H*ostres de peste li-
bros Raimūdu à Vi-
nario scripsit, mœce-
nas optime: vir certè
sua tempestate sum-
mus medicus, philosophus excellēs,
disciplinīsque mathematicis appri-
mè doctus. Scripsit autem, quod tan-
tum licebat suo seculo, cum bonæ li-
teræ iacerent, inepta, rudi & bar-

A 2

4
bara prorsus oratione, in qua tamē
diuinum ipsius ingenium sic eluceat,
ut quēadmodum Vergilius de versi-
bus Ennii dicere solebat, ex hoc ster-
core purum colligi aurum possit. Fuit
is quidem maximorum ordine trium
pontificum dum Auenione consiste-
rent, medicus primarius, quæ homi-
nis autoritas & dignitas, in qua tū
existimatione foret, satis ostendit.
Hos libros cum Gulielmus Lothe-
rius clarus Monpessuli chirurgus,
legendos mihi dedisset, ut meum de
illis iudicium explicarem, quotidiana-
nam operam, qua id temporis Ga-
leni libros de crisibus exponebam
publicè, intermittendam censui, ut
hic meo labore scriptor in manus
hominum perueniret: Qua in re non
tantum oratio mutanda fuit, ut pro
incul

5

inculta illa, & horrida, aliquanto
splendidior ac nitidior in vulgus
prodiret, sed & reponenda vel po-
tius diuinanda multa quæ in exem-
plari vetusto & carioso vix lege-
batur: ad nostrum dicendi vsum ac-
commodanda multa, quæ pro Ara-
bum consuetudine inaudita nobis il-
le vsurpauerat: euoluendæ quæstio-
nes, quas vt in scholis didicerat, ar-
duas & obscuras, impediēbat ve-
rius, quàm expediebat: quæ à me
perfecta sunt omnia non sine magna
difficultate, longoque tædio. Hunc
verò laborem meum, & studiorum
in quibus tua liberalitate hætenus
perduraui, quasi primos fructus,
qualem cunque apud bonos & do-
ctos gratiam habituri sint, tibi dico,
ac nuncupo: auspiciis que tuis emit-

A 3

to. Non ideo tantum quòd obseruan-
 tiam erga te meam hoc officio de-
 claratam velim: sed quòd nullus or-
 dinis tui, vel amplioris etiam occur-
 rat: siue nobilitatē spectes, ab vlti-
 ma repetitam memoria: siue naturæ
 bonitatem: siue morum humanita-
 tem, & sanctitatem: siue profusam
 in doctos beneficentiā: siue eru-
 ditionē, sub cuius nomi-
 ne reuiuiscat autor
 hic lubētius.
 Vale.





D. G A B R I E L I
S Y L V I O D O C T O.

*ri medico nobilissimo, Ia-
cobus Dalechāpius*

*Doctor me-
dicus.*

S. P. D.



Icatos iam Epi-
scopo Valentino
de peste libros or-
nādos quoq; tuo
nomine putavi,
Doctor clarissime, tum quòd
humanitas summa, qua me nō
antea visum domi excepisti,
hanc animi grati significatio-

A 4

nem reposcit: tum quòd arctissima tua cum iis necessitas & coniunctio qui exemplar mihi dederunt, mentionem de te flagitat: tum etiam quòd gratiæ multum accessurum & auctoritatis prouideo, si nomen tuum operam meam commendet, præsertim cum is sis qui facile inter medicos Lugdunenses, & eruditione, & rerû usu principem locum obtineas. Hac vero nuncupatione tuis auribus quæ vanas laudatiões respuunt, quidquam à me datum fuisse, ne quis existimato: laudi potius meæ hoc consilio fauerim. Caterum cū magni quidquid agas, vel inceptes, momēti sit, quod inquit Horatius, principib

9

pibus viris placuisse, speravi
hoc opusculum futurum gra-
tius, ac cupidius lectum iri, si ti-
bi probatum fuisse, ex epistola
cognoscerent, qui huiusmodi
tractationibus oblectantur. No-
stro quidē seculo multos, quo-
rum nomen taceo, in eodem
versatos argumēto fuisse, haud
nescio: Extare quoque Guido-
nis librum de Peste, qui tamen
nondū sit æditus, ipse retulisti:
Hodie sanè multi florent inge-
nio præstanti: Verūm si vniuer-
sos quotquot circūferuntur de
hac re libros, cum hoc attentē
compares, vt iudicio plurimū
vales, iudicabis certē, adhuc
nullū prodiisse, à quo tamele-
ganter & copiose, de hoc malo

A 5

disputatum sit: id quod solum
 de autore apud te dixero, qui
 clarius & melius omnia vides,
 quàm ego vel notare, vel mo-
 nere possim. Si quid autē mihi
 peccatum est, quod intempesti-
 ue grauissimas occupationes
 hoc munere tuas interpellaue-
 rim, aut pro tua æquitate mihi
 veniam hanc dato, quam, vt
 confido, non denegabis: aut fa-
 cilitatem potius tuam & accu-
 sato, & contrahito, quæ hæ-
 rentem accunctabundum

me non tantum inui-

tauit, sed etiā per-

pulit, id apud te

vt auderē.

Vale.





De caussis pestis. CAP. I.



ESTIS caussas, medici
ueteres non omnes asse=
cuti sunt: uel quia non
tam crebrò illorum tem=
pestate, hoc malum se=
uiebat, uel quia prorsus rationem earum
nesciuerunt. unde fit, ut ignotis caussis,
morbus is adhuc ignoratus uix à nobis cu=
retur: Veteribus quidem pestis natura
haud prorsus incognita fuit, sed nondum
tam comperta, & explicata, ut ea cogni=
tio ad curationem instituendam suffice=
ret. Atrocis igitur mali huius, triplex ori=
go est, prima coeli, & syderum grauis
aspiratio: altera ex terris sublatus nocens
uapor, tertia, composita simul utraq;. Ta=
met si uerò Philosophi putent, nil in terris
accid

accidere, quod cœli ac syderum ui, non fuerit excitatum: id tamen non tam anxie medicus æstimat. Qui syderum affluxu & cœli uitiosa constitutione morbi nascuntur, Græcis sunt επιδημικοί: qui terrarum halitu, ac utriusque item causæ præsentia, multis lethales & nobis pariter, & Græcis pestes. Cœlum id nobis malum afflat, uel dum conueniunt insensa generi hominum sydera, uel dum micant stellæ, Cometæ uisuntur, ardentes faces per inane uolant. Sic enim uitiato aëre, corruptisq; frugibus, & animantibus, quibus uescimur, humores in nostro corpore deprauantur, ac uel multitudine, uel qualitate, uel utroque nomine simul graues, pestem inducunt. Aëris igitur uitium, morbi huius causa est externa, quam primitiuam dicere solemus: labes uerò quæ in nostri corporis humores transijt, interna, uel antecedens. hæc autem clariora meo iudicio futura sunt, si pestis, quæ nostro æuo, annis

nis uarijs grassata est, historiam adscri-
psero. Præcessit eam quæ fuit multò cala-
mitosissima, Saturni, Martis, Iouis concur-
sus ad decimum nonum gradum Aquarij,
mense Martio, anno millesimo trecentesi-
mo quadagesimo quinto. Id uerò ex A-
strologorum obseruatione regnorum euer-
siones, interitus multorum, mirandas uae-
tum prædictiones, innumerasq; alias mi-
serias denuntiabat hominibus instantes, ac
diuturnas futuras, quoniam sydera in hu-
mano, & immobili signo conuenissent.
Inde scilicet prodierunt tot pestes, quæ ua-
rijs temporibus ædiderunt tantam homi-
num stragem, maxime anno post tertio,
pontificatus Clementis sexti anno sexto.
Sic enim & illa syderum coitione, & quæ
successit pestilentia, corporum nostro-
rum uis exoluta est, sic aër, elemēta, & ex
elementis composita, sunt affecta, ut uel
leuiuscula caussa, quemadmodū solis defe-
ctu, syderum infausto conuentu, cometa-
rum

rum ortu, pestis quæ uidebatur exincta,
repullulauerit. Id nempe uitij, cum semel
in aëre, elementis, ac genitis rebus, fuerit
acceptum, & impressum, licet aduersis
causis, ut frigore, imbribus, fausto syde-
rum conspectu, sic interdum cohibeatur,
se se ut non prodat per aliquod tempus,
rediuiuum tamen fit ex occasione facili:
sicut rerum species, in memoria condita,
nobis dormientibus, aut alibi occupatis,
non succurrit: cum uerò id agimus, & co-
gitamus: sese statim offert, ac obtrudit.
Nec uerò tuti ab huius mali recursum fuen-
mus, prius quàm uitium quod aërem, ele-
menta, & ex ijs genita omnia peruasit, læ-
ta, & aequè potenti astrorum cōcordia,
obliteretur: quod futurum est, anno octo-
gesimo quinto, mense Aprili, cum Satur-
nus, & Iuppiter, Saturno ualidior, ad Ge-
minos diuersabuntur. Exiit & alia pe-
stis, anno 1351. iam octauum annum, pon-
tifice Innocentio sexto, quæ & illis su-
pradi

prædictis causis emerfit & tristi præter=
ea syderum conuersione, quoniam Satur=
nus apud Virginem, signum Septemtrio=
nale, ubi prorsus inglorius est, restitit;
Mars apud Geminos, signum Occidentis,
ubi nulla pollet autoritate, ibidem Mars
Saturno fuit obiectus ex aduerso, quod su=
pra triginta annos non euenerat. Id au=
tem cum accidit, magnum exitium morta=
libus portendit. Excepit hanc alia, anno
1373. pontificatus Gregorij undecimi,
anno tertio, cum anno superiore, apud
Taurum, Mars & Iuppiter unâ fuissent.
Secuta quarta, anno 1382. pontificatus
Clementis septimi, anno quarto, cum an=
no superiore, in exorientis Leonis gradu
uigesimo, tertio die Ianuarij, hora secun=
da, Marti Iupiter factus esset obuius, eo
denique anno, Cometes horrendus, toto
pene mense Nouembri, quantum oculis iu=
dicare licebat, ulnarum uiginti, Trabem
Astrologi uocant, sese ostendisset: magna
si ip

si ipsis credendum, internecionis, bello-
 rum, ærumnarum significatione. Horis
 duabus, ante lucem, ille coruscabat, recta
 sub Libra & capite Draconis, longitu-
 dinis tam exporrectæ, ut capite sub Scor-
 pione sito, ad Virginis usque locum, cau-
 dam extenderet: quanquam nec delinea-
 tum caput, nec expressa cauda foret. totus
 igneus, æquabiliter, & latus & crassus
 sub Virgine Marti adiunctus, lactea uia
 proximè Libram & Scorpionum iacens, ad
 tres angulos mundi, Septentrionem, Oc-
 cidentem, Meridiem, inclinatus: qui quàm
 graua mala promitteret, si uis intelligere,
 ex Ptolomeo, Haly, & Albumazar, ne
 ijs recensendis sim longior, colligito. An-
 no etiam sequente, toto mense Augusto,
 & Septembri, uolauit Draco longissi-
 mus, stellæ frequenter elisæ sunt, puniceum
 ac rubrum cælū, ampla uoragine hiauit,
 Cometes diebus uiginti, abeunte die, horis
 duabus, & paulò diutius sub Scorpione,
 ad.

ad Occidentem fulsit, indeq; traiecit ad Oriētem, uia lactea, proximè sydera, quæ affixa minimè uagantur, & Martis naturæ similia sunt, delatus, cum Mars, & Mercurius antea congressi fuissent, rixas nimirum inter opifices, ac seditiones, tumultuosas ille mimabatur, grauidis abortus, uesicæ, costarum, ac testium, cruciatus, ijs præsertim oris, quæ illius caudæ, ac signis, in quibus rutilauit, subiectæ fuerūt, nempe Occidenti, ac Septentrioni. Iam inde sanguis, bilisq; supra modum incalens efferbuit, deflagrauit, putruit, uitiū, ac uenenum contraxit: annus totus siccus fuit, squalidus, nullo imbri salutaris: maxima uis bilis retorridæ aceruata: morbi plerique, omnes biliosi, melancholici, quod contingere per eiusmodi tempestatem Hippocrates monuit. Aphor. 7. libr. 2. Ea lues, cuius postremo feci mentionē, Auenione primum gliscens, peruagata est Allobrogas, Italiam, Græciā, Germaniā,

B

Britaniã Galliã, Hispaniã, Celtiberiã, uni-
uersasq; Orientis, & Occidētis nationes,
alicubi mitior, alicubi dira, prout magis,
minúsue hominum corpora, malo pate-
bant. Porro, quam esse primam causam
diximus, eam Auenzoar duplicem intelle-
xit: Alteram, folius optimi maximi consi-
lium, nullis ad id paratis causis, ex cælo-
rum & syderum ambitu, & statu, ut cum
Dauidis facinus, & libidinē, in Hebræo-
rum gente uindicauit, ac Aegyptiorum
peruicaciam, interitu filiorum, qui nati
forent maximi, ultus est: Alteram uerò,
syderum cōgressiones, Cometarumq; lam-
padum, & reliquarum huiusmodi flam-
marum, accensiones. Id ipsum est, quod
Aristoteles innuebat, libro de causis pro-
prietatum elementorum, eum scriberet,
coitione Iouis & Saturni, Regum princi-
patus oppressos iri, arsuramq; pestilen-
tiam: quanquam hoc Aristotelis dictum,
Messias Halias, sic uerum esse putet, si u-
piter

piter Saturno cesserit, ac impar fuerit, contrà euenire, si Iuppiter Saturnum uicerit. Iouem enim haberi, tam & uitalem, & salutarem, ut Iulio Firmino, eius beneuolentia in lucem ædamur, mox perituri, ea si nos deferat. Idem ipsum uoluerūt, & Albertus magnus, & Albumazar Ioue, & Marte conuenientibus, præsertim ad humidorum signorum quodpiam, ut prima illa superius descripta concursione, acciderat, pestilentia futuram. Ignium uerò cœlestium uisa huc pertinere, Aui-cen. cap. de pestilente febre, testatus est. Hactenus de superioribus causis Ex inferioribus est, quæ in tota regione, molesta sit, est quæ in unico tantum oppido, unica ciuitate, priuatis, & unis ædibus. Priorem afferūt lacus, paludes, stagnantium aquarum mephitis, cloacarum, & latrinarum colluies, quæ aërem uitiat, ut in Sardinia, ac locis maritimis: facto prælio, insepultorum cadauerum foetor, assiduus

B. 2.

imber, perennis Austri flatus, ut olim Cra-
none : uentus è pestilenti loco spirans,
quod prouidit Hippocr. Atheniensibus
imminere, admirandaq; sapientia depulit.
Posteriorem excitant luti, ac coeni, quæ
uijs publicis aggeruntur, ut Auenione, &
Lutetia. Olerum, ut Brassica & Eruca:
arborum, præsertim quæ succo uiscido
turgent, ut Nucis & Ficus putrescētium:
lini, cannabis, coriorum, quæ fluentis ma-
cerantur, graueolentia. Solæ uerò priua-
torum ædes, eam sentiunt, cum latrimis. ac
sepulchretis, uicinæ fuerint : si occisi ca-
daver in illis occultū putrescat : si adeat,
qui in pestilenti loco uersatus est : si bibi-
tur aqua, ut Auenzoar prodidit, in qua
proiectum cadauer tabuerit. Sic Auenio-
ne pestis crebro irrepsit, sic paludosas re-
giones ubi pingue, ac concretum cœlum
est, occupauit sepe, tametsi & cœlo impu-
tari id possit, quoniam ut à sua causa esse
ctus nunquam diuellitur, sic & quæ apud
homi

homines contingunt, ea fere semper ui, & coelorum & syderum inuehuntur. Superiores causas, medici ueteres neglexerunt omnes, præter Auicennam: qui tamen eas leuiter admodum & perfunctoriè attigit, quia parum Astrologiæ studiosi, parum illam facere ad instituendum medicum existimarunt, ut ex Galeni scriptis uidere est, qui uerbum illud Hippocratis, è primo Prognostici, oportere medicum in morbis, noscere quod diuinum est, contra eius mentem, ad coeli, & aëris constitutionem detorsit. Quod si huius rei non prorsus ignaros ueteres contendat aliquis, ego equidem nec ualde repugnaui, dum item mihi concedat, qualis foret syderum, uel æquitas, uel iniquitas, morborum natura, ipsos admonitos, longius rem non euoluisse, altius non repetiuisse, curiosius non indagasse, eo contentos quod quibus subueniendum foret auxilijs, tenerent.

B 3

Quónam pacto suis ex causis
pestis oriatur. CAP. II.

Constat ex Aristotelis, ac Ptolemæi
scriptis, quæ & procreantur, & occi-
dunt corpora uniuersa, ui cœlestium, ac
sempiternorum, gubernari: hanc uerò le-
gem nostris animis impositam non esse,
quanquam pro natura corporum in qui-
bus habitant, ad alia atque alia studia sese
magis applicent, minimè uerò cogantur
inuiti: & quemadmodum legibus Respu-
blica suis continetur, sic & omnia cœlo-
rum motu, luce, affluxu, regi, & admini-
strari. Ac quoniam articulo temporis lu-
ce omnia collustrantur, temporis momen-
to, nobiscum cœlorum uis, quæ in luce
est, communicatur: quæ uerò in motu est,
non nisi spatio temporis, sed incerto: quo-
niam celerius hi, illi tardius cœlorum or-
bes circumaguntur. Cæterum affluxus po-
testas, statis, ac præfinitis temporibus, sese
nobis accommodat, nimirum cùm signis
quib

quibusdam, sydera se certis admouerint.
Affluxum, qui hasce res tractant, nominarunt syderum unicuique tributam uim peculiarē, ab eo qui summæ rerū præest, qualis est Magnetis cū ferrum trahit, Electri cū aceres. Formam specificam alij uocare malunt Ea est cōueniens aptitudo, eius quod afficit, cum eo quod afficitur, ut commode & facile alterum suam uim exerat, alterum excipiat. Hoc affluxu sydera potissimum ualent, & apud nos mutant omnia. Ea est, si Albumazari fidem habemus, præcipua & insignis potestas syderum. Nec uerò credendum infestorum syderum luce, pestem nasci, quoniam enim perpetuò lux allabitur, & repente, ut supra dictum, subita & perpetua foret pestis, eamq; præsentiozem inducerent lucidiora sydera, Sol, Venus, Iuppiter, Luna: quod Astrologi nunquam donauerint. Lucidiora enim sydera, præter cætera, nil egregium habent, nisi quod

magis calfaciunt, quod uidit Auicen. libr.
1. cap. de conditione tempestatū, quo in lo-
co ait, plus ibi caloris esse, ubi plus est lu-
minis. Proinde syderum luci potius acce-
ptam referemus uitæ nostræ usurā, quā
mortis exitium. Sed & nec caussari licet,
in ratione pestis, circuitus syderū. quoniā
cū nunquam cessent, ut suprā colligeba-
mus, ea perpetuò nos urgeret, & contrā
quā res est, ab ijs quæ ocyus uoluuntur
circa nos, Mercurio, Luna, Venere potius
immitteretur. Restāt qualitates primæ, ut
frigus, calor, humor, siccitas: secundæ à pri-
mis effectæ, ut leuitas, grauitas & huius-
modi ceteræ, ad quas cōfugere possimus:
Verū his qualitatibus, nullus istic locus
est: cū in syderibus & cœlo, nullas esse
1. de cœlo Aristot. tradat. Nec magis pro-
babile est, quod quidam excogitarunt, Sa-
turni & Iouis, & Martis cōcursu aërem
incallescere, pariter & humores nostri
corporis, qui tandē urantur ac deflagrēt.

Cū

Cum enim Iuppiter calidus & humidus,
Saturnus frigidus, ac siccus potestate sit,
alterius calorem, alterius frigiditate leniri
oportuit, ut Martis siccitate, Iouis humo-
re, sicut & augeri calorem nostri corporis
amborum caliditate, auctum uero constan-
tius putredini resistere, ac reluctari ex A-
ristotelis disciplina, quarto τὸν μέγιστον
πολογισμὸν. Adde & calidos morbos non
esse protinus contagiosos, ac pestilentes,
tametsi breuiores, & rapidiores. Absur-
dum itē est, quod alijs uenit in mentē, uel
directis ad perpendiculū, & ob id reper-
cussis, uel obliquius incidentibus radijs sy-
derum, hoc malum repræsentari. Iis enim
sydera nos tantum calfaciunt, humectant,
siccant, refrigerant: Auicenna teste libr. 1.
cap. de conditione tempestatum. Eius so-
lius autoritas, satis fuerit explodēdæ huic
sententiæ, ut insuper tamen rationibus
conuincatur necessarijs, æstimēt, ac repu-
tent secum illius propugnatores, ijs ra-

dijs, nunquam non terras feriri. Præterea
sepius ad angulum quartæ domus, sub
terris sydera conuenire, unde ad nos ra-
dijs nullus peruenit, aut si quis ad cœli
usque nostri partem adigatur, languidus,
ac debilis incumbit, quod ostendit Sol, qui
dum hyeme sub Aegocerotis Tropico it,
tamen parum calfacit, ut frigore omnia ri-
geant, ac emoriantur, quanquam ea cal-
faciendi potestate is excellat. Taceo ra-
dios syderum, dum conueniunt, omnes
esse rectos, quoniam occurso recto, illo-
rum conuentus fit: taceo Septentrioni si-
mul Orienti, ac Occidenti, Iouis, ac Mar-
tis in Tauro congressorum obliquos non
fuisse radios, cum tamen regionum ea-
rum incolæ, secuta deinceps pestis, æquè
uexauerit. Non aliunde igitur pestis in-
crebescit, quàm syderum ui, ac peculiari
potestate, seu maius specifica forma, qua
ea ualent in corpora nostra, nostraq; ui-
cissim corpora, uitiatis humoribus, et
crass

crassis & tenuibus, tantam noxam concipiunt. quæ in re, & qui nos ambit aër, necessum est cõtaminari: plerunq; tamẽ sic tacito, & obscuro uitio, ut in nullo sensu nostro percipiatur. Quamobrẽ Arnaldus rectẽ qui pecorũ luẽ, homines: et uicissim hominũ, pecus, nũquã inuadere cẽsuit. Vis hæc syderũ propria, Magnetis exẽplo liquebit, ad se ferrũ ob id adducentis, quod trahẽti ferrũ obsequitur, à nullo uerò alio præter Magnetẽ, se duci tolerat, atq; id in teruallo certo, & cũ magnitudinis finitus modus est, ac qui locus est interpositus, nihil in cõmodat, sic & syderũ potestas, certa tẽporis circũscriptione, certaq; locorũ distãtia, & cũ aër, uelut cõiuratus, nihil obstiterit, corporibus non quibũsuis nostris, sed alẽdo malo idoneis, hoc cõflat periculi. Est uerò ubi nihil mutatis aëre terris, aqua, syderũ uis hæc diffunditur, ut cũ in terræ uisceribus gẽmæ cõcrescũt, in lucẽ nos proferimur, animãtia pariũtur, stirpes

pes germinant. Platonis enim, ac Mesues
iudicio, nihil usquam extat quod non sua
proprietate, syderū hęc uis donauerit, etiā
si à sola natura, omniū parēte, nō tantū sit
procreatum, sed & hominū ingenio con-
gestum, ac comparatum, ut theriaces an-
tidotus. Obscurum interdum esse uitium
aëris, sub pestis initia ac menses primos,
hoc est argumento: quòd cum nec odore
tetro grauis, nec turpi colore fœdatus fue-
rit, sed purus, tenuis, frigidus, qualis in mō-
tosis & asperis locis esse solet, & tran-
quillus, uehemētissima sit tamen pestilen-
tia infestāque, præsertim humidissimis &
huic malo obiectis corporibus, qualia
puerorum sunt. Fallit aduentans hoc ma-
lum, nunc multis, nunc paucis cognitum:
paucis, quo primum tempore inferiores
causæ sese adiungunt superioribus, mēse
puta, uel tertio, uel quarto: tum enim ua-
por impurus ex aquis, & terra ui solis
aliarūque stellarum eductus, ac in aërē
subie

Subiectus maleficia syderum excipit, quæ
infaustè conuenerunt, post aërem corrup-
pit, partim indito sensim ueneno, par-
tim alienis turbatum qualitatibus. Co-
gnoscitur multis, ubi coniunctis antea
uel Ioue & Marte, uel Saturno & Mar-
te, uel Saturno, & Ioue, uel simul omni-
bus, sol apparet decolor, crassi halitus, &
noxij, aërem inde foetentem humectant,
ac obsident, multisque post diebus, in
eo resides, partim hausti cum anima, par-
tim spiraculis arteriarum, uenarum, cu-
tis & si qua alia in corpore nostro uia
est, ad cor usque insinuati, eius spiritus
corrumpunt: hac uidelicet ratione, supe-
riores cause, & solæ per se, & inferio-
rum ope adiutæ, pestem summittunt:
quanquam & interdum primarum qua-
litatum, ac secundarum moderationem
peruertant, qua causa intolerabilis fit
æstus, rigor, humor, siccitas, insolita coe-
li crassities, tenebrosis ac densis oppleta
uapo

uaporibus: ratione omnibus Astrologis
proditæ, & Philosophis, qui è syderum
coitione, cursibus, aspectu, situ, ad Zo-
diacum, orbésque suos & ἐπιϋκλῆς, &
ἐκκεντρίκῆς rerū euentus, & futura pestis
sortes præfagiunt, ac prædicunt. Hacten-
us de causa externa, ad internam trans-
eamus. Spiritus cordis, ut expositum su-
pra fuit, uitioso aëre, tum quem inspi-
ramus, tum qui furtim subiit, offensus,
sua primum exuitur temperatione: ma-
lôque in naturalem, & animalem, serpen-
te, ac sic paulatim augescente, humor cor-
dis, unde spiritus materia præbetur, su-
pra modum alieno, naturæq; minimè con-
gruenti, & autore putredinis calore suc-
cenditur: Ideoque putrescens, postquam
ardorem in corpus uniuersum disiecerit,
febres pestíferas, mortiferâque tubercula
gignit, quod paucis uerbis Auicennas ali-
cubi perstrinxit. Postquam temperatio
spirituum labefactata est, in humoremq;
putr

putredo recepta, vires omnes, instrumen=
to quod commodum sit, priuata affligun=
tur, & ad officium languent: succi cor=
poris efferantur: quod tenue in ipsis est
discutitur: quod crassum & compactum,
hæret, & restat: uenenum autem quouis
perrumpens, cum in partes principes im=
petum fecerit, quoniam tantam mole=
stiã ferre minime possunt, ab ijs in emis=
saria sua protruditur: illuc uerò compul=
sum, ac uelut inculcatũ mora, & quia ni=
hil perflatur, deterius fit: aliõsque subin=
de & alios humores deuocat, se non mi=
nus prauos, unde carbunculi, Herpetes,
Phlegmonæ, Erysipelata, Gangrænæ
fiant Toti quidem corpori aduersa cum
pestis sit, cordi tamen potissimum ea ne=
gotium exhibet, quasi corpus euicturam
facile se confidat, arcis si potita fuerit, ut
Mesues scripsit, & quia uitiosis qualita=
tibus substantiaq; pestilens humor, inimi=
citas cum natura gerit, certamen id ad
mal

multos etiam dies, cor sustinet, pro eius
et prauitate, et copia, quoad uel eo gra-
uatum in habitum corporis amandet, un-
de nigra, cerulea, uiridia, rubra, exanthe-
mata passim efflorescant: uel fatiscens
manus det, uictumque se fateatur, et aeger
obeat. Hæc origo est febrium, ac tubercu-
lorum pestilentium, magna ex parte cu-
niculorum, ex causis tum superioribus
tum inferioribus, tum externis, tum inter-
nis, quam si nos diligentius, et accura-
tius perpendamus, horum morborum non
esse desperatam curationem, quod et
Ptolemæus quinto pronūciato sui centi-
loquij tradidit, intelligemus adhibita cau-
tione, ut imminens contagio arceatur, et
quando ut coelum salubre, purumque sit,
præstare mortali non licet, data opera, ut
si nondum malum incescit, bona ualetudo
conseruetur, ijs remedijs, quæ domi, pro-
cul ab hominum frequentia usurpare iu-
uat: sin iam corripuerit, promptis, et ex-
pedit

peditis auxilijs, antequàm humor uenens natus tumefiat, & prodierint tubercula, quod sæpius fit post triduum, uel quatrimum. Non solum enim curationem omnem respuit pestis confirmata, sed cum aliquantulum processit, etiam contumacior est, ut Auicennas docuit cap. suo.

Quæ sint præsentis & futuræ pestis signa. CAP. III.

VT pestis causæ uariæ sunt, ita & signa differētia. Ex inferioribus causis, profecturam, ut quam descripserunt primo libro Epidemion Hippocrates, & Galenus libro de euchymia, & cacoehymia, ac primo capite libri de differentijs febrium, Gregorius summus pontifex, aliquo ex suis operibus: Auenzoar in suo Thesir, promittit, anni totius calida & humida tempestas austrina, pluuia, à uentis quieta, quoniam in omnibus naturis magnam ea putredinem efficit. Eius au-

C.

tem quæ ab inferioribus pariter, & superioribus fouetur, signa ut caussa multiplex est, multiplicia memorauerunt, Rasis quarto ad Almanforem, Auicennas libro quarto, Isaac libro quinto de febribus. Solius superioris caussæ signa sunt, errantium stellarum congressiones: Cometarum exortus: ignium per cælum, & flammaram accensiones, ijs in locis conspectæ, quæ pestis afflicta est: complurimum eadem ciuitate eadem die, eodem tempore, ijsdem ædibus, inexpectatus, ac repentinus languor: in regionibus frigidis, altis, montosis, uentosis, flante Borea, sicco & frigido cælo, ex peste multorum clades, incolumibus ijs, qui locis depressis, à Borea tectis, & cælo crasso, ac inertibus habitant. Superiorum caussarum, hæc signa, propria sunt: cum alijs uero communia ea, quæ deinceps narrabimus. Exitiosius malum est sanguine abundantibus, pueris, carnosiss, iuuenibus, temperatis, quos

quos innocentius agrotaturos suspica=
mur: febres, septimum uix excedunt diem,
seruatis aut interemptis, ad id tempus,
ægris, & plerunque eo ipso quo corri=
piuntur die, aut biduo, uel triduo post, ui=
ta decedentibus, pro humoris uenenosi
prauitate & multitudine, paucitate uel, &
corporum aut constantia aut fragilitate.
Cum morbus tenet, ægri nusquam possunt
consistere: huc illuc in lectulo sese dimo=
uentes, ac impatienter discruciantes, uigi=
lijs conficiuntur, uomunt, nauseant, animo
linquuntur: ut reliqua symptomata huius=
modi impræsens omittam. Quos malum
adoritur, ijs citra uel purgationis uir,
uel sectionem uenæ, corpus lassum torpe=
scit, nec sanguinis missione, aut pharma=
co leuatur, utroque potius remedio lan=
guescens magis, ideoque statim uinum si=
bi dari ægri postulant: quibusdam sanguis
expuitur, aut naribus, aluo, meiando reij=
citur, perniciæ tam subita, ut perendie, aut

postridie moriantur. Quidam, & ferè
omnes deplorati, somnum tam altum dor-
miunt, ut is excuti nequeat: foetent omnia
purgamenta corporis, sudor, aluus, spu-
tum, halitus: cæterum hæc in alijs quoque
morbis adnotantur. Lotium nunc atrum
redditur, & turbidum: nunc crassum, &
subrubens, cum sedimento: nunc paucum,
nunc multum, & turbatum utrumque:
nunc limpidū & sedimento conspicuum,
non aliter quàm in benevalentibus. Arte-
riarum pulsatio nunc obscura, frequens,
intercidens nunc plenior, & undosa pri-
mum, deinde paulatim ad eum modum,
quem Græci *μερμυκῆς* uocant, desinens:
sudore manante, sed quo uis corporis ener-
uetur, *διαφορῆς* idem Græci dicunt.
Pueris, ac senibus uermes, ac lumbrici ege-
runtur: Tussiunt multi, sed frustra, nihil
excreantes. Quibusdam exanthematibus
nigris, cœruleis, purpureis, corpus reni-
det, secundo, uel tertio die: quod signum

in

in solis morbis pestilentibus, constituitur. Sunt quibus alæ, inguina, glandulæ post aures, aliæq; partes corporis, Bubone, Carbunculo, Phlegmone, cæterisque tuberculis, difficillimis, & quæ non nisi maximo ægrorum periculo cicatrice obducuntur, intumescant. Sunt quibus nulla est cibi appetentia: Sunt quibus avidior iusto. Sunt quibus cor tremit, & deficit animus, idque cum mors instat. Multis alius profluit, nunc uersicolor, nunc cinerea, nunc atra, nunc flaua, & interdum unica deiectione tam multa, ut de leienteria oriatur suspitio. Multis, uenter cum hypochondrijs tenditur, & inflatur. Multi cum stupore, & amentia balbutiunt, quos ferè omnes ad tertium, quintum, septimum expirare diem obseruavi ut uiribus integrioribus, aut imbecillis fuerant, & uenenatus humor, plus minus accreuerat.

Qualia sint in peste, medicorum præiudicia. CAP. IIII.

Multa sunt quæ in peste futura, tutò, & certò medicis prædicuntur, & asseruntur, minimè fallaci, ac dubia fide: quale est, febres assiduas, pestilentes, maxima ex parte lethales esse: quoniam in uenenatis humoribus exardescant. quod si qui euadant, salutem ijs magni constare. alios enim excæcari, alios obsurdescere, alijs rigere, & cõtēdi neruos, præsertim si aut medico minus obediunt, aut remedijs conuenientibus, morbus non procuretur, quod Auicennas tradidit. cap. de signis febris putridæ. Est autem horum morborum tam infœlix exitus, ob multas rationes. Primum, quòd eorum caussas abstrusas, & delitescentes, medicorum pauci uident, ac intelligunt. Deinde, quòd multis ad eam redactis necessitatem defunt medici: partim quòd nec ad tam multos ire possunt, partim quòd & sibi cauent, ut & alij

alii ferè omnes : quò fit ut , & ministris
deserentibus , & re angustiore quàm ad
sumptum sufficiat , superstites futuri mul-
ti , si quæ sunt opus suppetant , desyderen-
tur. Proinde nostra memoria , è sordida
plebe , multo plures quàm è claris ciuibus ,
& sublatis sunt , & hoc malo tentati Aue-
nione. Etenim frequētia Iudæorum spur-
cæ , auaræ & immundæ turbæ : Hispano-
rum , gulosæ & uoracis gentis , ac uix un-
quam carnibus saturæ , unde sanguis faci-
le putrescens gignitur : hominum libidi-
nosorum , ac peregrinorum , quos in au-
lam pontificis suorum negotiorum stu-
dium exciuerat , funera fuerunt : quoniam
ut arbitror , ijs in locis , unde profecti fue-
rant , maleficium stellarum iam disper-
sum , incolarum corpora sic affecerat , ut
ad id mali forent procliuiora. Enecti sunt
& agricolæ multi , & seruitia , tum quòd
dum in agris operi uacarent , aeris mul-
tum uitiosi trahebant , tum quòd & in-

terdiu, & noctu sub dio somnum capiebant: multos quidem oblatus terror consternauit, dum tristem imaginem eius periculi sibi confingerent, uel quia tintinabulis publicis, mortuorum funus celebratur, uel quia sacerdotes ad funera canentes audiunt, uel quia nostræ religionis mysteria deportari ad eos uident, qui animam agunt, uel quia de aliorum obitu narrantibus cæteris, ut forte fortuna fit, resciscunt: longe tamen plurimi congressu eorum, qui fuerunt in locis pestilētibus, periclitantur & grauissimè, quoniam è caussa duplici, nempe & aëris, & eius qui uersatur nobiscum uitio. hoc itaque modo fit, ut unius accessu in totam modo familiam, modo ciuitatem, modo uillam pestis inuehatur. Præiudicatum & medicis habetur, dum fuerit pestis, eos magis examinari, qui corpore sunt ad malum accipiendum paratiore. Primum teneros, molles, delicatos, ut infantes, pueros, adoles

adolescentes, foeminas. Deinde, biliosos, graciles, calidos, quibus rarius corpus textum est: quibus laxiora cutis spiracula, ut iuuenes, puberes annum uigesimum natos, quo tempore ad uenerem primum stimulantur, uirgines, quibus menses tum primum erumpunt. Post hos, quibus operosa, et laboriosa uita est, qui que ad foeminarum concubitus multum sunt salaces, et effusi. Illorum enim corporatum superioris solius, ut mensibus primi tum inferioris ac superioris simul potestate, labant facilius, quam melancholicorum: Inferioris uero solius, pleniores homines Cacochymi, Hydropici, Arthretici, Stomachici, Splenici, Icteric, è morbo conualescentes: qui prauis cibis uescuntur: ut foeminae quibus arborum fructus nondum maturi, et cruda olera, sunt in delitijs: qui lacte, butyro, caseo, se alunt: qui cibo se ac uino ingurgitant, qui-

bus nulla cum munditie ætas degitur: quales sunt Iudæi, & inops plebs reliqua. Ob inferiorem uidelicet causam magis, quam superiorem, ex illo genere, ac ordine hominum multi, ut supra dictum fuit, inhumantur. Cum uero æquabilis utriusque uis causæ, æquabilis quoque ad omnes periculi fors est. Perpetuò tamen corpora quæ prauis succis affluunt, reliquis in maiore discrimine uersantur: quoniam citius in illis putrescit humor, citissime in sanguineis, calidis et humidis, post in biliosis, deinde pituitosis, postremo uerò loco melancholicis: ægerrime, tardissime, difficillime in temperatis: quoniã ob cõpositionis robur, & temperationis salubritatẽ, constantissime ac fortissime à putredinis occasionibus sese defendunt. Quod igitur supra diximus, raris, & laxis corporibus, è causa superiore pestis obrepit: impuris, humorèque uitioso refertis, ex inferiore: utrisque, ex ambabus coniuratis:

tis: mundis uero, ex neutra, nec aliunde
quàm contagione malo transeunte, illius=
ue occurſu, uel conſuetudine, qui ex loco
peſtilenti redeat. Munda corpora medi=
cis nūcupantur, quibus nec humores quā=
titate, nec qualitate, nec utriſque inutiles
ſunt, & nulla plenitudo uel ad uires eſt
uel ad uafa, ſic enim Galenus libro de Eu=
chymia interpretatur. Addidit Ariſtote=
les animi ſecuritatem, quæ ad bene, beatéq;
uiuendum expetitur, ac neceſſaria eſt.
Cauſſam ſuperiorem, inferiore potentio=
rem eſſe uoluit autor libri de cauſſis. Nul=
lam actionem fieri, quàm in rebus, ad pa=
tiendum aptis, Galenus libro de diff. febr.
ſenſit. Hæc cum ita ſe habeant, mundi cor=
poris, quod pro ſua ſalute pugnat acer=
rime, peſtis cauſſæ ſtatum leuiter mu=
tant, & alterant, ſed perinde ac ſi fu=
turos uideant irritos conatus, ab ince=
pto ſtatim diſcedunt: Immundi uero, qua=
ſi naſtæ commodam in qua ſe exerceant
mater

materiam & opportunam, euertunt, sub=
ruunt, opprimunt, ut sanguinei, carnosī,
florentis, malis humoribus obfiti: sicut ful=
men oculis integris, aurum liquat, illæ sã=
que uagina ensem è chalybe fundit, ut
Albertus in compendio Philosophiæ tra=
didit. Ne uero quidpiam inexplicatū nos
prætereamus, cū aërē huius luis uim, à sy=
deribus excipere dicebamus, id sic non est
audiendū, quasi aër putrescat. Putrescunt
enim tantū Arist. iiii. Mete. quæ primis ex
quatuor naturis cōstāt. Proinde nulla sim=
plicis, ut quod nullum elementum sit, aut
elemento proximum: nulla rari, nulla
perspicui, & pellucidi aëris putredo in=
telligi potest, cum à syderibus solum uel
refrigeretur, uel calfiat. Cæterum cum
uapores, aut tenues, & occulti, aut crassi,
& aspectabiles, è terris, & aquis subla=
ti, aëri se immiscuerint, tum pestilens af=
flatus stellarum, sic in illo suscipitur,
non ut is reapse uenenatus fiat: hoc enim
pactō

pacto uniuersum hominum genus, aboleretur, egrèue haberet, sed ut pestiferas: & uenenatas affectiones, in morbosis corporibus, leui de caussa suscitaturus sit, quemadmodum supra quoque nobis demonstratū est. Est & prædictio medica, digna certè quam non contemnamus, eos quos pestis interimit, longe maxima parte, senescente luna expirare, quoniam tum corpora arefcentibus calido ac humore natiuis, ut credidit Auicennas cap. de cucurbitulis, Aristotel. viij. de partibus animantium, plus excrementorum generant. unde fit, ut & alias suppressiones in foeminis, tum exuberent. Nullo non quidem tempore, infantes, pueri, senes ex hoc morbo fato concedunt, sed luna profecto silente, multo plures, quoniam tum magna est in ijs uis excrementorum, quæ propter humiditatem aceruant multa: quemadmodum è iuuenibus, robustis, sanguineis, carnosiss, succulentis,

tis,

tis, plena Luna, quoniam illorum succi-
tum maxime iactantur, exultant, commo-
uentur ob splendorem Lunæ illustrio-
rem, quod & in ouis, cerebro, medulla,
conchis æstuarii maris fluctibus recipro-
cis, experimur: atque ut Luna decrescens
aegris est tristior, sic & recens mitior, ut
quæ paucos nobis eripiat, tum enim nec
humor natiuus, ut cōticescente, minutus
est, nec ut plena iactatus, & percitus.
Præter hæc tametsi uulgatum est, cer-
tissimum esse in hoc malo remedium, è
suspectis locis, quamocysime profuge-
re, & quam maxime procul, nec nisi
sero admodum reuerti, medici animad-
uerterunt, ijs qui spem salutis in fuga
posuerunt, esse fugiendum cautissimè.
Nam & qui fuga periculum anteuer-
tentes, per coelum pestilens, ut neces-
sum est, plerumque iter agunt, cum
ad optatam regionem peruenerint, sta-
tim obeunt: quod Hispanis accidit,
nostro

nostro seculo , Italis , Allobrogibus ,
& Vellaunijs , Auenionem commean-
tibus. quorum interitu , pestis quæ diu
se inoxiam continuerat , mox erupit.
Eius rei caussa est , quòd uix labore
frequentius spirantes , plus aëris ui-
ciosi trahunt , & corporis succos e-
mouent , qui uelut irritati excandescunt,
fiuntque perniciosi : quod adnotauit Ga-
lenus , commentario Aphorismi uigesi-
mi quinti, libro secundo. Adde si uis , re-
pentinæ mutationes , nunquam non gra-
ues accidere, & corporis aut cacochymi,
aut plenioris humores inconsuetæ uix fa-
tigatione calefcere , uri , uenenatos fieri,
indèque nasci tubercula uenenata, quæ ci-
tra superiorem caussam, etiam plerumque
in nobis existunt. Nec uero propterea sua-
serim , ut in populosis urbibus resista-
mus: Id enim stultum, & temerarium fue-
rit. Cæterum , ut terrorem , quem affert
sparsus de mortuis rumor , effugiamus,
néue

nēue ex aliorum familiaritate in periculum incurramus, & animus ab inquieto pauore uindicetur, in suburbana prædia diffugiendum est, cum paucis comitibus, ubi & solum aquosum sit, & cœlum crassius. Quod enim tale est, ut censuit Auicennas, libro primo, cap. de tempestatum uarietate, ne accipiat syderum uim, pertinacius reluctatur: non sic autem lædit superior caussa, cum ab inferiore coërcetur. At uerò fecerit sapienter, qui cum lues popularis, non tamen pestilens, molescit, in regionem situ ab ea diuersam, unde malum oritur, aufugiet, priusquam patrium locum, ea calamitate, deprehensum uiderit. In peste quidem, cum malo causam præbuit æris uitium, præstabilius est in solitudines uliginosas, depressas, cœlo densiore cinctas, quàm in æditas, asperas, salebrosas, puri cœli, tenuis, ac peruij, secedere. Ob-
stina

stinatius enim, quæ tales fuerint, aper-
tis, uentosis & perflatis syderum affla-
tus respuunt: quod inquit Auicennas, li-
bro primo, cap. xij. de bonitate aëris: cu-
ius rei argumento est, eorū qui habentur
in uinculis, foëminarū uestalium, quæ suis
ædibus incluse, à publico abstinent, nul-
liusq; utuntur cōmercio, eorum qui degūt
locis paludosis, cœlōq; spisso, ac minime
diffлото, salus, bonaq; ualetudo id tempo-
ris, quo nemo prope in tuto est. Cōtra ue-
rò terrarum halitus caussam malo si dede-
rint, primis quidem mensibus, in paulo al-
tiora, postremis in altissima conceden-
dum est: ac nusquam diutius immoran-
dum quàm ut secundo quoque mense, so-
lum non uertatur, quod adiectis etiam ra-
tionibus diluscescet. Caussas inferiores à
superioribus ut earum effectus, cieri op-
pido statim, antea nos exposuimus. Iti-
démque in omni peste, de syderum male-
ficio, nos queri posse declaratum est.

D

Itaque sydera cum nobis moliri exitium
cœperint, cœlum ingrauescit, aër impu-
rus sentitur: nubes crassæ, ac multæ lumi-
nibus cœli obstruunt: immundus ac igna-
uus tepor hominum emollit corpora: ex-
oriens Sol pallescit. Hæc omnia, cum ad-
fuissent superiori, ac proxima peste, mē-
sibus primis, in febres uehementissimas, et
nocentissima tubercula homines in quibus
sola superior caussa uigebat, inciderunt.
quod genus morborū est κατὰ λόγον et quar-
ta die, uel celerius enecti sunt, ex pueris, iu-
uenibus, infantibus, multi: alios subita
mors abstulit, quos aptiores malū offende-
rat: Sequētibus uerò, atrocitate morbi ali-
quantulum mitigata, ægri ad septimum
diem, ut in acutis ægritudinibus fit, uixe-
runt seruatis ijs, qui ad hanc horam non
occidissent, cū inferiori caussa, superioris
consors iam foret: Postremis cum suas ui-
res inferior magis contulisset, lenta mali
acerbitate, ad decimum quartum, uigesi-
mum,

num, & longius etiam producti morbi sunt, quales $\chi\omicron\nu\iota\varsigma$ & $\delta\epsilon\acute{\iota}\varsigma$ $\epsilon\kappa$ $\mu\epsilon\tau\epsilon\pi\iota\omega\acute{\alpha}\varsigma$ appellamus. Nec solum ea notata est ratio, superiori peste sed & in alijs fere omnibus, quarum modum, uel auditione cognouimus, uel obseruatione didicimus. Scitu quoque dignissimum est, pestem hanc quæ uniuerfas nationes populatur, ut alias item multas, ex precedentibus connexam, in plures deinceps annos prolatam fuisse, non sine tamen peculiaribus causis. Iupiter enim, & Mars, ad principium Tauri, Aprili mense, anno 1383. Mars item, ac Saturnus, eodem anno mēse Maio, ad Geminorum septimum gradū conuenient, occurso, quod dicere solent, mediocri. Quamobrē, malū hoc superioribus futurum est diuturnius, nec quod ut precedentia, quinto, sextoque, mense cōfidat, annis etiā integris, duraturum, ut alicubi iam usauenit. Differt autē ab ijs, quæ antecesserunt, quoniam maiori

D 2

Et aëris, et humorum putrescentium uarietate illudit, unde pruritus, ulcerosa scabies, coli dolor, æléos lumbrici, Hemitritæ febres, multa insectorū genera, partim in uisceribus latebrisque terræ, partim in eius summa facie procreantur. Differt et, quod egrorum non idem est exitus, perinde ac si superioris, et inferioris caussæ, nulla sit consensio, sed utriusuis fortuitus quidam interuentus. Alios enim ut pleniores subita mors occupat, alij tertio die ut infantes, alij quinto septimoue, ut adolescentes animam efflant, alij decimum quartum uident, magnaq; ex parte bonæ ualeitudini restituuntur. Differt et, quod in plures nationes excurrit eodē tempore, in omnibus pene mundi partibus insolescens, mitior tamen alijs: quoniam in iuuenes, robustissimos quosque, durior, senibus parcit, præsertim quibus iam annus quadragesimus effluxit: Iudæis quā christianis longe infestior: ut ex quibus p.
dec

decimum quemq; abripuerit admiranda
specie mali, cum alijs nunc alarum, nunc
inguinum, nunc aurium, glādulæ, nunc o-
mnium simul earum partiū extuberarent,
nunc intro refugerent, nunc è mollibus du-
rescerent, certissimo ægrorum exitio. Sibi
redditi sunt, quibus excreuerāt tubercula:
quoniam licet prauī humoris magnā uim
ea significarent, expellentis facultatis in-
tegritatem, ea pariter demonstraerunt.
Differt &, quod contagione serpit mi-
nus periculosa, ac lubrica. Prima enim du-
plo plures sunt interempti, quā seruati,
nullo pene superstite, qui prehensus fo-
ret. Altera occisi tam multi, quā qui su-
per fuerunt, sanatis paucissimis, quos ma-
lum attigisset: Tertia decimus quisque ob-
ijt, multis ex malo curatis: hæc uero quæ
quarta est, uigesimum quemque interficit,
quamplurimis euadentibus.



DE RATIONE
QVA PESTIS
LVEM A NO

BIS ARCEA-

M V S.

LIBER II.

De vfu sex rerum quæ non na-
turales vocantur.

CAP. I.



Vandoquidem hæte-
nus de caufis peftilen-
tiæ, ut res ipfa pofcere
uidebatur, fi non uerbis
ornatè, aut fententijs
copiofè, diftinctè faltem & ordine con-
uenienti fuit difputatum, in eam proui-
dentiam traducenda eft oratio, quæ nos
reme

remedijs instruat, ad uitandas horum morborum insidias, appositis, & accommodatis. Cum enim sit excellentius instans periculum arcere, quam è præsentis consiliū capere, aduenientiumque morborum intercipere uim, quam iam ægris mederi, æquius item fuerit, arcendi prius, quam abigendi huiusce mali rationes explicare, ut nostris præceptionibus eruditi omnes & quasi armati, ab eo se defendant. Et quoniam his poenis, ob scelera nostra irritatus quandoque nos Deus optimus maximus, persequitur, ac meritos uelut flagris cedit, imprimis, religione pura, uotisq; pijs, & castis placandus ille fuerit. Propitium enim si habuerimus, ac precibus nostris apud Deum litauerimus, iussu, & auctoritate ipsius, quem inter causas primū, & ueneramur et adoramus, reliquæ oēs causas temporis articulo, uexare nos desinēt: incōmoda quæ circumstare solita sunt, euanescent cū syderibus, alijsq; similibus cau-

sis pax reconciliata fuerit: animique securitatem magnum in hoc morbo praesidium nobis pepererimus, sed à nostræ religionis interpretibus, ac consultis, hæc suauius audiantur, quàm à medico: proinde quod ars medicorum præstat, iam tractemus. Ea curiosè sex rerum non naturalium, necessariarum tamen ad uitam, usum commodum imperat, aëris, cibi, ac potus: quietis, motus, somni, uigiliarum, inactionis, plenitudinis, animi affectuum, & eorum præterea, quæ cum his copulata sunt, ut exercitationis, balnei, thermarum, ueneris, ac huiusmodi reliquorum. Primum omnium, siue superiori causæ pestem, siue inferiori debeamus, quoad fieri licet, minime in publicum exendum est: quoniam, aut publicus aër uitiosus omnino est: aut obambulantibus in publico, nocens uis syderum integrior, ac è directo magis incutitur & allabatur. Semel uerò dictum est, hicque
repe

repetetur denuo, faciliorem esse causa-
rum effectum, in ijs, quæ ut ab ijs affi-
ciantur apta sunt, quod & Auicennas,
tradidit libro de uiribus cordis, cap. de
Hyacintho. Quum igitur è superiore
caussa pestis est profecta, intra ædes la-
tendum, ac desidendum est occlusis fene-
stris uitro, aut ceratis umbraculis, locis
humilibus, cauis, campestribus: ad deflu-
xiones tamen ciendas minimè commodis:
quoniam illic & spissior, & frigidior
aër. Nec à sententia deduxerit quorun-
dam opinio, aliter sentientium, quoniam
uelint aërem densiorem, impressam uim
malam syderum retinere diutius, ac per-
uicacius: calfactum igitur calfacere po-
tētius, ut silicē, ferrum, & solidiora quæ-
uis: Præterea ut radios solis ad cauum
speculum reflexos ignem accendere, sic
& in locis cauis repercussu luminis aë-
rem inflammari. Verum id quidem est, sed
quod pro nobis, non aduersus nos faciat.

Magna enim caliditate nihil unquam putrescit: quod subtiliter Auicennas meditatus est, cum scriberet tetros uapores, in aërem summissos, cum putrefacere, calor ignauus si fuerit. Etenim tum uehementi, tum ingenito, disturbari putredinem: ab hoc, quia naturam aduersus putredinem tueatur: ab illo, quia cremetur, in cinerem ac puluisculum redigat, potius quam putrefaciat. Cum uerò ex inferiori malum prodiit, ædificijs altioribus commorandum, obturatis, quemadmodum supra diximus fenestris: cum autem ex ambabus causis nascitur, medijs locis, nec ita substructis, nec ita deiectis habitandum est, fenestris, ut antea scriptum, adornatis. Succenditur ignis, in causis ambabus, uel inferiore sola lignis aridis, & odoris, ut Myrto, Iunipero, Libanotide, Lauendula, Lauro, Cupresso, Tamarisco, palmitibus uitis, Robore, Buxo, Rusco, idque tempestat

state nebulosa, ac pluuiæ. Paratur, & in foculo suffitus è Gallia, & Alienta Moschatis, Gallia Alephanguina, Mesfues confectio, è qua formantur globuli quos uulgus Ambraë pomum uocat. auiculis Cypriis, ni paulo forent calidiores: Idq; ut supra uita tempestate, nubila, frigida, caliginosa, foetidòque ac turpi cœlo. Id autem haud profuerit, æstuoso cœlo. Tum enim & aërem, & corporis succos ardere, ignescereque supra nos ostendimus. Ex quo par est, ignem cum domi nos incendimus, humorum aërisque ardorem, & æstum augeri. Huc accedit ab igne rarefcentem eum, quo nos circumsepti sumus, aërem, tum in corpora penetrare citius, tum qualitatibus alienis celerius imbui: quod est ab Auicenna proditum, libro primo cap. de tempestatum uarietate. Ignis ergo tum ex usu non fuerit: quin potius ne incalescat aër, curandum, irrigatis

gatis Oxycrato pauimentis, aut Rosa,
Myrto, Salice, Vite, Nymphæa, Violaria,
Cydoniorum fronde stratis, maximè per
æstatem, madidis Rosacea, & aceto, uel
sola posca lintheis ad ægrorum cubicu-
lum suspensis, quod Rasis inuentum fuit
lib. 4. ad Almanforem. Contrà si aër calfa-
ciendus est, ut per hyemè & alioqui frigi-
dam tempestatem, pauimentis inspergun-
tur, Cupressus, Laurus, Calamenthū, Ori-
ganum, Chamæmelum, Libanotis, Lauen-
dula, ni ex superiore caussa malum subor-
tum fuerit, & in primis adhuc mensibus.
Nam quacunque anni parte id accadat, iu-
sto aër semper calidior est. Futilis quidem
certè ac obtusa medicorum superiorum fa-
bula, arbitrātium, ut Adamas ferrum non
sequitur, Allio confricatum, sic ubi collu-
ceat ignis, pestiferi uim aëris non admitti:
disimillima porrò, cū simile facere uel-
lent, induxerunt. Adamanti enim ferrum
haud trahitur, ni tenuis aër undequaque
ac pell

ac pellucidus fuerit, is autem halitu uaporesq; Alij confusus obscuratur. Diuersa planè ratio in igne est. Eius enim propinquitate aër calidior, rarior, tenuior, facilius, ac uelocius graues syderum aspirationes exorbet. Ignis igitur haud iuuerit, præterquam cum æstus ingens non est inferiore caussa, & attenuādo, purgādo, mūdādoq; aëri, tum plus satis & sordido, & crasso. Odor amēta quidem usurpari commodè possunt, sed leuiores, & suauiores, quibus recreentur spiritus, qui dissipantur grauioribus, ut Ambra, Moscho, Xyloloe, Croco: his enim & spiritus diffunduntur, & caput feritur ob nimiam eorum caliditatem, ut Galenus exposuit commentario Aphorismi. 2. s. lib. 5. Mitioribus, ac clementioribus spiritus modicè crassescunt, reficiuntur, delectantur, & simul coguntur. Talia sunt Rosæ, Spodium, Santala, Myrtus, Nymphaea, Caphura, quibus si placet, nonnihil immiscetur

Amb

Ambrae, Xyloaloes, Moschi, Ladani, Thuris, Mastiches: hyeme praesertim: domi Citrij mali cortex passim disponendus. Is enim mirifice & supra fidem, aeris noxam emendat, quod & scriptis Auicennas mandauit libro de simplicibus medicamentis. Hic fuerunt qui odores damnerent: illis existimantes, aerem corruptum, ad cor usque peruehi expeditius. Ceterum huius sententiae magistri, oscitantius id hallucinati, parum animaduenterunt. Quando enim suo pte nutu, uiciosus aer assidue corpus nostrum ingreditur, reataq; & obnixè cor impetit, opponendum est, quod illius prauitatem mitiget odoramentum aliquod, utilitateq; sua compenset alterius detrimentum. Quod si testimonium è doctis petendum est, Auicenna id praescripsit lib. 4. cap. de peste: quo in loco uult per uias foetidas, & loca pestilentia, iter facturis suffitu, & odoribus uarijs, spiritus exhilarandos esse: illis
enim.

enim spiritus oblectari maximè, ut puti-
dis lædi. Et quoniam mercatoribus ac nō-
nullis alijs peregrinationes interdum su-
scipiendæ, ijs peregrinēq; profecturis cæte-
ris omnibus hoc consilij ratum esto, ut
mensibus primis, causāque superiore,
noctu, potius quam interdiu, sese viæ
committant. Primum, quia diurno ca-
lore, Solisque luce, concitatum vitium
aëris, præsentius fit. Itaque fera ma-
gis illic pestis est, ubi magis aër calet,
Solq; radios coniicit ad perpendicularum
rectos, & sursum percussu reflexos. Ve-
rum id esse docent tum Villæ Nouæ, quæ
trans Rhodanum ob Auenionis mœnia
iacet, miserandum fatum hac pestilentia,
tum quòd pestis ferè semper ingruit ab
hora diei tertia, donec uestperascat. Huc
pertinet, & calore adiutari solitos ab-
ditarum caussarum effectus, qua ratio-
ne Succinum calfactum, ualidius sibi pa-
leam, & aceres applicat, ut memi-
ni;

nit Auicennas, libro supra citato, de uiribus cordis, capite de Hyacintho. Vt ergo dies periculosior propter Solis lucem, sic nox tutior propter crassitiem, ac frigiditatem aëris, quæ obstinatus respiciunt admotas syderum uires. Noctu igitur uia magis conficienda est mercatoribus, ni plenilunium sit, quia plenilunio calidius nox tepet, ut censuit Aristoteles, libro de partibus animantium. Alijs corpus exercendum matutino, & sub lucano crepusculo, potius quam aut meridie, aut uergente ad occasum Sole: Diuitibus, & literarum studiosis, quibus exercitatio tuendæ ualetudinis gratia obitur, domi lenius inambulandum, ne magna contentione corporis partes incalescant. In causa sola inferiore, aut superiore, & inferiore compositis, alio prorsus tempore, exercitatio corporis constituenda, uaporem nocturnum obscuramque nubium densitatem, cum Sol & disiecerit, & consumpserit.

At si

At si occasione rerum gerendarum terris
nondum à Sole detectis & perlustratis,
exeundum cuiquam est, is antequam egre-
diatur, sumito panis buccam, succo, uel
Limonium uel Aranciorum, aut Punico-
rum acidorum, intinctam, aliquantulum=
que succi post bibito. Aut Theriaces dra-
chmam dimidiam è Rosacea. Aut pilulas
communes deuorato, aut electuarium de
Bolo, uel Saccharum Rosatum lingito,
manuque gestato, & naribus sæpius, ac
ori prætendito, è lana aut serico panni-
culum Coccineum, aut lineum, Rosacea
Camphurata, & aceto madentem in qui-
bus dilutus sit, Rosarum, Santalorum
& Camphuræ puluisculus. Aut globu-
lum in eum usum hoc pacto, si æstus est
confici curato. Recip. Rosa. rub. florum
Nymphææ & uiolarum ana unci. i. om-
nium Santalorum, coriandri, corticis ci-
tri, ana unc. ss. Camphuræ drachm. i. con-
terantur omnia, in puluisculum excipia-
E

tur is Tragacantho, Rosacea macerato,
inde conformetur globulus. Manus, & os
quidam utiliter lauant, nunc simplici
Posca, nunc Aceto, & Rosacea. Ho-
rum loco hyeme circumfertur confe-
ctio quam uulgo dicunt Ambra pomum.
Medicis ad ægros inuisuris, ex usu sunt
hæc omnia, & aliquid prius sumpsis-
se ex ijs quæ confortatiua & defensiva
uocant, ideo quod & à pestis lue, de-
fendunt, & cordis, ac corporis totius
uires tuentur, qualia sunt Pilulæ com-
munes, Theriace, electuarium de Bolo-
mica panis intincta uino, Aceto, Rosa-
cea, iusculo pulli Aceto condito, Oxali-
dis succo, Rhodosaccaro, Triasanta-
lum: conditum aliquod in eam rem præ-
scriptum: Hyeme Caryophillum, Mace-
rem, Lauri folium, ore semper contine-
re, æstate Rosam, Violas, Tormentillam,
Acetum. Eiusdem est ipsorum quoque
sapientiæ, cum accersuntur, priusquam
ad

ad egros adeant, iubere, ut si quid in cubiculo sordeat, efferatur, ac conueratur. Postea solum irroretur, fenestris apertis, quod inclusum fuit ægri cubiculo, aëris uentiletur, ac renouetur. Et cum hæc peracta sunt omnia, nec tum denique tam prope lectum sedere, ut ægri spirantis halitu feriatur, sed auersa facie colloqui, nec cum ægro diu morari, aut si quid morari compulerit, præcipere ut è condito, quidquam is sumat, quale in hoc morbo solet à medico imperari: aut Rosacea & Aceto, os colluat. Hyeme non procul ab igne discedere: ægrum, qua poterit lenitate, & comitate sermonis, leuare, consolari, erigere in bonam spem: ex omnibus enim medicorum officijs nullum est ægro iucundius, nullum quod pluris faciat, nullum quo magis innitatur, quam medici omnia leta pollicentis affabilitas, & comitas, unum in grauißimis qui-

busque malis solatium, quod perferre omnia constituimus, ubi salutis aliqua spes affulserit.

Cibus, & potus.

Percurramus locum uniuersum, qui est de aëre, nunc de cibo & potu, differendum, ad uitam sic necessarijs, ut cum aëre de principatu certent, medicis quærentibus, horum an illius maior uis sit, in nostris corporibus. Olerum, ac fructus, arborum natura explanabitur primum, quæ tametsi uberius nutriendo corpori non idonea sint Auic. teste, expetuntur, quoniam ut medicatum alimentum dum offerimus, prauitatem emendant, qualitatum, humorum feruescentium impetum reprimunt, putredinem cohibent. Ex illo toto genere, fructus acidos, prima mensa, medici summopere commendant, æstate præcipue, & dum prandetur, qualia sunt mala Punica. Horum succi cochlearia
duo

duo sorbenda sunt, quouis matutino, dul-
cium quum frigidus, acidorum quum ca-
lidus, ut et cum temperatus uentricu-
lus fuerit. Etenim frigidis ut utamur, non-
nisi perspecta, et explorata uentriculi
temperacione medicus præcipere debet,
frigidis namque frigidus offenditur, ni
solertia medici eorum frigiditas aliquan-
tulum compressa fuerit: Punicorum aci-
ni è mali putamine eximuntur, Aceto
et Rosacea lauantur, exuguntur nuclei,
expuuntur. Illorum uis insignis est ad
propulsandam pestis contagionem, om-
nibusque alijs sine dubio remedijs an-
teferenda. Quocirca laborandum ut eo-
rum nunquam desit copia. A Punicis
honos secundus Medicorum, in quo no-
mine Arancia, Limones, Citria compre-
hendimus. Horum frustum deglubitur,
frigida eluitur, in sperso Saccharo come-
stur, mirifica potestate, ad compescendos
humorum feruores. Eodem consilio, Me-

limeli, Pomum de paradiso uocant, aut Appij, aut cuiusuis alius id generis frustum dentibus atteritur, succus exugitur, reliquum eijcitur. Numerantur & inter hæc Cerasa & Pruna acida. Condiuntur obsonia, è succo Arancij, Citrij, Limonum, Oxalidis, Omphacio, Aceto & tantillo Cinamomo. Huic condimento panis intinctus, adiecto Saccharo, & Punicorum succo, si edatur, appetentiam reddit, sitim mulcet, uomitiones, & alui profluvia sistit, additis Oxyachantes baccis. Conferunt eodem Corna, Sorba, Messpila, Cydonia, Pyra: primis tum mensis, alias uerò si effluxio nulla remoranda fuerit, secundis. Mansum pariter Coriandrum ad pestilentis aëris uitia conuenit. Fugienda tum mollia, tum dulcia, ficus, Mora, Persica matura, uuae dulces, tum quia dulcia in bilē facile conuertuntur, & interiores corporis uias obstruunt, tum quia mollia, uitium aëris propter

pter corticis teneritatem citius imbibunt.
Dura omnia qualia sunt Auellanae, Amy-
gdalæ, Iuglandes, Pistacia, Strobili, in pe-
stilentia facile & impunè permittuntur.
Et hæc de arborum fructibus. Olerum
decoctum, oleribus ipsis, quæ crudos, a-
quosos & ob liquiditatem commodè uel
putrescentes uel ardescentes gignunt suc-
cos, salubrius est: illis propterea non ue-
scendum omnino, si liceat. Quod si hos fi-
nes cupiditas hominum exiliat, lecta, tepi-
da lauari oportet, ter aut quater, seu in ox-
yporum, seu in iuscula lecta fuerint: ut
quod aëris uitiū summam illorum partē
obsederat, deponatur. Sic parantur Melo,
Cucurbita, Cucumer, Portulaca, Lactuca,
Brassica, quam ob siccitatem, ne putrescāt
humores, aiunt efficere: Buglossum, Cir-
sium, Spinachia, Cichoriū, Violaria, Atri-
plex. In uētriculis calidis, è Lactuca, Cicho-
rio, Portulaca, Oxyporum paratū haud
damnatur meridiæ præsertim. Cæterum in

hoc genere, omnes alias excellunt Intybū
laudibus Auicen. celebre, ut quod Antido-
ti uice habeatur, & Oxalis. Huius nouem
folia, in aqua, & aceto mersa prius, & ma-
tutino deuorata, summum esse remedium
experti sunt multi. Alijs ubiq; placet Oxa-
lis in iusculis, condimentis, oxyporis. lu-
uant Cappares conditi, aqua incocti, &
aceto sumpti ad duodecim. Ex legumini-
bus, Lenticula cortice exuta, & faba fre-
sa, cum farina Ordei, & Amygdalis tri-
te, conueniunt propter siccitatem, & fri-
gidityatem, quibus putredimi repugnant ut
& farina Lupinorum quæ lumbricos
tum maximè nascentes, occidit. Conue-
niunt Amygdalatum, Ptissana ex Ordeo,
uel Zæa, Auenatum, è Saccharo omnia, &
Oxalidis succo, interiectis, Punicorū aci-
nis, cum paululo uel Cinamomi, uel Croci
in frigido uentriculo, ne acidorum frigi-
ditas ledat. Cicera, Pisa, Lens, coctura
mollescunt: in cerniculo aut colo aereo
pertu

pertuso transmittuntur, ex eo quod tran-
sijt iusculum fit, puretam uulgo nuncu-
pāt. Queritur saporis gratia additis, Ap-
pio, Oxalide, Croco, Zingibere, Cinamo-
mo. Rapi, & Napi esus, non interdicitur,
sicut & nec ex illis iusculum quod Cina-
momū acceperit, nec ex Cucurbita, Cro-
co, & Oxalide condita. utilia sunt iuscu-
la, è carnibus quibus assueuimus, uerueci-
na, Bubula, Pullorū, Cappi, Gallinæ, Per-
dicis, admixtis Omphacio, succo Oxali-
dis, Aceto, Cinamomo, Croco, succo Arā-
ciorū, Citriorū, Limonū. Acidorum enim,
quoniā supprimūt putredinem, feruorē-
que humorū sedant, nūquam nō usus op-
portunus est eorū frigiditate, ut supra di-
ctum est, ne uentriculis frigidioribus no-
ceatur, calidorū accessione ut Cinamomi,
uel Croci nonnihil obtusa, uitāda acria, o-
mnia, Allium, Porrum, Cepa, Eruca, Na-
sturciū, Sisymbrium quod in oxyporis edi
solet, Apiū, Ruta: aromata quæ uis calida,

quibus succi corporis uruntur & feruēt.
Quod autē uulgo aiunt Rutæ folia cum
iuglandibus & ficu subacta, quo die uesci
carnibus per nostræ religiōis instituta nō
cōceditur, mensa prima esse sumenda, &
alias matutino, cū à pestilentia timemus,
hoc enim nos aduersus uenenum tutari id
quidē uerū si quis uenenato cibo infidias
uitæ nostræ moliatur: falsum, si aduersus
corruptelam aëris, nobis cautū esse ueli-
mus. Istic enim cane peius & angue, ut est
in prouerbio, quæ humores attenuant, &
immodice calfaciūt refugienda: imprimis
que rancida iuglans, plane uenenata, ut
Rasis prodidit, suorū librorū ad Almāso-
rē octauo, quoniam ipsius oleo humores
corporis uelut persusi statim deflagrant.
Damnosa sunt salsamenta, quoniam salsu-
gine corpus macrescit: succi corporis ac-
cenduntur: congenitus humor arefcit, pe-
culiari ad id salis noxa. Proinde libris de
partibus animal. sine unguibus filios edi
Arist.

Aristote. uoluit, cum grauida matres inanem appetentiam pręgnantibus familiarē, sale copioso satiauerint, qua eadē ratione, falsa macilētis, studiosis literarū, delicatis, officiūt. Nihil ē lacte paratū, nihil dulce gustandū, quoniā illa facile putrescūt, pręter Oxygala, & lactis caprimi serū, quę tū nos indulgemus: Alia in bilē corrūpūtur, uias corporis impediūt, ac idcirco febres generāt, ni tollatur incōmoditas ea adiunctis acidis, siue in cibos, siue in pharmaca, dulcia nos assumamus. Eodē in numero habēda pingua, quę inflationes excitāt, ac bilem gignūt, oleosa, & oleū ipsum, quia inflammantur citiſsimē. Panis esto purus ē tritico minime uitiato, hor-
no, si tale nancisci possumus, quod in agris prouenerit ædiis, arborum umbra, minime opacis, minime stercoratis. Hor-
num pręfertur aut binum, quoniam pestis lue, stirpium & eorū, quę terra proger-
minant uniuersum genus uitiatur, quę in
ani

animantibus dū ijs aluntur, mali caussa est,
 ut Auic. scriptum reliquit, lib. j. Ad uale-
 tudinē facit Tritico, uel Zææ, uel Hordei,
 non nihil admiscere refrigerandi, & sic-
 candi gratia. Panis fermento, & sale qui-
 bus tritici gluten euincitur, esto conditus,
 non ante triduū, coctus, adhuc molliuscu-
 lus. Azyma omnia ne gustanda quidē ut
 bellaria nostra, Placētæ, Lagana ἰτρία, πὲ
 γηνῆται, πέμματτα Græcorū, πόπτικα, Crustu-
 læ, crustis etiam nostro more caro inco-
 cta, & reliqua id genus. Oriza, quia te-
 nues humores cogit, & spissat nonnun-
 quam uescendum è croco, & omphacio
 parata, non ut fieri solet, cum Bubula, uel
 Ouilla in multa pinguedine natante: uinū
 esto bimū, propter eam caussam quam in
 tritico nos expreximus, album uel subful-
 uum, astringens modice, non dulce, nō ge-
 nerosius, & potentius, non uaporosum
 qualia sunt Cretensia, Rhodia, Cypria,
 & exotica multa; non aromatibus ad
 uolu

uoluptatem conditum, ut Hippocraticum nostras. Iis enim humores accenduntur, iuuenum præsertim, quibus sunt nocentissima, senibus uero quibus ætas, & alijs quibus crapula uenter frigerat, ea bibere, sed parcè conceditur, ubi aliquantulum cibi præsumpserint. Eadem est in Defruto, & Sapa præceptio, uel quæ seorsum bibuntur, uel quæ miscentur cum alijs. His enim ut nigris ac dulcibus, & sanguis feruens gignitur, & obstructions alliciendis febribus idoneæ. uinū ergo probatur, tenue, fragrans è consitis uitis in locis saxosis, montosis, glareosis, asperis, ualde dilutum, in iuuenibus, & æstate: meracius hyeme. Quibus in locis uites non coluntur, aqua bibenda est decocta prius cū aliquantulo Aceti, & ordei, aut immersa panis medulla, ut si quod sit uitium, id abscedat. Ea uero qua panis subigitur, uinū diluitur, quæ iusculis affunditur, cōquirēda è puteis, citius quā amne,
uel

uel fonte, & priusquam Sol exoriatur,
haurienda situlis altissime depressis: quo-
niam in superiore pestis caussa cœli uilio,
procurrens aqua & detecta magis affici-
tur, minus putei, minime in altis ac profun-
dis aquæ scaturientes. At in caussa uel
inferiore, uel utraque, salutarior fontium
& profluentium in summa terra, potus
aquarum est, quod Rasis uult quarto ad
Almansorem: Haurienda uero die multo
aqua est, ut Solis radijs & calore perfusa
purior sit. Quod si natura insalubris fue-
rit, ea coquenda cum Aceti paululo: co-
landa, ferro, chalybe, auro, argento, can-
dentibus iniectis, ac extinctis, purganda.
Hæc de aquis. Zingiber uiride, confe-
ctiones omnes calidiores, è melle, uini
stillatitij liquor, quem nos aquam uitæ
dicimus, rusticorum opinione incom-
parabile remedium, non congruunt, ut
è carnibus, nec pinguiore, nec humidio-
res. Itaque Suilla, è porco mactato nuper,
elixa

elixa præsertim, non edenda: Salsa uero,
assa, & macrior non sic damnatur, dum
avidius non ingeramus. Bubula maxime
salsa, auium palustrium ut Anserum, A=
natum, Ardeæ, caro uitanda. Humidio=
rem enim ac crassiore, uel sicciorem,
& melancholicum succum gignunt: aut
uentriculum offendunt, quod in Anseris
carne medicis reprehensum est. Ex usu
est Hoedina, si curiosius à matre Hœ=
dus fuerit educatus, ac nondum rumina=
uerit: Cuniculus tenellus, Lepusculus, ue=
tus enim duræ carnis est, ac succi me=
lancholici. Ceruorum, Damarū, Caprea=
rum, & huiusmodi syluestrium animan=
tium, quæ canibus uenamur, tametsi ca=
ro quàm cicurum, & domesticorum sic=
cior sit, excrementorūque minus fa=
ciat, non expedit tamen, præsertim cum
ex inferiore caussa pestis est. Primum
quia in cœlo degunt aperto, & undi=
que patenti, nullis unquam lachbris
absc

abscōsa: tum quia ceteris belluis cū ingressu, cursu, saltu, se magis exerceant, plus aëris uiciosi, & anhelant & percutis foramina ducunt. Postremo quia ab aëre uitiatas stirpibus, herbis, frutibus, famem: aquis obscœnis & rancidis, sitim explent, unde caro ipsorum minus utilis: uolucres, quoniam paucius & rarius spirant, suspectæ minus sunt: quæ se procul à terris uolatu subducunt in peste ex inferiore caussa: quæ propius terras nidulantur, commorantur, uiuunt, ut Perdices, Phasiani, auculæ, quas pedita, laqueis, uisco captamus, in peste ex superiore. Veruecina uisus commodus aut leuiter falsæ, aut assæ, minus ut humida & glutinosa sit: Commodus, & iuuenum Gallinarum quæ oua pariunt, reficiendis egrorum uiribus, nigrarum maxime. Illarum enim caro, quàm aliarum sanguini uicinior est, ideoque mutatur in eum promptius,

ptius, ex uulgari Philosophorum dicto,
facilius ex sese inuicem fieri inter quæ
naturæ societas est, ac congruentia: Præ-
ter id quod Mesues uoluit, quammini-
mum excrementorum ab ijs gigni. Ca-
pi iuuenes, & Gallinarum pulli reli-
quis omnibus cibus iure anteponuntur,
Magna est utilitas uitulinæ, ex Oxalidis,
succo. Carnibus hætenus memoratis,
quarum esum probauimus, siue assis,
siue elixis, siue crusta incoctis, Ompha-
cis, Oxalidis, Arantiorum, Limonum,
Citriorum succus esto pro condimento.
Dum crusta incoquantur, pertusa sun-
to supra spiracula, quibus elatus uapor
reddatur. Insalubria enim & fere ue-
nenata esse uoluit Rasis quarto ad AL-
mansorem, quæ crusta circumsepta,
dum coquantur, halitus nihil foras eij-
ciunt. Vtilissime dantur condita, & gla-
ciata iuscula, Gelanitas appellant, Gala

F

linarum, Capi, Gallinæ, Pullorum Per-
dicis, auicularum montanarum, artuum,
uel Hœdi, uel Porci delectorum, piscium.
Coquuntur ea usq; dum pulpa tabescen-
te, ossa diducantur, & excidant. Nun-
quam non tempestiuum fuerit, album
condimentum ex Amygdalis tritis, si Pu-
nici mali acini interspergantur. Nec in-
utile fuerit id genus condimenti, quod
uerbo corrupto Ciueriū quasi Ceparium
dicunt, ex carne iuuenis Cuniculi & te-
neri, concisa frustulatim, cum Zingi-
bere, Croco, Cinamomo, Omphacio. In-
testina Veruecis iuuenis, Hœdi, Vituli,
diu cocta, in cibos etiam admittuntur,
ut & Suis artus percocti, studiosè, cum
Apio, & Aceti ac Ceparum tantulo.
Carnis multæ & ouorum recentium
potissimè ac sorbiliun ea noxa est, quod
sanguinem multum generant, ob copiam
facile, & putrescentem, & uias corporis
inter

intercludentem. Quam ob causam, & pi-
sces delecti, carnibus longe sunt conue-
nientiores. Deliguntur ex aquis perspi-
cuis, limpidis, arenoso & glareoso ab-
ueo manantibus, ex maritimis saxati-
les, non coeno, luto, purgamentis flu-
minum, non denique cibis immundis sa-
ginati, squamosi, non leues, aut charti-
laginei, quales Conger, Anguilla, Lam-
preta, Murena, Raya, Pastinaca, Tor-
pedo, Galeus: non uasti, & Cetacei,
quales Delphinus, Thinnus, Balena,
Phoca, Orca, Amia, quem Piscem Mula-
rem Narbonæ uocant: Fluuiatiles, æstate
quales Truta, Umbræ, Lucius, Barbulus,
Perca, Tinca, Astacus, ex omnibus mini-
me lutosi. Maritimi hyeme probantur
magis, quales Aselli recentes, ex Oceano
præsertim uel Britannorum uel Armo-
ricorū, Mulli, Erythrini, Cancrī, Locustæ,
Gramari, Soleæ, Passer, Rhōbus, Lupus,

Coracinus Merula, Turdus, Psittacus,
Trachourus, Arincus, uel recens, uel si
salsus, aqua maceratus, quoad salsugo
eluatur: hyeme frixi, aut assi in crati-
cula, ex aromatibus paucis, Ceba &
Aceto, uel Omphacio: æstate elixi, ut
& in iuuenibus ac biliosis febribus, ex
Apio, sale pauco, & Oxalide. Horum
esus magis quàm carnis iuuat, Primum
quia non tam multum sanguinem, dein-
de quia non tam calidum suppeditant:
Tum quia celati aquis, uiciosum aërem
non inspirant. Huc referendum, aquas
ob perennem fluxum, & motum à putre-
dine uindicari: mare uero & propter
hanc ipsam causam, & propter salsu-
ginem. Itaque libro septimo, de partibus
animalium Aristoteles: & libro septi-
mo, de naturis animantium Auicennas pi-
scium generi ut hominum, & aliarum
quadrupedum, nullam unquam infestam
esse pestilentiam, scripserunt, unde uul-
gatum

gatum est adagium, Pisce magis sanus:
 ἰχθῦος μᾶλλον ὑγιαίνων. Putredine igitur pi-
 scis nūquam egre habet, nisi aut in pigris
 stagnis torpeat, aut aquam summam fin-
 dere, & sulcare gaudeat. Adde si placet
 Apho. 18. lib. 1. uictum humidum, & frigi-
 dum, calida & sicca tempestate, & bene
 ualentibus, & aegris, maxime qui tenentur
 febre mandari. Ex omnibus piscibus, aë-
 ris uitio minime sunt obiecti, quorum &
 plurimæ squamæ, & minutissimæ fue-
 rint. Post hos qui testem, pro tegumento
 ferunt, quales cancer, & fluuiatilis, &
 maritimus, Locusta, Gammarus, Ostrea,
 Mituli, Pectines, Hiatula, Telinæ, Solenes,
 Purpuræ, Umbilici, ac uno uerbo Concha-
 rii, & ὀστράχοδέρμων uniuersum genus. De
 his Aristotelis, secundo libro de animan-
 tium naturis, elogium est, Pisces qui sene-
 ctam exuunt, incredibili & admirabili
 potestate, nos tueri, ac conseruare: obsta-
 re ne cōgenitus humor discutiatur, ne alie-

nus & uitiosus accrescat: supplere quod
è spiritu dissoluitur. Eadem in sententia
fuit Arnaldus, libro de moranda senectute,
cùm ad hũc modum scriberet. Animal
ait, quod natura sua se innouat, innouat
etiam nos: quod se instaurat, instaurat e-
tiam nos. Sic enim uisum parenti omnium
rerum uniuersæ naturæ fuit, ut ijs ipsis
signis, quæ in illorum natura conspiciun-
tur, ostendant multa, quid possint in
nostris corporibus efficere. Id enim ui-
tam nostram prorogat, quod diu suam
producit: Id uitam breuiorem affert,
quod parum uiuit. In carnibus perinde
atq; piscibus condimenta fiant, Albũ ex
Amygdalis tritis, & uel Aceto, uel Om-
phacio, & Zingiberis paululo, uel Ro-
facea, uel Punici, uel Arancij Limo-
nũue succo imbutis: uiride ex Ace-
to, Omphacio, & Cinamomi tantulo.
Multa quidem recitauimus, sed in libris
medicorum passim tradita. Vnum quidem
super

superest, & notū paucis, & quod ceteris omnibus anteponi queat, ab ijs qui arcane rerum peruestigandarum Philosophiæ dediti sunt, sic proditum, ut magna obscuritate inuoluerint, Arnaldo miris laudibus & euectum & celebratum, sed quod non nisi diuitibus usurpetur, id est usus auri, quod nunc iusculis incoquitur, seu rude seu percussum, in monetamq; formatum nunc candens in eo quod bibimus extinctum, nunc ad pateram, uel lancem fabricandam elaboratum, nunc minime uulganda ratione, & ingeniosis solum percepta sic paratum, ut stupendis miraculis extirpet morbos, ac profliget, incurabiles alioquin: uitam incolumem sustineat, exitum uitæ in plurimos annos differat, ut obiter postea demonstraturus sum. Huius ergo Prophylactices summa est, ac Epilogus, uictus rationem oportere esse huiusmodi, ut nec attenuet præter modum, quod aliqui decreuerunt:

in hac enim succi nostri corrumpuntur,
et incenduntur, uitioq; aëris feriuntur
magis, ob corporis laxitatem: nec im-
modicè spisset, ob putredinis, ac obstru-
ctionis periculum, sed mediocritate iusta
contineatur, et rebus alijs non naturali-
bus, et cibo ac potu, ad eam reuocatis,
quale esse uinum debere, supra diximus,
et ex alimentis, quale potissimum est ius
glatiatum, ex auribus et pedibus Suis,
Hædi, Vituli, ac Gallina, obsonium ex in-
testinis ueruecis, Hædi, Vituli, ac reliqua
id genus.

De uestibus.

Cultus corporis is esto, ne uestibus
supra modum calfacientibus, quales
sunt densis pellibus suffultæ, grauetur. Iis
enim laxatum intra se uitiosum aërem,
facilius recipit. Pro tempestate, plus, mi-
nus uestiendum, sic tamen ut uestis per-
petuò spissior sit, textaq; pressius, et quo
minus ad cutem usque corruptus aër su-
beat

beat satis ipsa uetet. Diplois æstate com=
moda fuerit è rubro Serico, coccineo: aut
lineo, uel undulato panno: interiecto pau=
co Bombace operta. Tunica hyeme esto
angusta, & adstricta, si res permittit,
Coccinea, pellibus substrata tenuibus,
quales sunt Agnorum crispæ, aliæue nec
multo nec prolixo pilo hispida, ut ua=
riæ nostræ, maculis & crebris & minu=
tis: minutim uarias appellant. Toga esto
undulata. Indusia cùm elota fuerint lixi=
uio, & emaculata, homine ac tempestate
calidis, rursus madescant Rosacea, in
qua Santalum Camphoram, Rosas dilue=
rimus. Homine uero, ac tempestate frigi=
dis, decocto Ireos & Cocci, cum pauca
Rosacea uestitus mundities, ut salutaris
est, ac honesta, sic & odor non curiosè
affectatus, quem oderant ueteres, cùm
dicerent malle se nihil quàm benè olere,
sed iucundus ac suauis, qui nec alarum
hircum, nec uirus sudoris, offundat na=
F 6

ribus. Odor is conciliatur æstate, puluis-
sculo Rosarum, Santalorum omnium, uio-
larum, Camphuræ, æqua portione commi-
xtorum: Hyeme, adiectis Moscho, Iride,
aut puluisculo uiolaceo, qui passim in offi-
cinis miscetur.

Somnus.

INterdiu minimè dormiendum, maxi-
mèque & pransis, & meridiè. At si
quis, ob consuetudinem, & æstum sibi
temperare non possit, quominus dormiat:
is somnum capito & procul à cibo, &
discinctus, & depositis calceis, in loco
non udo, quam breuissimum poterit. No-
cturnus somnus, quoniam humectat, &
refrigerat, officitq; ne humores incendan-
tur, commodior est, capite in cervicali al-
tius inclinato: uigiliæ multæ, quoniam mul-
tum siccant, fugiendæ.

Motus, quies.

MOtu corpus arescit, calorem siccitas
minuitat. Parum igitur corpus mouen-
dum,

dū, præsertim magno æstu, quo humores solent effervesce. Corpus exercendū si opus exercitatio fuerit, ueßperi, ac matutino cū pestis caussa superior est: alias cū inferior. Cætera magis quiescendū. hume scit enim quiete, ac refrigeratur corpus.

Inanities, plenitudo.

Cibo se multo semel infarcire non expedit, ut & nec multiplici. Nihil enim magis ciborum uarietate Auicennæ damnatur. cap. de ratione cibi ac potus. Priusquam mensæ accumbatur, sex alui egerenda est. Illos enim raro morbus adoritur, quibus aluus mollis fuerit: quod Galenus scripsit, commentario Apho. 33. lib. 6. Cœnandum parce, & citra carnis esum, contentis iusculo, ac panis ossa inuncta, cum Omphacij tantulo: uel iusculo glaciato, cuius supra meminimus: aut Pulli carne paucissima, ex Aceto, & Rosacea. Nulli uel sitis, uel fames toleranda. Omnium minimè ijs quibus calidior est

uent

uentriculus. Iis igitur crebro, sed parum edendum, ientandumq; ac pro meranda comessandum. Ientaculo modicum aut uini bibunto, aut iusculi acidi sorbento. Merēda, uel Mali, uel Pyri, uel corticis Citri conditi, frustulum sumunto, uel Amygdalas recentes Rosacea Saccharata maceratas: uel si sanguis abundat, Lactucam, Portulacam Oxalida, Cucumerem, Melonem, ex Aceto, quorum frequenti, ac repetito esu spiritus & sanguis nouantur, recentesque aëris statum magis citra noxam perferunt quàm antiqui: quod inter Auicennam lib. 4. & faciundæ medicinae doctores, prorsus conuenit.

Affectus animi.

Affectus animi omnes ex æquo frenandi sunt, ne concitatus, ac uehementius tumultuentur. Gaudio multos quibus angustus, pusillus, & muliebris animus fuit: metu complures occidisse legimus. Ira præcipuè qua humores incenduntur
cohi

cohibenda. De morte nec metuendum, nec cogitandum. Tristis enim ea meditatio morbis aliquando initium præbuit. Effusius non ridendum, haud solum quod multo risu obrui mentem, & excidere pudorem, ac fatuitatem prodi, autor est Aristoteles quadam epistola ad Alexandrum. Sed & quòd risu, spiritus dissipantur, ac corpus enervatur.

De Venere & Balneis.

Impetus ad Venerẽ coercendus. Maritos uxor si sollicitat (ut foeminas semper quantum illic operis fit poenitet) cautissimè liberis opera danda, nempe septimo quoque die, tantum, idq; matutino. Nec Balneis lauandum, nec sudandum Hypocaustis. Multos namque ob eam imprudentiam, mortem sibi consciuisse adnotavi, quòd uel Balneo, uel Hypocausto usi temere fuissent. Quanquam balneo ex aqua tepida, biliosis, ac melancholicis magnis ardoribus prorsus non interdicitur, emendandæ illorum siccitati, præsertim

tim cum pestis est è superiore caussa,
Lauantur pedes, ac manus decocto tepido
Rosarum, foliorum Vitis, Salicis, Arun-
dinis, Florum Chamæmeli. Puerorum to-
tum corpus tepida humectatur, eluendis
sordibus, quæ summæ cuti adherent: ea
tamen cautione, in balneo ne diu sint. Lon-
ga enim in Balneo mora, humores ipso-
rum inflammantur. Reliqua puerilis æta-
tis curatio in nutricem reijcienda, cui su-
mendum nihil calidum, acre, mordax: ui-

ctus imperandus refrigerans ac hu-

mectans: uenus detestanda,

quòd ea uoluptate, con-

cubituq; hominum,

lac iusto fiat

calidius.

SEC



SECUNDI LIBRI
PARS SECUNDA,
DE MEDICIS RE-

MEDIIS, QVIBVS
A PESTE NO-
BIS CAVE-

MVS.



VCVSQVE uel abunde
rationē uictus quæ in pe-
stis discrimine sequenda
est, memorauimus. Itaq;
loco hoc pertractato, iā
consentaneum fuerit de ijs remedijs, at-
que medicamentis orationem habere, quæ
cum uictus ratione supra descripta con-
ueniunt, ac eiusdem rei caussa, pestis ne
incessat adhibentur. Corporibus enim pu-
ris,

ris, ritēque, ac decenter curatis, malum
hoc nunquam incidere Auicennas uoluit.
libro 4. Porro autem, in his statuendis,
consilium medicis triplex est, Primum ut
superuacuis corpora purgentur, Alte-
rum ut puram uitam agant. Postremum
ut facultates, à quibus reguntur, ualeant,
eorumq; uis confirmetur. Hæc tria quæ-
siuit pilularum communium autor. Aloe
namque uoluit purgari corpora, Myrrha
puritatem conseruari, Croco sustineri, ac
roborari facultates corpori præfectas.
Aptissimum quidem illud remedium sed
quod ad mala grauiora sit leuius. Proin-
de ijs qui aut multo sanguine, aut prauis
succis exuberant, clemens id auxilium non
satis fuerit. In prioribus uena secanda est,
nimirum cum uel seorsim ac solus, uel unà
cum humoribus alijs, quibus permisce-
tur, sanguis abundantior fuerit. Eam po-
stulant habitiora corpora, referta sangui-
ne, carnosâ, rubentia, huic remedio con-
suefa

suefacta, magnis & amplis uenis conspi-
 cua: multo uini potu, multæ carnis esu, pin-
 guia, & opima: ociosa, & ignaua: ac in-
 terim ualida, qualia plurimum sunt Auli-
 corum summi Pontificis. Ea particulatim
 quæ recensemus si non adfuerint, sectio
 uenæ non audenda est, cum aliorum sup-
 petat remediorū copia, quæ utiliora sint,
 & morbis sanandis, & propulsandis. Ve-
 na cum inciditur, depellendi periculi caus-
 sa, in optimatibus: delicatis, ac potentibus
 uiris, quorum mollicies nullum medici er-
 ratum ferre, nullū dissimulare potest: tem-
 pestas deligitur nec calidior, nec frigidior,
 sed temperata: ex diebus, qui talis est: Lu-
 næ status nec obscuræ, nec è directo in-
 faustorum syderum cuiquam obiectæ: nec
 ab eodem quarta Signiferi parte diuisa:
 in letioribus astris collucens: cæteras
 stellas hilariter & beneuolè conspicien-
 tis: hora luminēque uel post $\nu\epsilon\omicron\mu\eta\nu\iota\alpha\pi$ cre-
 scentis, uel post $\tau\eta\pi\epsilon\pi\alpha\nu\omicron\epsilon\lambda\eta\nu\omicron\pi$ decrescen-

G

tis, ut magis expedit. Tū enim sanguis uel solus, uel cum bile, pituita, melancholia ad motum est incitator. Sanguis alijs mittitur semel, alijs pluries. Quibus pluries ex Axillari uena primum dextra, deinde sinistra, post unum uel alterum diem: sæpius uero si necessum est in sanguine redundātibz, rubris, carnosiss, mole corporis plenioribus, nō obesis, uicissim nunc ex hac uena, nunc ex illa. Adolescentibus, ac sanguineis, quibusuis, sola sanguinis abundantia periclitantibus, uena tunditur, cum Luna ex obscura diuidua fit, orientēque Sole ac die sereno. Iuuenibus biliosis, cum Luna ex diuidua plena fit, circiter meridiem, aut paulo citius, si ueremur ut ieiunio ledantur. Melancholicis ac uiris ætate consistentibus, cum Luna rursus è plena fit. διχοτομη, Senibus ac pituitosis, cum Luna obscuratur ex dimidiata. Iis enim temporibus, humorum quisque magis incitatur, ac commouetur.

Ea

Et ratio inducta est, tum inde quod Aristoteles, ceterique ab eo Philosophi, & Astrologi animaduertunt, eundem à Luna menstruo spatio, atque à Sole cursum annuo cōfici. Vt igitur Solis ambitu, æstas est, ac hyems, aliaq; tempora, sic & Lunæ circumactu eam temporum diuersitatem aduenire: tum inde quod disparibus & anni partibus & diei, humores dispares augescunt, auctiq; impetu feruntur ad motum. Modum sanguinis educēdi Galenus (quā quā uariū esse pro uarijs temperamētis & alijs cōditionibus tradat) in adolescente tamen lib. unam detrahit, ut planū est è lib. de curatione per sanguinis missionem: aitq; se interfuisse, cū detractis libris duabus, febris confestim iugularetur, nihilq; grauius accideret: in alijs sesquilibrium effusam, sed non sine ualetudinis in posterum detrimento, si plus abstulissent: libram unam facile & absque noxa demi posse, etiam in adolescente. Aetate quidem

Galenus uixit Antonini Imperatoris, anno post Christum natum circiter centesimo quinquagesimo, cum homines robustiores, magis torosi, & uiribus quam nunc potentiores forent. Fidem faciet, partim quod dentes illis quam nobis plures duobus fuerint, diutiusque uiuant animantia, ex Aristotelis scriptis, quibus dentium ordo numerosior est. Partim quod & temperamento, & corporis structura, magis caduca, magisque fluxa, rariore, imbecilliore, nos quam olim nascimur: quæ omnia uirium sane corporis impotentiam, animi uerò præstantiam, ac mentis arguunt, quod Aristoteles uoluit libris de anima, & uersiculo hoc triuiali decantatur,
Consilio pollet cui uim natura negauit:
Partim quod ea rerum necessitas est, ut in peius omnia ruant, & prolabantur. Hac necessitate, ut alia omnia, sic & nos mortales includimur. Proinde qui multum à priscis firmitate, ac robore
uinc

uincimur, nobis quoque ipsis imbecilliores natos procreamus, ac celerius con-
senescentes. Itaque nostra memoria uir-
gines anno decimo, iam ad uenerem ge-
stiunt, & nubunt, adolescentes duode-
cimo, ac temporius quoque uxores du-
cunt. Aristoteles uero sensit libro octa-
uo, de historia animantium, liberos ex
ijs susceptos, qui annum primum ac ui-
gesimum nondum attigerint, fragili, ac
ualetudinario corpore, imbelles uiuere,
quoniam ante id tempus, uel infœcunda
genitura sit, uel proles inualida, impo-
tens, ac uieta, & seratur, & concipiatur.
Cum igitur uiribus corporis longè ab
ijs distemus, quos Galeni æuum tulit, et-
enim post illos anno iam millesimo du-
centesimo tricesimo sexto, lucem hanc in-
tuemur, minuendus ille sanguinis eijcien-
di modus, qui Galeno summus uidebatur,
nempe libræ unius, ne quod imperitis me-
dicis exprobratur, in nobis uituperent.

morbum quidem sanatum fuisse, agrum
trucidatum. In uenæ sectione, præter hoc
multa quoque alia ponderanda, & excu-
tienda huiusce quæstionis principio di-
xi, quale est, uenam esse resignandam, cum
primum aër uitiari coeperit, quod sangui-
nis euacuandi licentiam quibusdam uelut
claustris apposis compescendam arbi-
trarer, præsertim cum nihil sit, ubi fre-
quentius delinquatur à medicis & peri-
culosius. Primum quidem, si Pharmacum
tu conferas, naturæ prouidentia solus is
humor educitur, quem ab alijs selectum
medicamenti uis elicit. At uena reclusa,
medico non licet humorem secernere, quæ
pelli foras utile prouiderit. Confestim e-
nim sanguis erumpens, & bonos, & pra-
uos humores secum prouoluit. Quapro-
pter usu sæpe uenit, ut corporis uitiosi
humores, icta uena, bonis exeuntibus re-
stent, ac supersint. Præterea falso quidam
aiunt mittendo sanguine obstare nos, ne
humo

humores effervescent. Non enim solum id non assequimur, sed illos etiam magis hoc remedio succendimus. Nam quemadmodum citius merum prunis ac flammæ impositum calefcit, tardius aqua, & uinum dilutum: Vt promptius aridi ligni, quale ueterum Acapnon fuit, strues crematur, ægrius uiridis, nuper cæsi, humoræque suo adhuc turgentis: Sic & bilis, quæ in nostro corpore siccissima est, ni humore sanguinis irrigetur, ac offundatur, ardet celerrime. Quare Auicennas concinna, eleganti, bellaque metaphora, sanguinem habenas, & frenum bilis uocare consuevit: quoniam illius præsentia ne ferociat, exultet, ac insole scat bilis coërcetur: Idemque ille, temeraria uenæ sectione alibi dixit, aut contumacius frigidos humores crudescere, aut excandescere calidos ac efferari. Adde & his, cum ea sit in corpore humorum quibus constamus

uel ἰσωνμία, uel æquilibritas, quantum sagaci perpenſione coniectari medici potuerunt, ut portione perpetuo inter ipſos dupla comparentur, uerbi cauſſa, octo libras ſanguis pendat, pituita quatuor, bilis flaua duas, unam atra: cūmque item uenæ ſeſtione omnes æquabiliter humores uacuentur, quæ poſt fuſum ſanguinem cum reliquo bilis manſerit, ſi prius humores accendebat, poſtea quoque illos & accendet. Tātum enim ualebit unica bilis pars in quatuor ſanguinis, quantū eiusdem partes duæ, in octo ſanguinis. Ex quo efficitur, feruidos humores ſanguinis emiſſione nunquam prorsus leniri Reſponderit aliquis, minime ſe hanc ἰσωνμίαν quam declarauimus in naturalibus quidem humoribus tollere: nullam uerò eſſe talem in ſuperuacuis & alienis quos uenæ complectuntur. Etenim ut omnia quæ natura facit ordine rato, & certa conditione, ac inuiolata progrediuntur, ſic nihil

hil certum, constans, ratū in ijs quæ præ-
ter naturam fiunt, existere potest. Recte
hoc quidem, sed quod tametsi non impro-
bemus, minime tamen rem conficiat. Id
namque & hîc necessum est: quandoqui-
dem illata uenæ plaga, & prauī & boni
humores æquabiliter profluunt, tantū ui-
ciosi succi, si cum utili compares, relinqui
postea, quātū illic antea fuit. Sicq; ad mi-
tigandū feruorem sanguinis, proficit nihil
uena secta. Subijciēt aliquis, exoneratam
naturam minore, quod restat, opera uim-
cere, ac superare potentius, uerum quidem
certe id foret, si copia tantum noceret hu-
mor. At ubi qualitatis uitium est, nondum
tamen à naturæ statu sic alienatæ, ut in il-
lum referri non possit, ea contrarijs indu-
cenda est primum, deinde qualitate com-
pressa, non uenæ sectione, sed pharmaco
maniendū corpus. Dixerit & quispiam,
sanguinis effusione occurrere nos putre-
dini, quæ ob humoris caliditatē succedet.

Ad id est supra quodammodo satisfactū,
cum humoris ob pestilentis aëris corru-
ptionem feruentis, misso sanguine calidi-
tatem minime deleri nos asserebamus: Sed
remedijs aduersis eam expugnari, nempe
alterantibus, quæ in medici potestate non
naturæ sunt, & quæ naturæ medicus, non
ipsa sibi suppeditat. Falsum igitur est
quod uulgo dictitant, ad humorum nostri
corporis leniendos feruores, sanguinem
educi oportere, exemplūq; plane ridicu-
lum quod ad id excogitarunt, ut dolio cō-
prehensum uinum feruere desinit, aliquan-
tulum si dematur, sic & detractō sangui-
ne, humoris feruorem cōpesci. Etenim ui-
ni feruor, aëris intro missi frigiditate, ut eo-
rum quæ bulliunt omnium, iniecta frigida,
cohibetur: non uero ob tantulum id, quod
effundimus: Atque adeo, quamuis nō nihil
mitescat hac ratione, prorsus tamen non
extinguitur. Rursum enim post efferve-
scunt & uinū cum aëri præcluseris aditū,

&

et quæ ad ignem bulliunt omnia, cum nihil præterea frigide instillabitur. Itaque uenâ incidenda minime est, nec in omnibus sine discrimine quod percussoris est Lanista, aut gladiatoris, non medici: nec alias, quin explicatæ supra conditiones hortentur. Hactenus de uenæ sectione, postquam τὴν παρὰ κείαν, nos ordine collocabimus, et quod superiore ad perniciem, salutemue minoris momenti non sit: et quod medicis omnibus frequens, omnibus recte non constituatur, magna artis medicæ infamia: non tacendo hominum detrimento, quorum saluti medicina præest. In pharmacis mandandis, ea medicorum sit animaduersio, et prudentia, ne sæpius ac ualidioribus medicamentis hominum ualeitudinem affligant. Præceptis namque in uentrem solet esse, cum pestis imminet, humorum omnium decubitus, quæ facile medicamentis nos prouocamus. Rem sic esse demonstrât admodum crebra,
tum

tum temporis alui profluvia, biliosa, melancholica, & cuiusvis alius generis. quæ propter clementiores imperandæ sunt. purgationes, è decocto Prunorum, Tamar Indorum, uiolariæ, Buglossi, Cirsij, Mannæ, Iulepo Violato, sero lactis Caprini, decocto communi Brassicæ rubræ paululum incoctæ, iusculo Cicerum rubrorum, Pisorum, Lenticulæ, Pulli, Galli ueteris ruffi, adiectis quæ adijci uoluit Mesues cap. de Gallo. Serum Caprinum noctem unam sub dio ponitur: incoquantur Lupulus, fumaria, Capillus Veneris, uiole, Tamarindi: Sena, Polypodium, Borrago. Leuiusculæ sunt hæ purgationes delicatis, uel pueris accommodæ. Iis diluitur, si uisum ita fuerit, Rhabarbarum, Agaricus, Cassia, & huiusmodi reliqua. In corpore duriore, & cum è uenis trahendus humor est, nec ab Eccoprotico satis agitur, ante purgationem dandum Pepticon, humoris naturæ conueniens, quale est Oxysacchara,

ra, aut Syrupus acetosus, compositus uel simplex, addito uel Syrupo de Endiuiā, uel Syrupo Byzantino, qui obstructiones expedit, & sanguinem purgat, uel Syrupo de Fumaria, qui & idem præstat, & ne humores incendantur prohibet: aut si mauis hanc formulā sequitor, ut tu opte ingenio post, eiusdē rationis præscribere medicamēta scias. Reci. radicis Rusci, Asparagi, Graminis, Tunici, ana, unc. 3. Capill. ueneris, Lupuli, Buglossi, Borrag. Endiuiæ, Fumariæ, Hyssopi, Oxalidis, ana. m. 1. 4. seminū frig. maiorū, & Anisi, ana unc. 1. Prunæ. 20. Glycyrrhizæ, pulpæ Passarū, ana unc. ʒ. Ordei. p. 1. cū Sacchari libr. 1. succi Punicorū, unc. 3. succi Cydoniorū, Citrij, Limonū, ana. q. 1. fiat Syrupus perfecte coctus. aromatizetur, cū Cinamomi, Maceis, Caryophyllorū, ana drac. ʒ. Eius unc. 2. cū totidē aquæ Buglossi, & Oxalidis, quoto quoq; die matutino bibātur, horis tribus ante prædiū. Partis alicuius uel imbecilli

becillitas, uel quouis affectus priuatim si
spectandus sit, licet superioribus adscri-
bere quæ illi peculiariter subueniunt. Sunt
qui alijs omnibus Cassiam anteferant:
quod & Auicennas, & Mesues quouis
morbo, temperamēto, regione, ætate, hora
grauidis etiam ac pueris innoxie dari scri-
pserint, quoniam leuissimè purgat. Cete-
rum & mea quidem, & illorum omnium
sententia, quorum uel scriptis, uel oratio-
ne, sum eruditus, Cassia non ubique ac si-
ne discrimine usurpanda est. Primum quia
ut aduersus Thessalū, Galenus tertio Me-
thodi censebat, ualetudinis uel tuendæ uel
reparandæ, non idem modus est in omni-
bus: maxime cū tāta sit temperationum
diuersitas: deinde quia Cassiæ una uel alte-
ra uncia, decocti uel liquoris uncijs octo,
diluitur. Quare tota potio multitudine,
spissitate, colore, odore, sapore alijs displicet,
alijs in uomitionem effundit uentricu-
lum, adeo ut ad solam mentionem, ple-
riq

rique nauscent: plerique semel si gustarunt, omnem in posterum purgationem abhorreant. Tertio quia tametsi Mesues abundantius paulo Cassiam laudauerit, uisceribus tamen imbecillis, ac lubricis uentriculôq; ac intestinis siccioribus nocere, quoniam ab ijs minime detinetur & serò admodum purgare, ualdèq; impotenter, idem eodẽ capite admonuit. Quam obrem ad hanc multiplicem incõmoditatem remedium quoq; multiplex acuti, & solertes uiri tandem inuenerunt, additis Rhabarb. Myrob. flau. semine Oxyacanthes, alius si præter modũ lubrica fuerit, & facilis. Sin tardior & pigrior, Oleo Amygdalarũ dulcium, uel Syrupo uiolato: ne quid uentriculũ ac intestina lædat: Cinamomo, Caryophyllis, Mastiche, quibus odora fit & ob id grata, & ut purget citius, pulpa uuarũ passarũ, Prunis tamarindis: adhibito delectu, ut ea potius addatur quæ p tpe, ac occasione rerũ magis cõgru

gruūt: hæc qui nescit, ille Cassia non tēpe-
stiue data nunc fastidiū, & nausēā mouet,
nunc appetentiam hebetat, nunc uentris
profluum molestū inducit, historia me-
morabili Cardinalis cuiusdam, cuius inte-
stina lubrica prorsus, & debilia fuerunt.
Ei cum imperitus medicus Cassiæ unciam
unam dedisset, aluus sic erupit, ut unius
diei spacio miser quinquagesies defecerit,
ac dysenteria, & Tenesmo obierit tan-
dem. Id uidelicet fuit quod Auicennas
scripsit. lib. 2. bilem ustam à Cassia deijci.
Itaque ea sumpta intestina sicca, & ma-
cilenta exulcerari, ob humoris calidita-
tem & siccitatem, fierique dysenteriam.
Est igitur prudenter, & corporum quæ
inanimus dispositio, & pharmacorum
circumspicienda uel facilitas, uel diffi-
cultas, priusquam nos ad purgationem
egros cogamus. Astute, & sapienter
Monpessulani prima mensa dari Cassiam
nolunt. Sic enim fluxus alui periculum ui-
tatur.

tatur, quoniam à cibo extra uentriculum
pulsa totum uentrem celeriter permeat.
In pueris, ac teneris corporibus, seu iam
febris uel sola, uel cum tuberculis aut
Carbūculo infederit, uel si febris nulla est,
et alius resistit, hoc bonum: Recip. Pru=
na. 20 florum uiolarum, Buglossi, Borra=
ginis, ana p. i. Tamarind, unci. β. pulpæ
Passarum Glycyrrhizæ ana unc. β. fiat
dō. in qua dissolue Iulep uiolati. 4. β. Rha=
barbari noctem totam in aqua Endiuie
macerati drac. β. spicæ Nardi scrup. i. aut
quoniam Rhabarbari quidam amarorem
fugiant, Myrobalanorum flauarum mace=
ratarum ut supra uel ipso decocto, uel Sy=
rupō uiolato drac. iij. uel Manna granatæ
unc. i. In iuuenibus ac ætate cōsistētibus,
hoc cōfert. Reci. pulpæ Passarum unc. i.
trium florum communium, ana. p. i. Ca=
ryophyllorum, Cinamomi Maceris ana
scrup. i. Senæ Polypodij, Epithymi, ana
drachmas duas: fiat deco. in qua dissolue,

H

Mannæ unciam unā, Iulep uiolati unciam unam. Fiat potus, qui aspectu, odore, sapore, egros inuitabit. Mitius id si fuerit, adijce in iuuenibus, electuarij de succo Rosarum: in natu grandioribus, diacarthami, drachmā unā, aut loco Mānæ, si ex ijs quæ supra memorauimus nihil uetat, Cassiam imperato, cum Rhab. drachma una, & Spicæ scrup. unico uel cum Prunis, Myxis, zizyphis, Passis, Caricis, si aluum magis à Cassia uelis duci. Decocto commodè adscripseris Fumariam, Borriginem, Buglossum, Lupulum. Isthec cum nos Prophylactices caussa præscribimus, designandum tempus est, præsertim in fortunis, opibus, & dignitate claris hominibus, quo sumantur quemadmodum in sanguinis missione, supra faciundum esse, fuit à nobis explicatum. Nec enim bibenda hæc cum Latetia uia Luna ingreditur, aut plena est, aut in animantium quæ ruminant signis

mo

moratur. Reuometur enim quod tum bi-
beris, quod & accidere sæpiſſimè uidi,
cùm apud Leonem foret Luna. Quod ſi
præterea nos obſeruemus, ut Cholagogũ
detur quo tempore in coelo Mars ſiccis
& calidis humoribus præpoſitus: melan-
choliã purgans, quo tempore Saturnus,
qui præſidet frigidis & ſiccis, parum ua-
lebunt ac in reliqua ſydera poteſtatis &
imperij nihil obtinebunt, purgationes fœ-
licius, proſperius, ac facilius procedent,
quod Arnaldus libro de Aſtologia ne-
ceſſaria medico, & Ptolemæus in Centi-
loquio, eiusq; interpreſes Hali, teſtati ſunt.
Interea uerò clyſtere leui, tertio aut ſepti-
mo quoque die ſubiecto, aluus mollienda
eſt. Quibus enim ſæpius aluus clyſtere
proluitur, ijs officium natura non ſponte
facere conſuevit, ſed medicamento laceſſi-
ta. Clyſter eſto huiuscemodi. Rec. 4. emol-
lientium, Borrage Bugloſ. foliorum Abſin-
thij, añ. m. i. Pruna 20. Ordei, & Furfuris:

H. 2.

ana, p. i. 4. seminum frig. maiorū, & minorum ana unc. β. fiat dō. In colatura dissolue Cassiæ unc. i. Hieræ picræ unc. β. Mellis, uiol. 4. β. olei de lilio æstate: Amygd. dulc. hyeme unc. ij. succi Betæ uel Mercurialis, unc. iij. Salis drachm. i. In senibus Agarici drach. i. Salis fossitij, drac. β. aut in decocti formula adde seminis Carthami, contusi unc. i. fiat clyster. Hoc quidem pacto in uarijs temperamentis, uarianda sunt Cathartica, ijs si quis locus fuerit: exempli gratia pro Agarico in biliosis, electa. de succo Ros. drachm. i. iuuerit: hocque modo in omnibus cæteris iudicandum est. Alia multa huius classis remedia persequi ac recitare queam, sed quibus carere possumus, communium Pilularum usus frequens si fuerit. Eæ componuntur Aloe, croco & Myrrha, omnibus, omniq; tempore utiles, exceptis iis, quibus aut recludi solent Mariscæ, aut menses largius emanare. Nec propterea tamē his nō dātur



tur, sed alia diligentia parata, Rosacca enim in qua Tragachantum maceratū est, Aloë lauatur, donec obtusus fuerit summus ille amaror, quo uenarum oscula punguntur, ac pateſcunt, cienturq; fluxiones. In omnibus alijs harū utilitas est prorsus maxima, non ideo tantum quod putredini obstant, sed & quod partim humores corruptos uitiosos, ad inducendam pestem commodos, leuiter deducunt. Partim quod reſeratis Mariscis, cum sanguine tument, ac inflantur, melancholicos, crassos, ac ſeculentos humores, unde carbunculis materia ſuggeritur, expellūt: quod citius fit, ac promptius, ſi aut ſolijs Ficus, aut aſpero panniculo, Cepæ ſucco madido, confricentur aliquādiu Mariſcæ. Iiſdem & tardiores ſcēminarū menſtrui fluxus accelerantur, cū alijs remedijs, quæ in ea re proſunt. ut eſt hominum uariuſ mos. Pilulas deuorare ſi quis minime poſſit, ei puluiſculū aloës, Croci, Myrrhæ

dato è iusculo quodam aut aqua Buglos-
si, si nec frigidior, nec calidior tempestas
est, ex aqua Melissophylli hyeme, Oxali-
dis, aestate, uel Rosacea, nunquam è uino,
ut ex medicis temulenti censent: quoniam
ieiunis, uinum summopere noxium est, au-

L tore Galeno comment. Aphor. 21. libri 2.

Nec uerò ijs assentior, qui horum pului-
sculum pluris quàm formatos ex eo glo-
bulos, aestimant: Primum quoniam sapo-
re puluisculus est tam ingrato, abomi-
nando, ac insuauis, ob amarorem, ut uel in-
biduum gustatum uitiet, appetentiámque
ciborum medico tum temporis summa
cura tuendam, auertat, subruat, pro-
sternet. Deinde quod puluisculo magis
uentriculi firmitas labat: iecinoris quæ
dulcibus oblectatur caro, magis offendi-
tur: uenarum oscula magis lancinantur,
ac uellicantur. Quãobrem ad Hydropem
opportunis, medici ne is unquam daretur
puluisculus, sanxerunt: Magis item et

men

menstruas purgationes, & mariscarum
agit profluvia. Nec enim Aloes in globu=
los coactæ uis tam integra adiecur usque
uenit, quàm si puluisculus bibatur. Quod
si Aloen, priusquam in puluisculum tera=
tur, ut huic periculo sit prouisum, laue=
mus, eluta quoq; fuerit eius uis Catharti=
ca, quæ in aluo modice pellenda requiri=
tur, sicq; uanum, cassum, & effoetum me=
dicamentum fuerit. Adde globulos diu=
tius in uentriculo retineri, & cum illic
diu sunt, in cor uim salutarem commodius
transfundere, qua recreatum, & confir=
matum, à corrupti uitiosi q; aëris noxa,
animosius se defendat. Adde & globulis,
prauos humores semotioribus locis euo=
cari: Cuius rei caussa, Mesues cū Aloe mi=
scenda esse, quæ trahendis humoribus ido=
nea sunt, alia uoluit, ca. de Aloe. Huc facit,
quod & idē, & Auicēnas memoriæ tra=
diderunt, Aloen potam, maximè frigida
tempestate, pertimescenda molestia, san=
guinem elidere. Simile est, quod alibi

prodidit Auicennas, matutino, & uesperī
globulos ex Aloe, cum ijs quæ illius emen-
dant uitia, ob id utiliter sumi, quod uentrē
moueāt, nec cibum corrumpunt. Nō enim
cum cibo, ut puluisculos immisceri. Hoc di-
cto Auicēnæ liquet puluisculum ex Aloe,
cibos in uentriculo corrumpere, non item
globulos, ex ea digestos. Apponetur &
ratio ex Philosophia deprompta, cæteris
nec minus certa, nec minus urgens: Quan-
doquidem simplicium permixtione com-
positorum fit temperatio, cuius potestate
ea uis includitur, quam nos occultam pro-
prietatem uocamus, quanto præstantior
natura simplicium fuerit, tanto excellen-
tior est temperatura, & ea quæ in tempe-
ratura sita est occulta proprietas, compo-
sitorum qualitatibusq; primis, ac secun-
dis efficacior ad quiduis peragendū. Per-
mixtionem uerò Philosophi nominant, tã
partium inter se compositionē, ut id quod
in alio minimum est, minutissimam alius
port

Note

portiunculam tangat, & cohærescens amplectatur, hanc quidem solius numinis, ac Naturæ potentia, quæ numinis mandata uelut exequitur, absoluit. Ars uerò quantum nobis concessum est adumbrat, & imitatur. Eius igitur primo loco uis insignis est, quod natura commiscuit: deinde quod ad naturæ permixtionis exemplum, artis industria composuit. Quod si puluisculi nulla est permixtio, uel artificiosa, uel naturalis, quoniam eius particulae diffluunt, dilabuntur, disgregantur, non coniunctæ, connexæ, commissæ in unitatem coeunt, nulla est itidem eius occulta proprietas, nullus esse potest effectus, quem occultæ proprietati nos adscribimus, aut si quis est ille certè longè quàm in globulis minor, ac leuior. Itaque globulorum eadem uis est, ad quæ & puluisculi: prætereâque uim illam adipiscuntur, quam importat mixtio. Eorum enim quæ miscentur, duplicem esse uim Aui-

H 5

cennas prodidit libello de uiribus cordis, alteram eorum quæ sigillatim in mixtionem ueniunt, alteram quæ inducitur mixtione. Obstrepet aliquis istud à nemine priscorum medicorum fuisse decretum, laudabitq; Galenum, Auicennam Rasim, Mesuem, & reliquum uno uerbo medicorum senatum, quorum nullus id pronuntiauerit. Cæterum ex Topicis Aristotelis nos didicimus in argumentis quæ nituntur uirorum celebrium auctoritate, negationes à dialecticis recusari, atque adeo etiam affirmationes, illas iustarationi fulciat. Ad me redeo. Pilularum communium is usus est, ut oriente Sole matutino, ex Auicennæ sententia, ad unam drachmam, ex Rasis scriptis, ad scrupu. 2. deglutiantur: sic enim toto die fuerimus tuti, ac præsertim meridie, quo tempore, syderum nocens affluxus, maximè dispergitur: quamquam etiam uesperis sumere liceat, sed inanito uentriculo,

lo, cum à prandio iam cibus descenderit.
Rasim ego quidem non audiendum pu-
to, qui scrupu. 2. quoto quoque die sumi
iubet, & quoniam de alui fluxu pericu-
lum fuerit, & quoniam assuetis, natura
minus laceßitur. Expedierit fortasse ma-
gis ut quavis dierum hebdomade, dra-
chma una sumatur, in globulos nouem Q
dispertita, hebdomadisque primo die
quinque, tertio tres: quinto unica: uel ra-
tione contraria, primo unica, tertio tres,
quinto quinque hauriantur. Impari ego
numero consultò globulos præscripsi,
quoniam eorum ferè omnium impar nu-
merus est, à quibus uniuersum guberna-
tur, rerumque naturalium mutationes,
uicissitudo, effectus, causse dispensan-
tur. Id ostendunt errantes stellæ impares,
Lunæ conuersio, imparibus diebus lu-
mine solis orbæ, illustratæ plenilu-
nijs, bis arcuatæ: decretorij morborum
dies impari numero præfiniti: cor-
porū

porum triplex dimensio, ternarius à Pythagora mirificis laudibus commendatus, quò deos etiam, ac res diuinas cēseri idem opinatus est : Et alia id genus multa quæ sciens omitto, ne sim prolixior. Alternis ijs diebus, quibus globuli non sumentur, danda nonnūquā Theriaces, dra.ß. ut eius calor mitigetur, è Rosacea, uel Oxalidis, uel Buglossi aqua, æstate : hyeme ex aqua Melissophylli. Lædit ea sæpius sumpta pueros iuuenes & senes, decrepitos. Hyeme iuuat magis, & pituitosos, quàm biliosos. E' uino minimè bibenda est, quoniam ut supra nos exposuimus, noxium ieiunis uinum est, ac neruis inimicum. Idem & de Mithridatio arbitrandum : utraque enim hæc Antidotus aduersus uenena comparatur : quamquam ut ijs obsisteretur, plus in Theriace laboratum est, adiectis etiam, uenenis, & Viperis, quæ alia uenena sopirent, ac frangerent. Proinde Theriacen Galenus, libro quinto de Simplicibus medicamentis

diam esse inter uenenum, & corporis hu-
mani constitutionem uoluit: Auerrhous li-
bello de Theriaca prorsus uenenatā, idq;
colligit ex eorum natura, quæ Theriacen
constituunt: Id ipsum est quod Arnaldus
libro de moranda senectute, reliquit scri-
ptū ab opifice effectoreq; uniuersi, rebus
fermè singulis id datum, quo nos & læ-
dunt & iuuant, eaq; sic coniuncta, ut esset
quo ledentium noxa reprimeretur. Pro
Theriaca iuuenibus, & ijs quos febris oc-
cupauit, Rhodofaccharū utilius est, æsta-
te præsertim. Sicci ac liquore nullo ma-
dentes globuli, deuorandi sunt. Id uerò si
molestius quibusdam fuerit, eos uuæ pas-
se acimo inuerso, ut labantur facilius, aut
crustulis Rosacea madidis, Nebulas uo-
cant, obuoluito: aut saccharo, quod in tra-
gematis fieri solet, obducito, aut tubulo
argenteo indito faucibus demittito, aut
Syrupo uiolaceo, ac de limonibus intingi-
to. Pilularum communium hæc formula
est.

est. Rec. Aloes Hepaticæ, unc. β. Myrrhæ
 drach. 2. Croci boni non adulterati. dra 1.
 cum Syrupo de Absinthio uel Oxalide,
 uel Omphacio, uel Acetato, uel de Bu-
 glosso, ut pro anni tempore & corporis
 temperatura magis conferent, formetur
 globus. Differt ab hac Rasis descriptio,
 que sic habet. Reci. Aloes partem unam,
 Croci, Myrrhæ, añ partem dimidiam. qua
 descriptione in singulis drachmis, circi-
 ter scrupulus unus est Croci. Is autem mo-
 dus, paulò abundantior fuerit. quoniam
 Crocus in uenena refertur, si copiosius of-
 feramus. Spiritus enim foras euocatos di-
 scutit, ac dissipat. Septimo quoq; die. drac.
 1. pulueris electuarij de Bolo, cum Pulli in
 sculo, uel aqua Scabiosæ, Arbuti, Oxali-
 dis, Buglossi bibenda, pueris potissimum.
 Eius autem hæc est descriptio. Reci. Boli
 Armeniæ selectæ, unc. β. radicis Tormētil-
 læ, drac. 2. radicis Tunici, drac. 1. Saccha-
 ri, quantum satis est, fiat puluis. Aduersus
 uenena calida pariter, & frigida remediū
 est.

pul

est singulare, puluisculus Auicennæ libet-
lo de uiribus cordis, quem hoc modo nos
disponemus rectè. Recip. Ambrae selectæ
drac. 1. Moschi electi. drac. ʒ. Caphura.
scr. 1. fiat puluisculus, excipiatur succo, uel
Buglossi, uel Oxalidis, formetur inde glo-
bulus. Quod enim iā admonuimus, duplo
ualidius est globosum Pharmacū, pului-
sculo quouis. Aliud est quod sequitur, su-
periori haud ignobilius. Reci. Trocisco-
rū ē Lemnio sigillo. drac. 2. Troch. ē. Spo-
dio dra. 1. pulueris elect. de Bolo, & Tria-
fantali, añ. unc. 1. ʒ. pulueris electuarij de
gemmis scr. 2. pulueris diamarg. frigidi,
scrup. 5. cōscrue Rosarū unc. 1. Sacchari,
Rosa. unc. ʒ. succi Buglossi, & Scabiosæ,
añ. unc. 1. misce omnia simul: fiat globulus
aurea bractea deauratus. Detur quotidie
drac. 1. Alius est & puluisculus, clarior
multo superioribus, ē gēmis Bezoardicis:
gēmas sic uocauit antiquitas, cōtra uenenū
efficaces. Illas Auicēnas lib. 5. et Auēzoar
libro quem inscripsit Theisir, Smaragdos
expo

exponunt: Hyacinthos alij, sic letitiā conciliantes ut eos etiam (licet Bezoar Gemma sit cōtra uenena pollens & insignis) qui continēt ore, supra quā credas exhiberent: Serapio Topazium, uenenis aduersissimum, ad id etiam Theriace ualentius. Nam cum uenenato caseo Arnaldus Theriacen imposuisset, uenenum ab eo solummodò propelli antrorsum uidit, cū Topazium & antrorsum protrudat sumptum, & ad se illiciat admotum. Quare si puncturis, aut morsibus serpentum, ut in ictis à Scorpione, aut Carbunculis Tuberculisq; uel affricetur, uel illinatur, uel infrietur, foras excitur uenenum, quod nos aliquoties experti sumus, dum Topazio summi Pontificis annulo incluso, his morbis auxiliaremur. Topazium ergo nunc appensum collo gestatur, nunc ore suggitur, nunc cibis apprimitur. Sic enim prorsus uenenum obliteratur innocēsq; fit. Ex ijs gemmis uel priuatim singulis, uel simul
omni

omnibus contritis minutissime, ablutisq;
Rosacea, ut in Cyano lapide, & Arme-
nico Mesues statuit, pulvisculus fit, quem
Bezoaricum appellantur: maximòque in
pretio habemus. Paratur & alius nullo
ad hæc remedia inferior, ex auro puro, pu-
to, obryzo: serico nullo dum colore infe-
cto. Margaritis non pertusis pellucidis,
leuibus: quæ omnia tria mirabiliter se-
dem ac domicilium spirituum, corrobo-
rant, palantes ipsos conducunt: etsi cali-
ginosi fuerint, tenebras fugant, ut & Car-
bunculi genera omnia, quæ grauatum
Rubinum Palladium & $\sigma\iota\alpha\tau\omicron\upsilon\omicron\upsilon\mu\alpha\sigma\iota\alpha\sigma$
Carbunculum nuncupant. Corallus uter-
que: gemma quæ dissecto aspidis capite
eruitur, diuitum, ac principum hominum
thesauris hæc conduntur, maximiq; cen-
sentur. Orientis, profundis maris, ac exte-
rarum nationū opes, maximo uitæ discri-
mine quæsitæ. Horum si re tenui facultas
deest, quotidie matutino sumenda drac.

PP.

confectionis è Rhodosaccharo, conserua
Buglossi, Oxalidis, cortice Citri, condi-
ti Saccharo, Bolo Armenia, Radice Tor-
mentillæ, ac Tunici, aurea bractea conte-
ctæ: Dilutæ si placet succo, uel Citri, uel
Limonum, aqua Buglossi, Arbuti, Scabio-
sæ, Oxalidis. Ex eadē confectione globuli
formantur, auroq; operiuntur. Gregorij sum-
mi pontifici, tempestate, quod sequitur medi-
camentū nobilissimum fuit. Recip. Spodij
boni, omniū Sātalorum, Coralli utriusq;
Galangæ, Rosarū rubrarū, Tormentillæ,
Tunici, Dictamni, Doronici, Boli Arme-
niæ, Lēnij sigilli, Tragacanthi ana unc.ß.
Nucis Moschatæ, Maceris, Glycyrrhizæ,
seminis Bombacis repurgati, ana drac.2.
Cinamomi selecti unciam 1. Zingiberis
drach.2. os è corde cerui.1. seminis Anisi,
Endiuie, Lactucæ, Oxalidis, Portulacæ,
ana drac.1. Caphuræ, drac.ß. fiat puluis-
culus. Cæterum quoniam in tanto harum
confectionum apparatu, uix intelligitur
quem

quem modum illarum autores præstitue-
runt qualitatum & agentium & patien-
tium quæ in simplicibus sunt, portione
eorum inter se, moderādarū: nihilo magis
quæ totius uis post cōpositionē simpliciū
existat: ac multo minimè quænā occulta
proprietas post cōpositionē emergat, me-
dicos præsertim lōgo rerum usu hæc iudi-
care nondū exercitatos, remedijs à ueteri-
bus summa diligentia perscriptis, iustoq;
simpliciū modo tēperatis, aut simplicibus
ipsis uti malim, quorū & primas uires, et
abditam proprietatem, ac certū quo dan-
da sunt modum, comperimus, ut in Ca-
tharticis & Cardiacis uidere est, quā
inusitata audacius, & confidentius noua-
re, præsertim nullis simplicibus cōgestis:
hacq; in re sibi plus licere arbitrati, quā
olim sibi grauißimi et doctißimi uiri per-
miserūt, qui traditis per manus aliorū in-
uentis, sua nō nisi magna religione publi-
cauerunt. Est in odoribus magnum quoq;

auxilium, uario tempore diuersis, æstate
frigidioribus, calidioribus hyeme, quales
hi sunt. Recip. Rosarum, florum, Viola-
rum, & Nymphææ ana p. i. omnium San-
talorum, Cocci Baphici, corticis Citri,
ana drach. i. Caphuræ, drach. ß. terito in
puluisculum. Panniculo lineo mundo, uel
sericeo Coccineo, inuoluito: aut Traga-
cantho Rosacea diluto, in globum forma-
to. olfacito sæpe. Recip. Ladani selecti,
unc. i. Thuris, Mastiches, Styracis, Ca-
lamithæ, Cariophyllorū, Xyloaloës, Ro-
sarum, Santalorum omnium, ana drach. i.
gummi Iuniperi, florum Rosmarini, Stœ-
chadis, Amaraci, Nucis Cypressi, & Mo-
schatæ seminis Ocimi, ana drac. i. ß. Am-
bræ, Moschi, Caphuræ ana scrup. i. om-
nia in puluisculum terito, ex quo & pau-
lulo Terebinthinæ, ac Ladani puri, uino
liquati, partim ad suffitum pastillos par-
tim globulum fingito, ad moueto sæpe na-
ribus: hyeme, & si nulla febris est, si pitui-
tos

rosam cerebrum. Ex optimis quibusq; le-
ta sunt, aduersus pestis offensas auxilia,
quæ sequuntur. Recip. Margaritarum
drach. 1. limaturæ Auri, drach. 3. omnium
Santalorum, Doronici, ana drach. 2. Ro-
sarum unc. 3. 4. seminum frig. maior. semi-
nis Citri, Oxalidis, & Coriãdri, ana drac.
1. rad. Tormētillæ, Tunici, Dictamni Xy-
loaloës, Serici crudi, Ambraë, Boli Arme-
niæ, ana scrupu. 2. Cinamomi interioris
Schœnanthi, ramentorū Eboris, Spodij,
ossis è corde Cerui, Coralli utriusque, ra-
mentorum cornu unicornis ana scrup. 1.
Caphuræ scrup. 3. conseruæ Rosarum, &
Buglo. ana unc. 1. corticis Citri cōditi Sac-
charo unc. 1. conseruæ Oxalidis, & Nym-
phææ, pulpæ Tamar. Indorum minutim
cōcise ana unc. 3. auri bractæas 5. Saccha-
ri, Rosacea dissoluti, quod sufficit. Fiat
conditum, in tessellas dispertitum, quæ bra-
cteis aureis tegantur. Dissoluitur & Sac-
charum succo Cydoniorum, Limonum,

Citrionum, Arancij, Oxalidis, Buglossi.
Sunt qui addant Hyacinthos, Smaragdus, Topazium, Saphirum, Rubinum, Granatum, quod equidem laudarem, si usquam in tabernis probi, ac non artificio uel interpolati, uel concinnati, uel efficti ueneant. Vnicornis cornu quem uidetur Aelianus, in Asino indico nobis ostendisse, tametsi ueteres medici scriptis non celebrauerint, uenenis tamen obsistit & Cardiacon est, perinde ac Cerui cornu, quod lumbricos interficit, foeminarum conceptus iuuat, & si quod aliud Cardiacon est. Idem ipsum & de Caphura sentiendum, cuius uires post aetatem Galeni, ac Dioscoridis, ut & aliorum quae non pauca sunt, Hali perspectas fuisse tradit à posteris, in morbis pestilentibus calidis: sicut & in frigidis Moschi. Est alia quoque Antidotus, medicis Bononiensibus, Monpessulanis, Parisiensibus, commendata omnium magna consensione

ne, cuius inuentorem ac scriptorem Arnaldum ferunt: ea sic habet. Recip. seminis Iuniperi, unc. 1. Caryophyllorum, Maceris, Nucis Moschatæ, Zingiberis, Zedoariæ, Galangæ, ana drachm. 1. utriusque Aristolochiæ, Gentianæ, Tormentillæ, Tunici, Radicis, Dictamni, Helenij, Been utriusq;, Ireos, Doronici ana drac. 2. Ruthæ, Balsamitæ, Saluiæ, Scabiosæ, Pulegij Ceruini, Mēthæ, ana drac. 1. Baccarum, Lauri, seminis Oxalidis, Ocymi, Citrij, Mastiches, Thuris, Boli Armeniæ, Lemnij sigilli, Spodij, ossis e corde Cerui, ramentorum Eboris, cornu Cerui, & unicornis, ana scrup. 5. utrarumq; Margaritarum, Coralli utriusque, omnium Santalorū, Rosarum ana scrup. 2. Rubinorum, Hyacinthorū, Topazij, Saphiri, ana scrup. 2. conseruæ, Rosarum, Buglossi, Oxalidis, corticis Citri, conditi Tamarindorū, ana drac. 3. Theriaces, unc. 1. Caphuræ, drac. 1. auri bractæas. 10. Sacchari dissoluti, Rosas

cea & aqua Arbuti quod sufficit: fiat electuariū in tessulas discissum, uel cū succis antea numeratis, aut Syrupo de Limonibus, qui hoc in loco solus etiam, Antidoti uice fuerit, fiat opiata: detur quotidie matutino drach. i. si calidius medicamentum paulo existimabis, auctis frigidis, calidis subtractis, prout ipse temporis articulus suadebit. Hoc remedio uita multorum salusq; ac incolumitas seruata est. Sunt & in officinis ad hæc auxilia, destinata confectiones, quales Tryphera Saracenica, Hali, & Mesue testibus: electuarium de gemmis non nisi principum uirorum sumptu comparandum, confectio Alchermes, Aromaticū, Rosatum, maius aut Saccharo, aut Melle conditum, Diamargariton, hyeme calidum: frigidū æstate, diambra, dianthos, electuarium Galeni exhilarans Triasantalū, Diarhodon, Abb. Trochisci è spodio, Diacorallæ, è Baccis Oxyachantes, è terra Lemnia, Diarhodon, cōseruæ,
ant

antea memoratæ. Horum etiã puluisculus
priusquam in certum confectionis genus
assumptum sit, datur unius drach. ponde=
re, eodem, quo & superiora, consilio. Car=
diaca hæc omnia sunt, putredinẽq; & in=
cendium humorum sedant, obstantq; ne
spiritus euanescent. Libet & hîc Arnaldi
remedium apponere, sed orationis obscu=
ritate eadem celatum qua ille abstruden=
dum iussit, uel quod non nisi maxima im=
pensa id peruestigamus, uel quod multitu=
dini hæc inaudita ridetur ut absurda, aut
quasi uana despiciuntur, uel quod dijs in=
iuriam facit, eorumq; numen uiolat, quẽ=
admodũ Aristoteles ad Alexandrũ episto=
la quadam scripsit, qui hæc arcana, con=
scius eorum, uulgo temerãda prophanan=
daq; loquacitate sua exhibet, id uidelicet
quinque rebus constat. Harum prima in
uisceribus terræ fouetur: Altera in mari
natat: Tertia insidet terræ: Quarta in aë=
re uehitur: Quinta nobilissimum id est à

superioribus editū, satū, genitū, procrea-
tum animal, sempiternæ uitæ, nūquam se-
nescens, reparans se Phœnicis more, dijs
amicum, stellis familiare, humani generis
columen, uitæ nostræ tutela, omnium rerum
quas optare, cupere, uotis expetere licet
promptuarium, penus, ταμειον ἰατρικόν. In
iuuenibus & biliosis, liquidis perfusioni-
bus, Epithemata uocant, interiorū partiū
calor mulcetur. Ea nos sic imperamus. Re-
cip. aquæ Solani, Endiuie, Lactucæ, Plan-
taginis, Cucurbitæ, Absinthij, ana q. 1. Ace-
ti Rosacei unc. 2. Pulueris omnium Santa-
lorum, & Rosarum ana drach. 1. Calami
Aromatici, Schoenanthi, Cyperi, ana drac.
ß. Caphuræ, scrup. 1. fiat Epithema in ca-
lidā tempestatē, & cum febris tenet. Adde
et Croci paululū, ni molestū sit, quod lu-
teo id est suo colore uestes fœtat. Adhibē-
dum hoc uesperī, ac matutino, & si quā-
do noctu uigiliæ torqueāt, impetrādo so-
mno: amouendūq; sumpto cibo, quoad in-
uent

uentriculo coctus is fuerit. Sunt qui pul-
uisculis proxime scriptis sacculum uel
Sericeum, uel Lineum oppletum Rosacea
mergunt, ac madentem imponunt Hypo-
chondrio dextro, & cum aruerit, madesca-
ciunt rursus, denuoq; admouent quousque
sat refrigeratum Hepar fuisse arbitren-
tur. Pro aquis superioribus, alijs herbarū
succī praescribuntur, Solani, Endiuia, La-
ctura, Cucurbita, Portulaca, Buglossi, at-
que similiū. Huius ergo Prophylactices,
quātū à nostra disputatione, huc usq; per-
ducta colligi potest, summa fuerit, sangui-
nem expurgare & aptis medicamētis ob-
uiam ire putredini. Id praestant innume-
rabilia propemodum auxilia. haec simpli-
cia, illa composita. In simplicibus eximia
sunt Citrij & cortex, & semē: radix Tor-
mētilla, Gētiana, Ireos, Dictāni, Tunici,
Lēnia terra, Bolus, Armenia, Sericū cru-
dū, Cocus, Baphica, Aurū, Margarita, Ar-
gēiū, os e corde cerni ambra, caphura, mo-
schus,

schus, Xyloaloe, Endiuiā, Cassia, Myro-
balanus flaua, & Cepula condita, succus
Fumariæ, Endiuiæ, Lupuli, Buglossi, Bor-
raginis, Hyperici, Cardiaca omnia quæ
reccensuerunt, Auicennas libello de uiribus
cordis, ac capite de uenenis, lib. 4. Arnal-
dus, libro de senectute moranda, & uita
Philosophorum. In compositis egregia
sunt, pilulæ cōmunes, Mithridatium, The-
riace & Andromachi & diateassarōn,
pulis de Bolo, puluis Bezoaricus, puluis
de gemmis, & omnia cætera de quibus su-
pra mentio habita est. Excellit tamen o-
mnia præstans, & diuinū illud Ar-
naldi remedium, quod ambigui-
tate orationis intricatum,
non ubiuis explican-
dū esse, antea nos
diximus.

*

D E



DE CURATIO-
NE MORBO-
RVM PESTI-
LENTIVM.
LIBER III.



Vrationē morborum pe-
stilētium priusquam in-
grediamur, quæ solēt in
quæstionem uerti, ac in-
ter medicos disceptari,
nos ea edifferemus. Primum quid sit pe-
stis: Mox quot, & quales morbi pestife-
ri. Tum febris pestilens, Carbūculi ac re-
liquorum tumorū, symptoma ne sit: an ij
potius huius. Præterea febres ne omnes pe-
stilentes esse possint, deinde morbi omnes
pestilentes contagiosi sint nec ne: & qui
ex ijs magis cōtagione obrepāt. Hæc ordi-
ne

ne cū exposuerimus, clarior, ac dilucidior
curādi tota ratio futura est. Morbus qui-
dem is pestilens est, quem uel à superiori-
bus uel ab inferioribus causis uel ab u-
trisque uitiatus, corruptus, deprauatus
aër intulit. Sic Auicennas libr. 4. uisus est
intellexisse, cum de peste uerba faceret.
Qui ob has causas aer deterior est, à no-
bis cum spiritum ducimus, acceptus, recta
in cor illabitur. eiusque spiritus uitiat,
calfacit, absomit, ac discuti primum: de-
inde consecutione quadam, humores ibi
reconditos insana caliditate ac putredine
facit uenenatos. Quæ igitur causa pes-
tis, ex aeris uitio primum extitit, in cor-
dis spiritu proximæ suæ progressionis
fundamenta iacit, mōxque transit in con-
tinentes humores, qui ea corruptione in
corde prius, deinde & in toto corpore ue-
nenati fiunt. Morbi huius exordia, nēpe
aëris deprauationem, Hippocrates, Gale-
nus, Auicennas, Rasis uiderunt, suisq; scri-
ptis

ptis mandauerunt. Processum in spiritus
ac humores, ij, qui nostra memoria flo-
rent, Gentilis, à Prassio, Bernardus Gor-
donius, Ioannes Iacobus, Ioannes à Tor-
namira, Iacobus à Rotundo, famosi me-
dici, ac ingenij sui monumentis illustres,
quos ut dignitas eorum postulat, hono-
ris gratia nomino. Ex ea caussa quam
triplicem constituimus, triplex quoque
pestilentis morbi genus est, prout uene-
num corporibus effusum, uel sæuius est,
ac rapidius, uel pigrum, ac lentum. Su-
perior caussa infesta, cùm sola est, mor-
bis perquam acutis, ad septimum diem
perimentibus, uel citius etiam, nos confli-
ctamur, quales sunt febris uehemētissima,
Carbunculi, Coli dolor, Eileos Synanche,
Phrenitis, Pleuritis, Strāguria, dysenteria,
quibus nos subuenimus proprijs illorū au-
xilijs, additis quæ ad uenenum pestilens
faciunt. inferior caussa sola cum præces-
sit, diuturniores ac longiores morbi na-
scunt

scuntur quod propemodum Hippocrates
innuit, Aph. 16. lib. 3. Eiusmodi sunt Pru-
ritus, Scabies, saniosum ulcus, humorum
corruptela: partes corporis depascens,
corrosio, interdum sic ferox, ut à fœmo-
re crus, à crure pes distrahatur: quod Ga-
lenus lib. 1. de temperamentis, ex Epide-
micis Hippocratis, usuuenire iudicauit.
uertebraarū luxatio, Synanchæ, uteri stran-
gulatus, alui profluvia, Hæmitritæ læta-
les, renum, hepatis, uentriculi, & alio-
rum uiscerum inflammationes, ac tuber-
cula, memoriæ iactura, & rerum præteri-
tarum obliuio: quod Galenus addidit ex
Thucycide capitulo tertio libro de Sym-
ptomat. differentiis. Ambæ uero causæ
pestem si aduexerunt, ægritudines inter-
ciliores ac tardiores mediæ contingunt,
eiusmodi sunt febres, quæ altero tertio-
ue, septenario de sinūt. febres εὐρεχῆς. Hy-
drops ex imbecilla concoctione, & id ge-
nus cætera. His de causis, nimirum pu-
rescere

trescunt & incenduntur omnes ex æquo
humores, magis tamen hic quàm ille:
quod Hippocrates tacite significauit A=
phorism. 19. libro tertio. Quapropter A=
uicennas, libro quarto dixit, in morbis
pestilentibus, incidi uenam oportere, cum
sanguis in uitio est: dari purgationem
cum humores cæteri. De febre uero pe=
stilente, sic habendum, eam nunc esse tu=
berculorum Symptoma, nunc illius ea.
Nonnunquam enim febrem præire, se=
quit tubercula, priora nonnunquam es=
se tubercula, posteriorem febrem: illud
tamen quàm hoc, nocentius. Etenim cum
Galenī sententia octauo libro Methodi,
febris pessima sit ex intemperaturis: quo=
niam totum corpus affligit, cæteræ ali=
quam solam ex eius partibus: & inter
febres nulli pestilens cedat malignitate:
si febris tuberculum excitauit, duplici
malo æger uexatur, præsertim si mor=
bi grauitate, die non decretorio, haud

K

naturæ ui, & robore, tuberculi ea fuerit
 eruptio, quam ἐκ σπυγμῶν ὠμάτος γὰρ ἐν ἡμῖν
 uocant. At uero ubi prodiit tuberculum,
 nulladum molesta febre, si febris post as-
 sequatur, promittit id robur naturæ à se
 detrudentis, quæ superuacua sunt, & one-
 rosa: præsertim cum id humorum decubi-
 tu, non collectione fit: & attollente se
 sponte natura, non aliunde Symptomati-
 bus prouocata. At si quis ex Auicennæ di-
 cto nobiscum disceptet, febres à tuber-
 culis inductas, esse Diarias, non pestilen-
 tes: ille scito magna ex parte id uerum
 esse, non perpetuo. Continuas enim &
 intermittentes, putridas aliquando inces-
 sere, quod Hyppocrates declarauit, A-
 phor. 55. lib. 4. Nam cum is diceret febres
 omnes, ex Inguinum tumore profectas,
 malas esse præter Diarias, in uocabulo,
 omnes, quod patet latissime febres quas-
 uis etiam pestilentes, comprehendit. Va-
 num est, & quod rixantur aliqui, fe-
 bre

bres has ideo non esse pestilentes, quod Symptomata ut Bouillæ, & Exanthemata, quæ ab ijs excitantur: pestilentia non sint, quod ex illorum curatione patet. At si ex ijs tumoribus ueneni ac putridi halitus, in cor usque efferuntur, quæ febris pestilentis ratio est, quid iam impedit quominus febris pestilens exoriat? nec uero absurdum est, fateri quod prius Symptoma fuit, in morbum tandem migrare: cum ea sit affinitas causarum, morborum, Symptomatum, ut alia in aliorum naturam, transeant. Præterea Bubones, quos suo more Althooin nominat, Auicennas locis ac tempore pestilentibus, esse frequentes uult: iisdemque remedijs tractari, quibus & pestilens febris cum tremore cordis: & eorum morbi qui in cælo pestilenti degunt. Ex quibus omnibus colligere licet, febres eiusmodi:

K 2.

prorsus esse pestilentes. Est igitur cum tuberculum febris præcedit, est item cum febrem tuberculum, crebrius tamen febres priores tubercula comitantur: deceptis interdum medicis, cum ægri ob loci molestum sensum, eminus de tuberculo non febre, queruntur. Ea quidem tubercula in partium principum emissarijs prominent, cum uel copia, uel acrimonia, & caliditate humorum stimulata uis naturæ, eos uelut in sentinas suas extrudit: quò cum peruenerunt, & propter caliditatem, febris subito inuadit: & propter impactam humoris colluuiem, pars extumescit: Qua in re obseruandum sine huiusmodi tuberculis, externis, internisue, aut utrisque, qualia sunt Exanthemata, pestilentem febrem contingere raro admodum. Interna si cor occupant, statim occidimus: si Pulmonis cauum, aut membranas Thoracis, aut intersepiens Mediastinum sanguis

guis excreatur: morsque in biduum differtur: licet nusquam sit desperata sanatio, præter quàm malum, cum in corde est. Morbos omnes pestilentes esse contagiosos, audacter ego equidem pronuncio, & asseuero. Nam si Arnaldo, morbus omnis contagione repit, in quo foetor est, multo magis pestilens in quo & uenenati & maxime putidi halitus spirant. Adhæc, si Lippitudo contagione spectantium oculos afficit, si tabidorum halitus cum cæteris malum communicat, si speculum foeminarum, cum menses fluunt, intuitus maculant, longe potius febris pestilens, in uniuersum corpus diffusa, contagione malum disseminat: eaque magis, in qua uenenati spiritus plures effluunt. Quapropter sola tubercula, ex pestilentibus morbis, contagiosa minime sunt. Post illa febris: Maxime uero febris cum tuberculo. Nullum quidem est febris genus, quod non

in pestilentes cadat. Cæterum hoc ut exploratum sit, obiter id est interijciendum, è tuberculis pestilentibus, quæ in emissarijs præcipuarum partium sese produnt, ad febres sæpius accedere: quæ uerò alibi ut in brachio, dorso, tibijs, apparent, nunc anteire febres, nunc aduenire simul, nunc subsequi. Quæ subsequuntur si decretorio die protuberent, fausta esse, ac læta: quoniam ualida natura suo tempore in officio sit. Sin alijs diebus, tristia, & ominosa: quoniam alieno tempore, offensa morbo & Symptomatibus, ad intempestiuas expulsionem accingit se natura. Quæ uerò aut eunt, aut simul assiliunt, uel cum pestilentibus diarijs sunt, uel cum putridis. Nam ut calidus uapor nec uenenatus in cordis sedem euectus, inflammato spiritu Ephemeram simplicem gignit, sic & uenenatus pestilentem: quas citra ullam materiam fieri medici loquuntur, non quod illis subiecta nulla sit materi
ri

ria febris, & incendij fomes, sed quoniam humorem nullum exurunt, qui uel coquatur, uel purgetur medicamento. Atque adeò non solum non ex ijs tuberculis Diarie febres generantur, cum uapor ex partibus longè à corde semotis, non assidue cor impetit: sed & interdum nulla, cum uapor nullus in cor effertur: quod cum accidit, curatu facillima sunt ea tubercula, & quæ natura uel Pharmaco, uel Clystere, uel glande in pueris, adiuta, ipsa per se discutiat, sudoribus, aut uomitione concitatis. Reliqua plus negotij faciunt, nunc causticis disrumpenda, nunc mollienda Mollificis, nunc Errhypticis mundanda, nunc implenda Sarcoticis, nunc Epuloticis procuranda. Quæ febris inde putrida fit, aut suis redit circuitibus: aut nunquam abscedit: pro humoris qui putrescit, uario situ, ac maiore, minore

reue abundantia. Quæ statis diebus re-
cursant, haud quidem ualde sunt peri-
culosæ, & Epithematibus, Theriacæ,
Puluisculis, unoq; uerbo Cardiacis omni-
bus, sanantur. Continuae uerò, ac se nihil
intermittentes, cum tuberculis uel emis-
sariorum cerebri, cordis, iecimoris uel
aliarum partium, sunt tutiores, quoniam
tetri uaporis non tantum in cor subduci-
tur, uisq; potentior est naturæ, ac prin-
cipum partium ualentius robur, quæ no-
xium humorem à se tam procul exege-
rint. Ostentant aliæ maius periculum ob
rationes superioribus contrarias. Longè
uerò maximum periculum est tuberculo-
rum, quæ ad emissaria cordis extant, fini-
stra præsertim. Docti ac periti medici fa-
mam is proculdubio meretur, qui rectè
hæc curare sciuerit. Antrofa priores me-
dici tubercula, hæc nuncupauerunt Græ-
ci *βελόνας*: haud omnino præter ratio-
nem: quia in glandulis, tãquam specu, &
ant

antro delitescant. Ea tametsi cum multo
coniuncta sint periculo, Carbūculis tamē
leuiora incidunt: quoniā ex humidiores suc
co, minusq; putrido generatur: & minore
cruciātu nocentia, plus spatij medico dāt
ad excogitanda remedia agro ad se refi-
ciendum. Totius quidem corporis in hoc
malo status peruertitur, ac perturbatur,
cordis tamē insigniter. Etenim cū arx ui-
te sit, ac præcipua sedes, in id obruēdū &
opprimendum, impetus morbi uniuersus
contendit. Iam uerò quæstionibus hisce
dilutis, quod bonis lauibz inceptum dij
secundent, ad pestis curationem oratio
traducatur, quo nomine & pestilentem fe-
brem & tuberculū significamus. Febris,
nam de illa satius est priore loco differe-
re, quoniam & maiore studio medici la-
borant in ea curanda, triplici ratione uin-
citur. Primum ijs quæ feruidos spiritus
cordis refrigerant, disiectos in unum con-
gregant: imbecillos roborant: obstantq;

uenenis tota sua natura: qualia sunt odoramentum suprascriptum, è floribus Rosarum, Violarum, Nymphae, omnibus Santalis, Caphura: Epithemata, Elestuaria, puluisculi, Cardiaci omnia, quæ antea descripsimus. Post uerò ijs, quæ humorem cordis ne absumatur seruant: qualia sunt Pullorum & Capi Iuscula, aliâque id genus, cum Lactucis, 4. seminibus frigidis, minoribus, ac Citri Oxalide, Omphacio, Cucurbitis minutim incisis, Ordeo, Croci paululo succo, Arancij, Limonij, Cytrij: Acida perpetuò: sumptum maximè cum inanis est uenterculus: pingua nunquam, ne ardore concepto febrem augeant. Postremo ijs quæ humores prauos educunt, ac leniunt Symptomatum uehementiam. ubi enim febris æstiosa ualde est, cum uomitione, sopore, animi & stupore & defectu, primo die statim iniiciendus est Clyster, eluendo uentri: ac continuo secunda uena, qua
part

parte sese tumor pestilens obtrusit. Sanguis
auferendus, pro modo plenitudinis: quan-
uis sanatos plures quibus uena minime
pertusa fuerat, quam quibus pertusa, ui-
derim. Altero die leuis purgatio impe-
randa, è Cassia, Tamarindis, Rhabar-
baro, Myrobalanis flauis. Sequentibus
abstinendum purgatione. Aluus ducenda
uel pilulis communibus, uel Clystere fa-
cili iam inde ex quo morbus primum in-
uasit, bibenda quotidie Theriaces drac.
i. ex aqua Rosarum, uel Oxalidis, cum
puluisculis antea commemoratis. Tuber-
culis imponenda madens stupa deco-
cto Maluæ, & Chamæmeli, idq; assidue,
horis singulis, uesperis, matutino. Sublata
stupa, iniiciendum & apprimendum te-
pens decocti Magma. ubi uerò & febris
mitior est, & nullus grauiū Symptomatum
concurfus, citra uenæ sectionem, ac pur-
gationes, usus Clysteris sufficiet, cum ijs
quæ

quæ paulopost adscribemus. Hæc in genere methodus illa est, quæ paucis uerbis totam curationem perstringit, ac ob oculos ponit, doctis expedita, rudioribus concisa, & breuior. Itaque ut ex æquo fructum operæ nostræ omnes capiant, illam adiectis exemplis fusius explicare decretum est. Nihil enim tam conuenit ad docendum, quàm illa facilitas, quæ hærentes in confusa rerum uniuersitate, exemplis rerum singularum adtextis, in lucem è tenebris deducit. Quocunque ergo tempore malum hoc prehenderit, alius durior, uel glande, uel Clystere soluenda, ni uentriculus cibo adhuc onustus fuerit. tum enim aut molienda uomitio, aut si uomat æger difficilius, expectandum quoad cibus delapsus fuerit: intereaquæ parandus Clyster, Iulep, Epithema. Reddito Clystere, si nihil dissuaserit, incidenda uena, quo pacto nos antea paulo commonefecimus. Clysterẽ, ac uenæ sectionem si nihil est quod postulet,

let, danda hæc potio: Recip. Tamar. Ind.
unc. 2. Theriacæ. drac. 1. Rhabar. drach. 1.
Spicæ Nardi scrup. 1. pulueris electuarij
de Bolo & de gemmis, Triasantali, Dia-
rhodon Abb. & diamargariton frigidi
añ. drach. 1. Trochiscorum è Caphura
drac. 2. Trochiscorum, Diacoralou & è
Spodio, añ. drach. 1. Sacchar. Ros. unc. 1.
Isthæc omnia dissolue in aquarum Arbu-
ti, Scabiosæ, Oxalidis, Rosarum añ. q. 1.
fiat potus. dato bibendas unc. 3. quotidie,
uel matutino, uel nocte media, uel alias, dū
inanis fuerit uenter. Ante duas horas
nihil cibi post sumatur. Adde, si lumbrici
molesti sunt, puluisculum ad necandos eos
quē post describemus, succum Leimo-
nij, Punici: Syrupum ex Omphacio, è
Ribes, & succo Citrij, ex Oxalide. Infan-
tulum qui lacte depulsi nondum sunt
corpuscula, hæc auxilia ferre non ualent.
Quapropter in eorum nutrices, cura hæc
tota impendenda est, illos bono lacte ut
nut

nutriant. Maiusculis uerò & iam reptantibus, pro remedijs alijs omnibus memoratis supra, aut glans inditur è tergo. folij Brassicæ, uncto uel oleo communi, uel uiolato: è frustulo Penidiorum: è dimidia-
ta Iuglandis Nucis medio, oleo perfusis, ut supra: aut sumen & pubes aqua por-
tione Butyri non salsi & olei uiolati li-
nuntur. Ad eorum tubercula prospectum
sic est medicis. Aluo libera stupa Cannabis, purgata, ac malleo tusa, ne aciculis
horrentes pungant, in puluinar quadratum
formantur: decocto Chamemeli,
Anethi, Meliloti, Adianti, Maluæ immer-
guntur: inter ligneos orbes duos expri-
muntur, quos in domestico habere sole-
mus instrumento obsonijs frustulatim
discindendis: imponuntur calidæ, horis
singulis mutantur, quoad tuberculum uel
sit omnino discussum, uel suppurauerit, ut
Bubo solet: uel liuescat ut Carbunculus.
Tum enim remedia cætera fas est usur-
pare,

pare, Malactica, Errhyptica, Sarcotica,
et id genus alia. Carbunculus mitiori=
bus auxilijs rumpendus, non uehementio=
ribus illis quæ malum exacerbant, non
Septicis, quæ affectam partem malè per=
dunt, id enim dum ab indoctis Chirurgis
committitur, Igne sacro, Gangræna, Estio
menò multi perierunt, quos euasuros spes
erat, id nisi Chirurgus peccasset. Car=
bunculis disrumpendis Scabiosa inter
duos filices teritur, et cum axungia
Porci uetere, ac salsa imponitur. Tutum
hoc remedium est. Scalpello circumcir=
ca humor uenenatus ut effluat, Carbu=
culi conciduntur et Muria sæpius, at=
que sæpius abluuntur, uel ne sanguis con=
crescat in grumos, uel si concretus est,
ut diffundatur. Id ubi factum, quæ rum=
pant, aut putrefaciant medicamenta cum
stupis ut antea diximus paratis, admo=
uenda potius, quàm uel cum lineo, uel
cum laneo panniculo. Per stupas enim
r. rior

rariores, ac magis peruias facilius te-
ter uapor ulceris & commodius egre-
ditur, nec in cor redit egressu prohi-
bitus. Posthac Errrypticis, & Sarcoticis,
ulcus ad sanitatem perducendum, ut medi-
ci norunt: uictus is esto qui & in febre nu-
triciis. Ante biduum ea uinum ne gustato,
aut maxime dilutum potato: Ordei deco-
ctum, uel decoctam simplicem bibito, cum
Syrupo ex Omphacio, uel Oxysacchara:
Carnem paucam, eamq; acidis ut & iuscu-
la omnia, conditam, ac succo Punici, Sac-
chariq; & Cinamomi tantulo, in cibo su-
mito. Acidis enim & putredo coercetur,
& feruor humorum mitescit. Quibus ta-
men uel pectus angustius est, uel tussis mo-
lesta, is talium acor Saccharo hebetandus
est. In cibo dāda quæ cordis humorem &
spiritus exhaustos reponant. Alias uerò
Theriace, aut puluis electuarij de Bolo è
Rosacea, aut condita suprascripta, &
quæ sanguinem refrigerant cætera. Infun-
den

dendus Clyster, cum aluus resistit. Iis uero qui annum iam excesserunt, ad nonum usque, aluus primum Clystere sollicitanda, cū segnior est, uino prorsus interdicens: bibendum Ordei decoctum cum Iulep Violato, Oxysacchara simplici, Syrupo, ex Omphacio. Caro nunquam offerenda. sorbendum iusculum conditum acidis suprascriptis, uel frigidis seminibus: edenda panis offula in eo macerata: arrodendi Pullorum pedes, & alæ summæ, uel Omphacio, uel Oxalidis succo iminctæ. Pyrum uel Malum coctum, Saccharo inperso delingendū. Tenenda hæc: uictus ratio donec uel tuberculum euanuerit, uel morbi Crisis obuenerit, ad quintū: uel septimum diē. Sumendū interea è puluere de Bolo Theriace, Triasantalo. Diarrhodon abb. Trochiscis de Caphura, nō nihil. Epithematibus suprascriptis, ab initio statim uiscera perfrigerāda, tuberculis. admoedæ stupæ, quæadmodū antea scri-

L

ptū. Hæc auxilia profecisse, in quā plurimis
ego cōperi. Iis qui annū decimū agunt, ad
decimū quartū usq; aluo soluta, sanguinē
quidē uena secta mittere formidamus: sed,
nō extuberāte quidē loco, uerū infra quin=
que digitis, ut si iugulū, uel fauces, uel pa=
rotides extumuerūt, aut primæ colli uerte=
bræ, aut dorsi principio, aut humeris, cu=
curbitulæ affigūtur, capaces, ore bene pa=
tēti, quæ multū flāmæ cōtineāt, præsertim
ubi trahēdū multum fuerit, ac ubi seua fe=
bris uomitiones, soporem, insaniam, deli=
quia animi, cæterāque grauiā Symptoma=
ta id genus attulerit. Quidā cucurbitæ fun=
do cerā admixto gūmi tenaciore inducūt:
deinde stupas quæ incēdātur, sic apprimūt
ut cutem flamma non torreat: Alij ce=
ream candelam in panis crusta rotun=
da, magnitudine numi, quæ os cucurbi=
tulæ subire possit, statuunt, ac decussant,
et cum decussis radios accenderint, cu=
curbitulam superimponunt. Alij si quis
flamma

flaminam expauescat, fictile uitreum aut
lignum uas diu calfaciunt, aqua feruen-
te implent, idemtidemque uicissim & ad-
mouent, & summouent, id quod sane ua-
lide trahit. Ablata Cucurbitula, aut uase
deposito, tumidus locus & accersito san-
guine rubens, nouacula, uel scalpello, al-
tius plagam si uelis adigere, conciditur,
rursumque aut uas imponitur, aut cucur-
bitula, quoad sanguinis unc. 3. plus mi-
núsue pro uiribus ægri, tu elicueris. Sunt
qui tuberculis Hirudines quinque, aut
quatuor iniiciant & cum sanguine quem
exugunt, saturæ illæ deciderint, cucurbi-
tulam apprimunt: deinde locum unde
manauit sanguis, Muria lauant. Cæterum
æstimata cum diligenter omnia fuerint,
minus superiore utilis est hæc ratio: Sic
tamen ut glandulas emissariorum nun-
quam scalpendas esse putem, nunquam
ipse tubercula: Glandulas quidē, quoniam
præcipuis sunt partibus uiciniores, medi-

cisque studendū est, ut quammaximè pro-
cul fieri licet à partibus principibus ui-
tiosus humor abducatur: easdēque ipsas
& tubercula: quoniam aucto dolore per
uulnerationes, calidi succi è toto corpore
in partem agram confluunt, unde putre-
do acceleratur: uenenum excandescit: hu-
mor tumore collectus inflammatur. In a-
larum tuberculis carnosam lateris subiecti
pars inciditur: aut dorsi qui ex aduerso
positus est musculus. In Bubone, coxam,
uel nates scalpello diffindimus. Annum na-
tis decimum quintum, ad uigesimū quin-
tum usque, in corporis bona & structu-
ra & habitudine, florido colore, plenitu-
dine, firmitate, ociosa ignauaque uita, uen-
tri ac gulæ dedita, ciborum & uini deli-
ciis soluta ac diffluente: primo statim die
nondum humore multum uenenato, si tu-
berculum in alis est, sanguis effunditur è
uena brachij: si in inguine, uena Malleoli
eiusdē partis, unica positus ut differentia
sit

fit, ad tres uel 4. unc. Post sex horas, uel octo, æger cū recreatus è priore sanguinis missione fuerit, si expedit, aliquatulum præterea sanguinis detrahatur. Ferienda uena in eadē parte quæ inter cæteras conspicua magis, & ampla. In Bubone, secunda primū uena Malleoli, eiusdē partis, nō aduersa, positus differentia ne duplex sit: deinde si opus est, repetenda euacuatio post aliquot horas. In corporibus nō ita sanguine confertis, cum medicus serius accitus ad biduum tantum, uel triduum quatrduumue præstò est, quia humor tū copiosus in ægram partem iam decubuit, ac multum uenenatus fit, sensim putrescens, ægri uiribus nondum ualde prostratis, licet loco qui tuberculo proprior est, ac in eadem parte, sanguinem ad uncias quatuor, uel sex deträhre: præsertim si faciundum id hortetur corporis status, ut si iuueni foemine, quæ uel iam nupserit, uel in collegium uestalium recepta, castam uitam egerit:

L 3

aut iuueni coelibī nulladum uenere polluto, cibisq; interea bonis educato, opitulandum sit. Iis quibus ætas iam constare cœpit, nempe ab anno uigesimo quinto ad septuagesimum usque, corpus si abundat sanguine, si carnosum, rubrum, educto sanguine alias inanitum, uenæ amplæ, distentæ, robur integrum, uita ocio, cibo, uino, mollis, intemperans, effrenata, qualis esse solet eorum qui sacerdotiorum & cultus diuini prætextu, genio plus satis indulgent & obsequuntur: ac Christum speciosis titulis ementientes, Epicurum imitantur: his ante tertium diem, opem nisi dederis, aut utilitate parua, aut frustra omnino post remedium experiare. Statim igitur emittendus sanguis est, ex eadem parte, ad quatuor, uel tres uncias, pro uirium aut firmitate, aut imbecillitate atq; plenitudine: adiecta si conueniat, Epaphræsi, post sex horas, uel octo: non ut temerè quidam censent, post unam alteramue horam. Est
¶ per

et perniciosum horum consilium, qui li-
bras duas, mittendi sanguinis iustum esse
modum uolūt, quoniam tantam sanguinis
profusionem hoc æuo nemo est prope qui
ferat, quod multorum cædes indignis mo-
dis sic trucidatorum planius facit. Quod
uerò Galenus dixit alicubi, multa sangui-
nis eductione grauissimas febres restin-
gui, ac tanquam iugulari: idq; pro miracu-
lo habitū in quibusdā olim fuisse, quos eo
remedio ab ætuosissima febre liberasset:
non id quidem, sicut interpretantur ipsi,
eo uertendum est, ut citra discrimen in o-
mnibus morbis, ac quauis hominum perso-
na et conditione id permittatur: uerum
quam in libro de curatione per sanguinis
missionem secundæ uenæ præceptionē ille
tradidit, ea sic ubiq; tenēda est, ut nūquam
frangatur, nūquam prætereatur. Eam qui
seruabit, nunquam ille in corporibus ho-
minum ea crudelitate tractandis, insanien-
dum sibi esse putauerit. Ipsa enim tantus

furor, & dānatur, & coercetur. Nec uerò
ut aiunt, modica sanguinis eiectio, prauos
humores cum bonis miscet, & exagitat:
nam id potius quæ est immodica, effecerit,
quoniam immoderatum à moderato fieri
credibile non est, sicut & nec modica san-
guinis detractio iactatos humores uene-
natos in cor ire: cum à corde potius, ij, si
qui sunt, auertantur atq; dimoueantur, ac
solus sanguis uenis inclusus euocetur hoc
remedio, non ille, qui propterea quòd loco
suo migravit, & è naturæ potestate excess-
sit, fit magis uenenatus. Atq; adeo, qui san-
guinis tantum demunt, cōtra quàm existi-
ment, naturam suis uiribus ipsam priuāt:
qua destituta, uenenatus humor, in tumi-
das partes iam secretus, euinci non potest,
ac mors occupat. In cerebri cū tubercula
emissario fuerint, & sanguis mittitur, hu-
meraria, aut brachij media, aut quæ polli-
cem, & indicem intercurrit uena, secatur:
eiusdem partis. Postrema, quoniam lon-
gius

gius ab affecta parte humores deducit, cō-
moda est. In alarum tuberculis, aut media,
aut iecoraria, aut quæ interponitur medi-
co digito & annulari, recluditur. Hæc q̃;
ualde ob rationem proximè citatam utilis
est. In Bubone subditam genui, aut quæ ad
malleolum est, internam uel externam in-
cidimus, prout magis Bubo in Anum uer-
git aut foras, uersus extat: uel quæ in sum-
mo pede notabilior fuerit. Tantisper dum
resignata uena sanguis effluit, aut Cathar-
cticum sumitur, ne quid in cor ueneni re-
dūdet, & se inferat ampla cucurbitula in
ualidis corporibus tuberculis ipsis, aut
proximè admouenda est: in mollibus ac
imbecillis, madens spongia decocto Cha-
mæmeli, Maluæ, Meliloti, Anethi, Adian-
thi imponenda. Exempta cucurbitula, aut
stupa, aut spōgia calfactæ superimmittū-
tur, uenenato humori perpetuo reuocan-
do, cuius si quid ad cor usque perrumpat,
conclamata uita fuerit. Quibus hoc acci-

dit, tubercula repente ijs diuaneſcunt, & occultantur. Intrò ergo ne ipſa refugiant, his Epiſpaſticis humor foras proliciendus eſt. Spōgia equidem minus libèter quàm ſtupis utor: quoniam odore eſt iniucundo, ac inſuaui: præter modum calfacit, & ſiccatur: ubi ſemel in hæſit, uix diuellitur: ob nitroſam, & aſtringentem ſalſuginem, cutem denſat, ac ſpiſſat, eiusq; ſpiramēta claudit, & obſerat: & ut uerum fatear, ſpongia nunquā uſum proſpere hic ſucceſſiſſe memini: utilioreſ ſemper ac tutioreſ ſtupas experimento cognoui. Vena ſecta dantur bibendæ, unc. 2. Syrupi ex Omphacio Lemonijs, Ribes, baccis Oxyachantes, Acidi ſimplicis, Oxysaccharæ ſimplicis, ſucci Punicorum, Cydoniorum, Malorum acidorum, ex aquis Oxalidis, Scabioſæ, Arbuti, Roſarum, Bugloſi, Endiuia, cū Caphuræ drac. ſ. Nihil enim ſanguinis feruorem promptius extinguit. Decumbito æger in loco frigido, non uliginoſo. Per eſtatē irrore

roretur & cubiculi paries, & pavementū
Oxycrato, in quo demerseris folia Vitis,
Salicis, Arundinis, Iunci. Aqua fontis ma-
dida linthea quoquo uersum explicentur:
Quacunq; ratione in mentem succurret,
aër refrigeretur. Odoretur æger Citrium,
Arancium, Leimonium, Rosas, Rosaceam
dilutam Aceto, Sātalis, ac paululo Caphu-
ræ adiectis, aut globulum hunc. Recip. o-
mnium Santalorum, Rosarum, Violarum,
Nymphææ, Amaraci, añ. drac. 2. Coriādri,
unc. 1. Caphuræ. scrup. 1. teratur in pului-
sculum, & excipiantur Tragacātho disso-
luto in aqua & Aceto Rosaceis, fiat glo-
bulus: aut puluisculus includatur sacco
sericeo, & naribus obijciatur. Detur co-
chlear unū medicamenti uires instaurātis,
è Rosacea. Cor hoc Epithemate refrigere
tur, Reci. aquæ Solani, Lactucæ, Portula-
cæ, Oxalidis, Buglossi, Nymphææ, Melisso
phylli, añ. un. 2. Aceti Rosacei. 4. I. omniū
Santalorum, Spodij, Rosarum, Cocci Ba-
phi

phici, Schœnāti, añ. drac. i. Caphuræ scrū.
i. horum puluisculus in ollula noua cum
aquis misceatur. Sericeus uel laneus pāni-
culus, Coccineus, in ijs tepidis mersus, hye-
me præsertim, ac frigidis temperamentis,
infra sinistram mammam duobus digitis
apponatur, cū in uētriculo cibi nihil est,
mutetur cum exaruerit. Aut sacculus Coc-
cineus, sericeus, cordis forma turbimatus,
uel quadratus, puluisculis ijs repleatur:
aquis imbuatur, admoueatur, uel frigidior
uel tepidior, pro temporis ac temperamen-
ti uarietate. Hyeme plus aquæ Melisso-
phylli, & Sampsuci, admisce: cū Moschi
tantulo. Pectus cū imbecillum fuerit, nō
ita frigida hæc auxilia, sed adiectis quibus-
dam calidis temperata, præscribēda sunt.
Dandum crebrius quod uires instaurat,
Cardiacon. Imperandum hoc Iulep, Reci-
succi Oxalidis, Malorum acidorū, Aran-
cij, Leimoniorum, Buglossi, Cydoniorum
Omphacij, ana quar. i. clarificentur hæc
quoad

quoad tota fex fidat, & è turbidis perspi-
 cua fiant: adde tum succi Punicorum, &
 Aceti Rosacei, ana unc. 3. omnium Santalo-
 rum drach. 1. Rosarum, & Caphuræ ana
 scrup. 1. Cinamomi, scrup. 2. Sacchari, lib. β.
 fiat Iulep. aut Rec. Syrupi de Omphacio,
 Leimonijs, succo Citrij, ana un. 3. succi Pu-
 nicorum, Aceti Rosacei, ana un. 2. Syrupi
 de Ribes, un. 1. succi Oxalidis, uel Buglos-
 si, uel Arancij, uel Scabiosæ, unc. 2. aquarū
 End. Oxalidis, Scabiosæ, Ros. ana q. 1. fiat
 Iulep cum omniū Santalorū, añ. dra. 1. cla-
 rificetur. Fit & Iulep è Syrupo Rosato,
 uiolato, de Endiuiā, Acido simplici, Oxy-
 sacchara simplici, & Ordei decocto, uel
 aqua fontana sola decocta, & refrigera-
 ta. Quidam cucurbitam frustrulatim inci-
 sam, in clibano super laterē aliquantulum
 siccant, post autem prælo, aut diuerberato
 baculis duobus crassiore lineo panno, quo
 sint inuoluta frustula, succum exprimunt,
 ac Saccharo condiunt. Ex horum quouis
 mul

mulcenda, & siti & febris uehemētia. Sumitur cochlear, uel inſtaurātis Cardiaci, uel huiusce medicamenti. Reci. Trochiſcorum Diarhodōn, de Caphura, & Spodio, ana drach. 3. pulueris Triasantali, & electuarij de Bolo, ana dra. 2. pulueris elect. de gemmis, & diamargariton frigidi añ. drac. ʒ. pulueris diarhodōn, Abb. dra. 1. Caphuræ. gra. 5. Cinamomi interioris, dra. 2. ſeminis Papaueris albi. drac. 1. corticis Citri cōditi Saccharo, unc. 1. baccarū Oxycanthes drac. 2. bractēas auri. 4. Sacchari quod ſufficiat, fiat cōditum & aureis bracteis operiatur. Trochiſcorū de Caphura, mirabilis hīc utilitas: Quare deſcriptionē illorū adſcribendam cenſui. Ea ſic habet. Rec. Roſarū unc. 1. Spodij, Santalorum omnium, ana un. ʒ. Croci dra. 1. Amyli, Glycyrrhizæ, Xyloaloes, Cardamomi, Coriā dri, ana dra. 3. Caphuræ. drach. 1. Sacchari cādidi, Mānæ ana dra. 3. cū mucco Pſyllij, Roſacea macerati, fiant trochiſci. Sanguinem

guinem mittere si non expediat, uel quod
citra noxam ferre corpus non poterit, uel
quod nō in tēpore medicus affuerit, ut cū
post triduum accersitur: Clystere primū
aluus lenienda: Pōst dandū Catharticum,
sed imitius. Cetera, Syrupi antea scripti
identidē bibendi, iusculāue acida sorben=
da. Tubercula pestilentia, iā enim curatio=
nem eorū priuatim exponere res ipsa mo=
net, uel discutiuntur initio diaphoreticis,
quod satius est, uel Epispasticis amplifi=
cantur, ut suppurent. Quod autem ex Au=
cennae dictis uolunt quidā, biduo toto hēc
Oxyrrhodino perfundi, aut imbuta Po=
sca sponsia foueri: principio quidem an=
tea quā multū uenenatus humor fiat, &
cū tuberculū in emissario cordis, iccino=
ris, cerebri non fuerit, id iuuabit: præsē=
tim si uicinæ partes & circūpositæ per=
fundantur, non quæ affecta est: aliās non
tantū nihil, sed & detrimentū iniunget, ut
ex alijs multis Auicennae locis uidere est.

Hum

Humor enim uitiosus, his quæ sitis reme-
dijs in altum corpus regreditur, & cor ac
nobiles partes, maximis dānis afficit: itaq;
foras is semper euocāndus est, ac nullo mo-
do repellendus. Per statū scarificāndus tu-
mor est, ut quod in eo calet, feruet, partes
uicinas exest, ac corrodit extundatur. Cō-
pēdiosa hæc est curatio tuberculorū, quæ
alibi quā in emissarijs præcipuarū par-
tium excrescunt. Hæc enim siue Carbūcu-
li, siue Bubones, siue Pustulæ quædā aliæ,
ex feris, & malis fuerint, mox crusto-
sæ, quale genus est uniuersum pustularum
uenenatarum subiecto Clystere, & corpo-
re purgato, ineunda uia est, qua si licet di-
scutiantur. Quamobrem primum Cucur-
bitulæ tres sic apponuntur, ut prima infra
glandem proximè affigatur, altera post
hanc, tertia post utranq; : ambæ deorsum
uersus, recta quasi linea, qua tāgenti senti-
tur ueluti quidam nervus durior. Faciendū
hoc matutino, uespero, & interdū sæpius-
culè.

culè, maximè cum ægri relinquuntur animo.
Id enim uenenatum humorè à corde pro-
cul amolitur, & suppurationem promo-
uet. Detractis cucurbitulis, post horā me-
diam, aut paratis quemadmodū antea di-
ximus, stupis aut succida lana ex Ovis col-
lo detōsa, bene ac studiosè carminata, aut
gausape, aut filtro, decocto quod antea
præscripsimus immerso ac expresso, tētā-
dū est humorè discutere. In decoctis per-
petuo sunt emollentia quædam, ne si ali-
ter constitutum sit, quod crassius est, du-
rescat, eo dissipato, quod tenuius est. Hac
quidem ratione si non proficitur, cum uen-
tricus cibo exoneratus, ac inanis fuerit,
decocto superiori, tuberculum irrigandū
est ex alto, providendumq; ne calfacta
pars repētino aëris frigidi occurſu feria-
tur. Post calens stupa ut antea dictū, iden-
tidem & apponatur, & mutetur. Hoc sa-
tis remediū si nō facit, superiori decocto
stillans adhibenda spongia est, semel quo-

M

tidie, uel ad summū bis, ne desiccet prætermodū. Stupis nāq; illa efficacior est. Deposita sponsia rursum admoueat, cū Magmate decocti, ac mutetur, postquā refrixerit. Si uehementius attrahendū, Cucurbitula adhibenda, uel hirudines, supra ut ostēsum est. Si unā cū tuberculo febris est, et grauis et indefinens, hæc ratio tenenda usq; ad septimū diem: sin tuberculū solū, uel cū diaria febre, in emissariorū quodā promineat, ex partibus primarijs aliquā nonnihil grauata esse denūtiāns, secta uena, et data purgatione, cū opus fuerit, solis stupis decocto superiore mersis, morbus euincetur. His remedijs auspice me ac duce, ætate prima firmata, præcipitata ac affecta multi cōualuerūt. Ego equidem illorū industriā nō probo, qui ex ciendis humoribus, unā uel duas cochleas tutas, cum testis imponūt, præsertim si febris est adiuncta, quoniā ex Auicēna Cochleæ resicant immoderatus, et statim exardescūt,
quo

quo duplici incōmodo, & ingrauescit calor febris, & tuberculorū humor siccatus discutientiū uim pertinacius repudiat. Sūt qui Ranam, cuius pelle uentrem exuerint, adhibeāt eodem proposito, sed nō conuenienter, mea quidem sententia. Illam enim præsertim uistā, sicut & radicē harūdinis, & Aristolochiæ crematas, quāquā trahere medici ex alto uelint, quia tamen iusto plus siccant, & calfaciūt, hic obfuerint. Multo uerò minus Calamenthū, Pulegiū, Nasturtiū, Pyrethrū, Costus, Piper, Alcyonium, maris spuma, emplastra ē gūmi Pini, Therebinthina, Melle, Fermento, Propoli, Arsenico, uisco Roboris: quæ omnia plus satis calfaciūt, & siccant. Quædā sicut & διαχύλων magnū, ob lentorem & glutē cutis poros obstruūt, ac obturāt, halitusq; uenenati exitū remorātur: unde fiūt tubercula insanabilia, & lethalia, quod Cheirurgorū inscitia frequēter accidit. Ij enim cū rerū omniū imperiti planē sint,

artisq; suæ prorsus ignari, & alioqui temerarij, ac præcipites, apud stolidã plebẽ, quæ ab indoctis doctos nescit dignoscere, uenerationem aliquam habent, qua inflati nihil nõ audent, nullũ nõ scelus patrãt: uitamq; hominũ sicario, ac lanio quouis cõfidentius eripiũt: audacia legibus publicis & iudicum seueritate punienda, ijsq; adstringenda cãcellis, ut absente medico qui consilij moderator sit, faciũdũ nihil suscipere permittatur. Sunt qui Clematidis genus secũdum, Flãmulã uocant, tusum tibijs uel brachij musculis, uel humeri alligãt, ut ijs perustis, & inducãta crusta, à præcipuis partibus nocens humor retrahatur. Hoc ego nõ nisi in robustis corporibus, et quæ febre careãt laudauerim. Placet magis quod quidã reuulsis Cucurbitulis, Hirudines admouent. Cæterũ, meo consilio res si geratur, ad septimũ usq; diem, præter stupas, ac spongiã decocto Chamæmeli, Meliloti, Anethi, Maluæ, Bulbi, Liliorũ
madid

madidas adponetur. Cū enim fiat attra-
ctio, uel à calido, uel à uacuo, uel à naturæ
cognitione, hos tres modos in diuitibus
præsertim ac opulētis, nos usurpamus. Ob
uacuum trahit Cucurbitula, uel cū scarifica-
tione, uel citra scarificationē: digitis qua-
tuor infra tuberculū affixa, ne quid uacui
sit, carne in tumorem sublata, excitatisq;
humoribus. Calore trahūt stupæ Cānabi-
næ, decocto superiori madefactæ, ac inter
ligneos orbes expressæ, & ut calēt apposi-
tæ. Hoc remediū profus excellit, quoniam
humoris multū dissipāt, nec interea febrē
augēt, uel aegris dolorem incutiūt. Naturæ
coniunctione trahunt gemmæ, quas supra
memorauimus. Eæ stupis iam admotis, uel
appendūtur integræ, uel in puluisculū tri-
tæ, fasciæq; reuinciūtur. Hæc ad septimum
diem ubi cōtinuata sunt, coquentia tū me-
dicamenta ex usu fuerint, nō citius: quoniā
glutinsa illa, cutis poris impeditis, uene-
natus uapor ne transpiret obstāt, eūq; sic

in cor regerūt: & quoniā putrefaciūt o-
mnia, uſtis magis ac incenſis eorū appoſi-
tu humoribus, Gangrenas & σφακίλλας,
pariūt. Tempeſtiua igitur coquentia ſunt
die ſeptimo, cū & tuberculū crescere, ad
ſuppurationemq; feſtinare uidebitur, &
remedijs ſuperioribus, ueneni prauitas re-
miſſa fuerit. Amplificato uerò tertio die
tuberculo, augeſcenteq; febre, ac ægro ma-
gis quā antea irrequieto, ſi floret ætas,
nōdūq; robur imminutū ualde fuerit, ala-
rum & inguinis glādulas totas diſcindūt
multi, ſecūdum partis longitudinem: haud
magno doloris cruciatu, quoniā ſenſus ex-
pertes illæ ſunt. Hac in re ſummopere ca-
uendum, ne uena, arteriāue ſaucietur. A æ-
gro, prius quā id fiat, medici periculum
mortis adēſſe nūtiāt, id ni patiatur, & qua
poſſunt eloquentiæ facultate animum ad-
dunt. Diſciſſa glādula ſanguis ſiſtitur ſtu-
pis Roſaceo, & uitellis ouorū tinctis, effu-
ſo albumine, quoniam & glutinofius, &
frigidius eſt quā par ſit. Rigatur pectus

Car

Cardiacis Epithematibus: dantur bibendi Syrupi Cardiaci, tosti panis ossa uino fuluo aqua multa diluto maceratur, edendaq; offertur. Aliquātulum uini post sorbetur. Facies osq; totū aspergitur aqua Rosacea Caphurata. Eadem, manus lauatur. Odo- randū cū Rosacea, Acetū naribus obijci- tur. Glādulas ego equidē proscindere sem- per sum ueritus, quoniā tā ancipiti cura- tione periculi multum accersatur. Affixis uerò ut antea dictū, Cucurbitulis, & scari- ficata parte, quā attollit Cucurbitula flam- ma, uel admotis Hirudinibus, sanguinem ad sex, aut septem uncias fundere tutius es- se crediderim. Sunt qui ferro cādenti urāt tubercula, remedio nō nisi cū deest febris, & in ualidis corporibus utili. Horū uehe- mentiū loco, præsertim si ad ea perferen- da imbecillo ager est animo, ualdeq; tu- mor accreuit, ter aut quater spōgia & in- terdiu et noctu apponēda est, stupæq; mer- se in decocto supra tradito, assiduè cōti-

nendæ. Post septimū uel nonū diem febre
iā leuata, maximè si interciderit Crisis, si
de humoris ueneno suspicio remota est, si
uires adhuc firmæ, si nec liuescit, aut nigre
scit tuberculum, si quæ suppurationis spes
obtenditur, $\omega\pi\iota\chi\omicron\nu$ hoc præscribimus.
Recip rad. Althææ & Liliij, radicis, He
lenij, & si nulla febris est, radicis Cucume
ris syluestris, & Cæparum, ana libr. β. Ca
ricas, .o seminis Lini, & Fœnigræci, ana
unc. .i. foliorum Maluæ, Althææ, uiolæ, A
canthi, Cardunceli, ana m. .i. coquantur o
mnia, in aqua. pmsentur, incernantur, ad
de axungia Porci, recentis liquatæ & co
latæ, libr. .i. farinæ Lini, & Fœnigræci,
ana unc. .i. fiat cataplasma. Addunt multi
Cochleas cum testis tufas. Illas ego non
aspersari soleo, ubi cutis densior est, ut in
parotidibus, ac Bubone. Adijciunt qui
dam fermenti panis furfuracei crassioris
unc. .i. humoris trahēdi caussa, & rumpen
di tuberculi. Id ego potius in carbunculis
proba

probauero. Hoc superiore πεπτικόν mitius
est. Re. farinae Tritici. q. 3. aquæ lib. 1. olei
de Lilio, & Chamæmeli, ana unc. 2. coq;
donec spissescât, cum medulla 1. panis fur-
furacei, & Caricis simul incoctis, axun-
giâq; Porci recenti, uel gallinæ, uel Buty-
ro, fiat Cataplasma. Vetustus, rancidus &
salsus adeps, Carbunculis disrumpendis
aptior est. Alia propemodum innumera
hoc genus remedia peptica, Errhyptica,
Sarcotica, Epulotica, hic ego recensere
possum: quæ ne lōgus sim, & quoniam in
ueterum medicorum libris passim legun-
tur, de industria missa facio. Tuberculum
si liuet, aut nigrescit, aut interius labitur,
siue Carbunculus fuerit, seu pustula quæ-
uis alia, ex difficilibus, nouacula scapellō-
ue, ut altius uulnera nos impingamus,
mox ægra pars scarificatur, deinde Mu-
ria proluitur, sanguis ut exeat, nec dure-
tur. Plagis imponitur uel Cucurbitula, uel
Galli deglabrati podex, uel ut multi uo-

lunt, aut Rana, aut Cochlea. Hæc calidiora
sunt in emissariorum tuberculis : in alijs
sat conuenientia. His actis, quod tubercu-
lum disrumpat, admouendum. Id ego in
pueris olim è uitello Oui, & Sale pauco
infriato, parare consueui, ac singulis horis
renouare. Quod si eo malum incrudescat,
Scabiosa sola inter saxa duo teritur, et cū
axūgia Porci salsa & uetusta pimsitur, ac
superponitur, quod & hoc mō fit. Re. Sca-
biosæ, & Symphyti maioris, ana m. i. tere
inter duos silices, cū uitello oui, & axun-
gia Porci uetusta, salsa, et rancida, salisq;
fositij. paululo, fiat Cataplasma. Prosunt
his, ualidiora, & cum nulla febris obsedit,
& in partibus corporis, quæ lōge ab emis-
sarijs seiūgūtur, quale est quod è Caricis,
Fermento, & Sale fit, quale est & istud.
Rec. Cātharidas 2c. cōterātur in puluiscu-
lum, è quo ungentum fiat, cū axungia Por-
ci, renouetur ter, aut quater quotidie. Ve-
hemētius fuerit & in duro corpore, ac cu-
te

te spissiore: aptius, si quartā partē Saponis
mollis adieceris. Ad hanc classē & hæc
duo pertinent. Rec. Salis, Nitri, in pului-
sculū triti, un. 1. Fermenti unc. 1. pinsantur
omnia simul, & cum stupis imponantur.
Rec. Calcis uiuæ unc. 3. Saponis unc. 1. Fer-
menti unc. 2. Salis fossitij drac. 3. fiat un-
guentū. Horū appositū, ne dolor incurset,
malū exultet, humor prauus intrò abscē-
dat, circūponendū emplastrum Gal. cuius
hæc est descriptio. Rec. Arnoglossi. m. 3.
panis furfuracei, unc. 6. farinæ Lētis unc.
1. coquātur hæc in Aceto, deinde simul pin-
santur. Addit Auic. Gallam, ac recte, san-
guis tenuior si fuerit. Ad idem ualet Em-
plastrum, è duobus malis Punicis, in Po-
sca uel Aceto decoctis: aut quod fit è ter-
ra Lemnia & Armenia Bolo, mixtis cum
Oxyrrhodino. Ignē sacrū cū hisce tumori-
bus irrepsit, posteaquā uehementia doloris
nonnihil placata est, Auic. hoc unguento
demulcet. Rec. carnis passarum, Carica-
rum,

ru, Nucū ana unc. 1. farine Ordei unc. 3.
Sapæ, lib. 1. fiat unguentū. Hoc coquuntur
ac rumpuntur Carbunculi. Discissus Car
bunculus, ungueto è succo Apij, Plantagi
nis, Absynthij, Melle Rosacco, & farina
Ordei, simul coctis, ac Terebinthina, lota,
detergitur. Post carne impletur, ac cicatri
ce tegitur. His remedijs cōsultus, prudens,
ingeniosus, diligēs ac iudicio limato medi
cus, quātūvis arduas morborū dificulta
tes euicerit, industria præsertim, cura, &
opes medicamentarijs abunde si suppedita
uerint. Hæc enim si nō suppetāt, agris un
de opitulētur medicis nō est. Quapropter
deserti fato cōcedūt, letali morbo, quē sa
nari posse remediorum materia si medico
suggeratur, in spe fuit. Absorbet pestis
multos, quòd in re tenui nō est, unde medi
co numerent. Nam ut certū est ac præsens
discrimen, corū qui cum agris uersantur,
sic ex medicis pauci, non nisi maximis
præmijs adducti, in tantum periculum
sese

sese committunt, & sapienter, ut quidem sentio: quoniam & multos incautius se obtrudentes, ruina cæterorum inuoluit, ac oppressit: Et quamuis dies multos, citra noxam ad ægros medici nonnunquam adeant, casu tamen aliquo in eas tandem compelluntur angustias, unde sese educere non possint. Paulatim enim sic malum consuetudine radices agit, ut nulla ratione post extirpari queat. Cæterum ut medicorum absentia salus multorum afflictæ est, sic & Cheirurgorū imperitia orbatæ uitæ quamplurium: dum quos uexari nō oportuit, eos erepto sanguine labefaciunt, quas sanguine profuso ægrotudines medicari conueniebat, eas nullis auxilijs tractatas, dimittunt, ac perperam in alijs omnibus remedijs hoc pacto iudicant. Qui autem ex illis doctrina & literis politi sunt, usūque rerū mala hæc procurare uere sciunt, maximi lucri spe nisi alliciantur, periculū horrent: ac uitæ consulere, quàm cæteris
nulla

nulla mercede inferuire malūt. Nobis enim
proximi ipsi sumus, nemoq; est tāta occa=
catus amentia, qui de sua salute potius, quā
aliorū sollicitus nō sit, maximè in cōtagio=
ne tam cita, & rapida. Haecenus de reme=
dijs. Nunc quomodo alendi sint ægri trāsī=
gamus. In cibo dādo Galenus libris Me=
thodi uiriū cōseruationem præcipuè no=
bis captari uult. Eæ si unquā alias, hoc cer=
tè in morbo tuendæ nō solum ac retinendæ
maxima cura sunt, sed etiā firmādæ, augen=
dæ, roborandæ. Hoc quidem παρὰ φύσιν,
ijs uidebitur, qui magistro. Hippocrate, cū
in morbis acutis cibādos ægros esse par=
cius didicerint, in pestilenti febre quæ ce=
leritate ac uehementia nullas nō anteit, ui=
ctum parcissimū iniungunt. Bene Hercle,
ac recte Hippocrates, sed cuius dictum ad
morbos acutos nō uenenatos trāsferendū
sit, ac uires non prorsus exolutas, quas
idem ipse collatione cum morbi uolentia,
explorādas esseratus est. In his uerò mor=
bis.

bis, cum humoris ueneno spirituum magna copia disiūciatur, & uires exhausto spiritu cōcidāt, statim tū reparādæ illæ fuerint, tum spiritus reficiēdi, ac restituendi, quod cibo sæpiusculè sumpto nos consequimur. Multos esse certo scio quibus uituperetur hæc animaduersio. Cæterum illi si attētius rē expenderint, & mihi suffragabuntur, aut potius ueritati, à qua prudens inter disputādū nunquā desciui, & aliorū qui in hac re peccāt, errorē coarguēt, quē satis superq; ipse rerū euentus, palā facit. Neminē enim ex ijs qui sic habiti sunt, non ad mortem deductū fuisse memini. Sed & Galenus ut ueterū etiā testimonio nitamur cibū in accessionibus febriū se dedisse scriptis mādauit, cū aegris animum morbi uis ademisset, quod in peste frequētissimū est. Auic. cibis, uel firmissimis uel affatim nutriētibus, & acidis omnibus, appetentia ne contrahatur, ut Lenticula, ex Aceto, carne Pulli, Alaudarū, Perdicum, auicularū quæ

in montibus uiuunt, Hædina pascendos
esse tradidit, cogendosq; si recusent ad ci-
bum capiendum: Hæc eadem in Raseos de-
cimo libro, ad Almanforem monumentis
extat. Quod ergo multi hoc seculo faciunt,
ægri fame & inedia minime diuexandi
sunt, sed modus hic terminandus est, ac
exequendus. Prima quidem luce, qua mor-
bus corripuerit, uentriculus adhuc cibo si
premitur, aluus bona facienda est Clystere.
In horas duodecim cibo abstinendum. post
sorbendum uel Amygdalatum uel Pulli iu-
sculum cum quo coxerint semina 4. frigi-
da maiora & Oxalidis, Ordeum, Cucurbi-
te pulpa, acerbæ uuæ, duæ uel tres. In lan-
cem iusculum effussum cum fuerit, prius-
quam sorbeatur, instilla succum Leimonij,
Aracij, Citrij, Oxalidis, Omphaciū, Ace-
tū. Morbus uero si ieiunū ac siccū homi-
nē prehenderit, is offas duas, uel tres hoc
iusculo maceratas edito: post, iusculū ad-
dito, Croci tantulo, sorbeto. Hoc idem fiat
quotz

quota quoq; hora sexta, & noctu & interdiu. Altera die, eadem prorsus ratio teneatur, nisi præterea uelis malum Pyrum, Cydonium, cocta in pruna, uel sub testu, aut in olla aqua uacua, Saccharo cōspersa, dare. Priusquam cibus offeratur, manus, facies, os abluendum. Posca, acimorū Punici Mali, uel acidi, uel inter acidum et dulce mediū, cochlearia duo exugēda sunt, elota prius Rosacea. Mēsa postrema pro Bellarijs esto, uel nudū, uel Saccharo tectum semen Coriādri, aut panis tostus, ea lege ut nihil post bibatur. Tertia die præter memorata cibaria, ut indulgentius paulo accipiātur, ac uis corporis redintegretur, spiritusq; in eorū qui sunt dilapsi locum, sufficiantur: pullorum pedes, alasq; summas arrodere, ac Galli iuuenis testiculos comēsse, & carnis succū ac uinū bibere permitto. Modus quo carnis succū elicimus, apud Auic. est, cap. de curatiōe torminum, ac doloris Coli. Appetentia dādæ:

N

caussa, cibus acidis perpetuo condiendus,
ut aqua Rosacea, & Aceto. Quarto die
glaciatũ ius præter superiora cum panis
frustulo, uelut auctario quodã, præbeo aci-
dũ, ut appetẽtia semp efficiatur. Glaciatũ
ius fit è carne Perdicis, Pulli, auicularũ,
quæ pedicis & aucupio decipiũtur, cum
pauillulo Cinamomi, Caryophyllorum,
Zingiberis, Croci, quæ integra sũt inijciẽ-
da, nõ pistillo cõminuenda: 4 semimib. fri-
gidis, ac Cydoniorũ, & Psyllij, Aceto, &
Omphacio. Quinto die pariter ac sexto,
usq; ad septimũ nihil immutandũ, nisi for-
te pulpam ale, uel Pulli, uel Perdicis minu-
tim incisam, sed parcẽ admodũ exhibeas.
Hanc progressionẽ in uictu finiẽdo sigil-
latim, & ordine tradere placuit, ut intelli-
gatur, tametsi pestilens morbus acutus sit,
peculiarem tamẽ constituendi uictus mo-
dũ habere. In alijs enim ad statum usq; è
pleniori uictu, ad tenuiorem proceditur:
Hic uero contra è tenuiore ad pleniorẽ.
Bibenda decocta frigida, cum aliquo ex
Syr

Syrupis acidis. Vinum ex agris sunt qui tam auide petāt, ut cupiditate ac desiderio nōnunquam deficiat animus. Iis ego & faciē, & os, ut diluto uino abluant impero, quotidie: Die uero tertio, nunc dum prandent tantū semel & principio, nūc dū prandent ac coenāt, uinum bibere permitto, album, pellucidum, subacerbū, suaue, quarta parte aquae decoctae, ac refrigeratae temperatum. Tanta egrorum cupiditati ex medicis nonnulli paulo durius se opponunt, uinumq; peruiacius deposcentes ac efflagitantes obiurgant, & increpant, postulationi resistentes, nescij quantum appetentis naturae uis qua & belluae praeditae sunt, nos incitet, ac eorum det appetitus, quae utilia sunt: fugam uero ac declinationē monstret, eorum, quae nocēt. Vini cupiditate aeger si non flagrat, uel si uinum alioqui gustanti amarum & insuaue sit, Cydoniorum, aut Punicorū succus bibendus, cum Iulep Rosaceo, uel aliquo alio ex acidis, quae supra retulimus. Aestus

febris si perurat, frigida aeger explendus si
torosus, bene habitus ac carnosus fuerit,
nō macer, attenuatus, imbecillis: si natura
frigidus uenter nō est: si nulla uiscerū
Phlegmone, si aquam bibere consuetus.
His enim conditionibus aque danda po-
testatem Gal. in Metho. facit. Iisdē quarta
quoq; hora, dandum uel iusculū, uel iulep
aliquod, uel instaurans Cardiacon: & si
animo cadunt, uinum dilutū, cū offa panis
assi, quo auxilio citissime, discedens ani-
mus reuocatur, Gale. si fides est. Aegro ci-
bato, duabus horis post, tuberculis admo-
uenda, quae antea nos remedia praescripsi-
mus. Vbi praeterierit dies septimus, extra
periculū iam uita fuerit, ac Crisim aliquā
natura commoueri, & absoluerit, abun-
dantius agris datur Pulli, Perdicis auicu-
larum, quas pedicæ dolis uenamur, elixa
caro. Nam elixa in febribus magis quā
assa conferunt. Hædina, Hædi intestina,
acida iuscula, nisi aut inualidi nerui, aut
pect

pectus angustius & astrictius fuerit. Tum enim acidorum noxa magna cura emendanda est. Cetera ut in Prophylactice nos diximus, constituenda. Carnem ego nullam uesperim coena dandam esse plane censeo, tum quia in bilioso uentriculo, ac impuro non recte coquitur, sed usta & magna corruptela deprauata, febrium ardores duplicat. Non pura enim corpora, quanto magis aluntur, tanto magis leduntur: Tum quia mora in uentriculo, somni diuturnitate & caliditatis uehementia, quae tum magna est, caro putrescit ac uitiatur, & febribus incrementum adfert. Auenatum ergo, Amygdalatum, Ptisana danda potius, uel Malum, uel Pyrum, uel Cydonium coctum, in iusculis parata cucurbita, Lactuca, Portulaca, & si uenter admodum aestuat, Lactuca cocta, ac minutim concisa, eo modo condita quo Spinachia solent, sed cum oleo paucissimo, quoniam facile oleum incenditur. Coquantur Suis pedes, et Hædi in aqua, & Aceti paululo, cum seminibus frigidis qua-

tuor minoribus, Psyllij, Cydoniorū, Papa-
ueris, Cucurbita minutatim cōsecta, Oxa-
lide, Omphacio. Iusculū hoc datur sorbē-
dū cū panis tribus, uel quatuor offis, quæ
post in cibo sumantur. Crebro alimentum
offerēdū, sed exiguū semel, ut spiritus qui
ab humore uenenato ppetuo disturbātur,
ac disiciūtur, aeger recuperet; eorūq; ma-
teriā nēpe sanguinē recentē naturæ bonū
ac purū subministremus. Itaq; nō cōmittē-
dum est, ut uel esuriāt egri, uel sitiant. Os
squalidius, & scabrū abluēdū aqua, Syru-
pis, quos antea memorauimus, sitis satian-
da. Pestilētis morbi grauissimū Symptoma
est, quod Zonā uulgo nūcupant. Ea sic fit
Pustula nōnū quā per febres pestilētes, su-
scæ, nigre, liuidæ existūt, in partibus cor-
poris à glādulis emissariorū seiūctis, ut in
fœmore, tibia, capite, brachio, humeris,
quarū feruore, et caliditate succi corporis
attracti, glandulas in traiectione replent,
et attolūt, unde Bubones fiunt atq; Carbū-
culi. Ab ijs tāquam solidus quidā neruus,
in

in partē uicinam distentam, ac ueluti con-
uulsione rigentem, producitur puta brac-
chium uel tibiam, nunc rubens, nunc fu-
scus, nunc obscurior, nunc uirens, nūc Iri-
dis colore, duos uel quatuor digitos latus.
Huius summo qua desinit in emissarium,
plerūq; tuberculum pestilens uisitur, alte-
ro uero extremo qua in propinquum mē-
brum porrigitur carbunculus. Hoc scili-
cet malū uulgus Zonam cinctūm ue nomi-
nat, periculosum minus, cū hīc tuberculo,
illic Carbunculo terminatur, quā si tuber-
culum in capite solum emineat. Humores
nāq; uitiosos, in artus, et extrema corporis
procul à uisceribus & primarijs parti-
bus, faustum est ablegari, uel multis, si res
ita ferat, tuberculis. Sic enim principales
partes, iniquo se leuant pondere, humoris
uitiosi quo grauabantur. Sumpta est hæc
appellatio à cinguli, uel cinctus similitu-
dine. Qui hoc in morbo sūt, curātur uenæ
sectiōe, purgatiōe, Theriaca, puluere ele-
ctuarij de Bolo sūptō ex aqua Scabiosa.

et Rosacea. Tubercula irrigantur, decocto Chamæmeli, Anethi, Maluæ, Alihææ, Meliloti. Pustulis quæ prorsus Carbunculi sunt, inijcitur uel Scabiosa trita, cū uitello oui ac Sale: uel emplastrum de Malis Punicis. Carbunculus qui in altero Zone capite feruet, aut nouacula, aut scalpello dirimitur: aut Hirudinibus laceratur. Postq; admouetur Cucurbitula. Imponitur qua sanguis manat, uitellus oui, cū Sale: In ambitu uero, quod repellat affluentes humores astringens medicamentū. Cætera Syrupis Cardiacis, cōditis, Epithemate refrigerate odoramētis, totū negociū cōficitur. Attēdendū huiusce mali duplicē esse, ac disparē materiā, tenuem alterā unde Carbūculus: pingue, & crassam alterā, unde fiūt tubercula. Aliud est & ægritudinis huius symptoma, sanguinis uel primo die uel sequ. excreatus, fissa uena, aut arteria, in pulmone seu mēbranis pectoris, ob Carbūculos innatos, aliāue tubercula, quæ si nō hiscāt mox occidunt: si dispescūtur, prorūpente
san

sanguine, uita expellunt. Quare in tantis angustijs malū quā sit perniciosum, uel me tacente quiuis intellexerit. Expuitur & nōnunquā sanguis, qui per uenas, & arterias integras ac illæsas, uelut exudatione quadā, trāffluit: ut in Pleuritide, sorte quidem graui, sed quā superior minus periculosa. Dissiliūt in ijs uenæ, quorum pectus cōtractius: iusto plus adductū: uoracibus, gulosis, temulētis, uinosi, intēperāter uitā traducētibus, sanguine ob desuetā uenæ sectionē, redūdāte. Hic magnum esse præsidiū in Armenia Bolo quidā sentiūt, propterea quod siccet multū, adstringat, repellat introrsum, & patentes uenas cōglutinet, ac ferruminet. Illorum ego sententiā nō cōprobo. Quāuis enim Bolus Armenia cōmittat diductas oras uenarum, eoq; nomine usui sit, quia tamen corruptū sanguinē, in cor unde pellebatur regerit, efficitq; ne dirus & teter uapor exhalet, illā dare semper refugi, maxime post triduum cū multū uenenatus humor, in cordis iam

N 5

locū appulit. Quod uero Bolū Armeniā,
scriptis suis Auic. laudauit, ad pestilentes
morbos utilē, id quidem uerū est in Pro-
phylactice, nō si pestis iam irruerit, uel si
tum auxiliij quidquam in ipsa sitū fuerit,
requirēdū id pfecto est, ut antea diximus,
primo triduo, quo & Theriaca multorū
opinionē solū usurpāda. Illa enim uenenū
antrorsum propulsat, ipsi ut credunt, non
foras educit. Quamobrē nec hanc, nec Bo-
lum Armeniam supra tubercula extrinse-
cus admouēt: tametsi Bolo recte circūlini
ea possint, ut astringentibus alijs medica-
mentis. In pestilentibus atq; adeo ceteris
acutis, & quæ nihil intermittunt, ob ualen-
tissimum calorē Theriaces nō pauci, usum
extimescunt. Quā sapiēter ij uiderint. In
febris nō assiduis, eo die qui liber ac ua-
cuus est ab interuētū febris, Theriacē op-
portune datā usum magnū habere ijdem
existimāt: qđ nemo nō cōcesserit. In screa-
tu sāguinis, cū nihil dissuadet, ac plenitudo
est, ambæ quæ sūt ad malleolos uenæ secā-
tur,

tur, aut quæ in brachio media est. Tantum sanguinis adimitur, vires quantum ferunt. Bibitur Iulep Rosaceum, Syrupus de Omphacio, succo Citrij, uel Leimonij, ex aquis Cardiacis. Sanguis ne fluat, haud laborandum est, cum ijs, quæ ualidius astringunt: quin potius cū uenenatus sit, ut diffluet sumendum pro astringentibus: dāda quæ leuiter abstergant, ut aqua tepida, uel Ordei decoctum cum Saccharo, & quæ in Pleuritide, ut sputū facilius reddatur, præscribimus omnia: præsertim in secūdo illo genere Hæmoptoiseos. Est & quod in morbis pestilentibus usu uenire ego pluries obseruauī, aliud huiusmodi. Valentibus, robustisq; iuuenibus, febre pestilenti implicatis, sub ala in mirabilem modum glādula tumuit, mollis appresso digito cedens, nunc flaua, nunc liuida, nunc colore bono, ac nihil alieno, qualis est in partibus corporis dum bene ualēt. Doluit brachiū totum, iam inde à tumore usq; ad summos digit

digitos. Die quarto recurſu humoris ad cor, & dolor ſe remiſit, & tumor ſubſedit. Medicis, ac ijs qui tum adfuerunt, bona omnia letaque augurantibus, cum interea pulſatio micatioq; arteriarum obtemiſceret, ac pulſus eſſet is quem Græci *αἰμαυξίς* uocant: lotiumq; turbidum ut in ueterinis: ager quinto die, morte captus eſt. Hos in animo uoluebam, ac reputabam mecum, ſanari poſſe altius inciſa glādula, qua ratione me auertit, ægrorum ærumnoſus ſtatus, qui magnā certe miſericordiam habet. Cōſcientia præterea ipſa, quæ audaci nullo facinore bonos obſtringi permittit. Curari quoq; poſſe ego ſperaui, multis alieq; demiſſis ſcarificationibus, deinde Cucurbitula impoſita, ſanguini multo eliciēdo, qui uenenatus eſt, admotiſue Hirudinibus. Et tumor cum minuitur, reuocādo humori, qui ad cor properat Cucurbitulis affixis, alijsq; Epiſpaſticis. Nullis ne ſanguinis quidē miſſio profuit

fuit, augescēte perpetuo tumore, usq; dū nigris Exanthematibus corpore maculato, humoreq; uenenato disperso in habitum corporis totius, naturæ uitæ ægri redderēt. Nōnullis in hisce febribus os interius, & fauces extumuerūt nūc molli, sæpius duro, alias molli primū tuberculo, deinde sensim obdurescēte, cū deglutiendi magna & molestā difficultate. Quibusdā id solū malū nō fuit, sed quod & Parotidas secū inueheret, toto collo in molē stupēdā, ac tumore elato. Hi sanguinē expuerūt, morbus aliquātulū cū foret progressus vi. die, uel x. partim eorū xiiii. uel x. extremū uitæ diē morte cōfecerūt. Idē curatiōis hic modus qui & in alijs tuberculis, sanguinis missio, purgatio Syrupi cardiaci, Epithemata, odores: idq; si opē medicorū principio æger implorauerit. Morbus enim si confirmatus est, cassa uanaq; uniuersa remedia fuerint. In pestis lue sæpe solent eade quibus nuper meminimus, Exanthemata uaria coloribus, nunc atra, nunc liuida
figu

figuris diuersa, nunc lata, & diffusa, nunc
uelut signata pūctis efflorescere: medico-
rū uulgus morbillos nominauit: prisci La-
tini Bouillas. Quibus annis pestis nos af-
flicxit Septembri, & Augusto, quo maxi-
me tempore solent apparere, propter æ-
statis antegressæ ardores, æstus & squalo-
res illæ prodierunt, in adultis maiores, la-
tiores, tenuiores: in pueris, ac infantibus,
pauciores, ac spissiores: senescente pesti-
lente feбри, per crises è bili natæ, quæ uide-
licet æstate proxima, in hominum corpo-
ribus aggesta fuit. Conualuerunt quibus
febris hoc modo finijt, præsertim medico-
rum auxilium si ad naturæ conatus acces-
sit. Vt aut Bouillæ undequaq; facilius erū-
pāt, ab aëre frigido, sūma cura ægri defen-
dūtur: Coccineis pannis inuoluuntur: spō-
gijs duabus sat patulis & magnis, deco-
cto Meliloti Chamæmeli, florū Stoecha-
dis, et Rosmarini, madefactis, ac inter or-
bes ligneos duos expressis, sed adhuc calē-
tibus, pectus, ac totidē spina dorsi fouetur.

Vbi

Vbi refrixerint, tolluntur, earumque loco inferuntur tepentes, aliae. Tegitur pannis calfactis ea pars, quam fouit spongia: id fit nullo dum cibo sumpto, aut cum e uentriculo cibis descenderit horis propemodum singulis. Bibetur hoc decoctum, quod ad Exanthemata producenda mirifice ualet. Re. Caricarum, Lentium ana. nnc. i. fiat decoctum, quod cum puluisculo Laccae abluta, et Croci bibatur. Mirationem fortasse quibusdam fecerit, quod Octobri mense, horum Exanthematum ne uestigium quidem in febribus, ac tuberculis pestilentibus, unquam fuerit, superioris cum aestatis squalor etiamnum duraret. Hoc nimirum pedit est diuersitate causarum pestis. Hic enim superior, illic inferior potest magis efficienter: Alicubi utriusque potestas, aequabilis est, pro conditione illorum corporum quae afficiuntur, et regionum situ, ac natura quae causarum uim recipiunt. Toto quidem Octobri mense inferiores causae uiguerunt, caelo multis imbribus pluuiis, nebulis foetibus,

pin

pingui humore, largo, & pigro: calore graui. Quare & pestilētes morbi id tēporis suborti, diuturniores, ac tutiores præcedentibus fuerunt: nec ut alijs perinde lethales. In his quidem tractandis morbis, sunt qui operā medici, ut inanem derideāt, quoniā uis mali, tam cita sit, tamq; abrupta, ut remedia quæuis eludat, testēq; huic fabulæ citant infauitū plerisq; hac ægritudine functis euentum. Iis nos respondemus, multa sane haud opera dedita, malōue consilio, medicos ignaros, indoctos, & inexercitados, sed imprudētia, rerūq; ignoratiōe peccare: scientes uero ac doctos, tamen si pro cōditione sua munus officij præstent sedulò, non id tamen assequi semper, ut ægros è perdita ualetudine reuocent ad sanitatem. Quod enim uersiculo triuiali canitur, Non est in medico semper releuetur ut æger. Ceterū ut inscitia medicorum nihil adblādiri uisum est, sic & eorū qui probri uniuersū medicorū ordinē imsimulant, stoliditatem ego & amentiam ferre,

ferre, ac silentio transire non possum: qui
charissimam rerum omnium salutem, non
quidem medica disciplina tinctis cōmit=
tant, non medicinā profitentibus, sed ani=
culis, præstigiatoribus, circulatoribus, sor=
tilegis etiam ac incantatoribus. Si quid er=
go secus cadat, quàm ij uelint, quæso cur
se non potius accusent, ac secum ipsi ex=
postulent, quàm præter meritū hac medi=
cos aspergant infamia. Sed de his hæte=
nus. Nunc quod dignū scitu est, præsertim
medicorū ijs qui morbi pestilētis impetus
auxilio suo retardaturi sunt, explicemus.
Id autem est, sanguis mittēdus, purgatioq;
an danda sit, in his morbis necne: Itemq;
an dormiēdum, ægris, pariter & uomēdū.
Auic. lib. 4. cap. de uenenis, omni studio ue=
nenum in corpore latens, foras euocādum
esse dixit: quòd si uerum est, nocent hæc
omnia, quibus, ut idem ipse ibidem sensit,
uenenum introrsum pellitur. Præterea lib.
1. Aphoris. Hippocrates scripsit, sequendā
esse naturam, humoresq; nostri corporis

O

illò cōuertendos, quò ipsa nititur deduce-
re. At uerò quādoquidem illa tumoribus
excitatis, Carbunculis expulsis, profusis
Exanthematibus, prauos humores foras
eijcere conatur, idq; sibi tētari prae se fert,
cur somno, uomitione, Pharmaco, Apo-
crousticis, uenae sectione, introrsū humo-
res, ut antea dictū, cōpellētibus, naturae me-
dicus obluētetur. At si remedia haec negli-
gimus, quae Rasis, Aui. & uno uerbo cete-
ri oēs, prodiderūt, quibus tādē auxilijs pe-
stilētiæ furor cōpescetur? ut in rebus cate-
ris, sic & in hac medēdi ratiōe, tēporis oc-
casio diligēter est cōsyderāda. Nā si haec
p̄ initia fiāt, priusq̄ multū humor in uene-
nū deprauetur, & in cor meauerit, salutem
plane reddūt: Alias uero nostris ut ratio-
nibus supra cōfirmatū est, exitio sūt. Ali-
ter quidē hoc distinxit Ioānes Iacobus, me-
dicus aeo nostro clarissimus, & ampli-
mus, ex doctrinaq; nobilis. Is. n. sic putauit
uenenū aliud in cor spōte cōcedere, quale
est quod uel morfu, uel pūctura iaculātur
feræ:

ferre: aliud inde secedere, quale est uicio-
sus humor, unde Carbūculus enascitur. In
hoc, uenenatā esse partē eā solā quā extra
uenas reijcit natura in Carbūculi materiā.
Et proinde hic tūdendā esse uenā, maxime
primo triduo, ne portiūcula ueneni ē qua
genitus est Carbūculus, totus reliquus san-
guis inficiatur. In ferarū uenenis, quæ re-
cta in cor irrepūt, id nō esse faciūdū: quo-
niā sāguinis missiōe, si Auic. audimus, uene-
nū in cor protrudatur. Speciosa, bellaq;
oratio, minime tñ ad ueritatē, directā. Pri-
mū enim, pace tāti uiri dixerim, quasi ue-
rū, quodq; donēt omnes, ea sumit, uenenū
esse, quod à corde recedat: cū ea sit natura
ueneni cuiusuis, ut potissimū cor appetat:
deinde quod esse dissimile, is iudicat, omni-
no simile est. Nā et in Carbūculo, et in be-
stiarū ueneno, sāguis principio uenis ab-
strusus purus est, ueneni uero extra uenas
paululū, quo sanguis uniuersus ni obstitas
posterius corrūpatur, cordisq; robur uita-
le capiat detrimētū, ac labefiat. Dixer sum.

id quidem est, quod uirus à bestiis inditum eadem potestate uenenum semper est, non item uiciosus humor, quem foras amādat natura. Is enim dum extrinsecus putret, ac succenditur, fit magis uenenatus. Qui autē sic efferbuit, nulla unquā resignata uena exhauritur, cū humor qui uenis semel excidit, in eas se nūquā post recipiat. Quod igitur ex hac disputatione, in summā concludimus, cum adhuc fluit humor alienus, necdū cessauit à natura incitata defluxio, & qui extra uenas in Carbūculū uel tubercula cætera humor accumulatus est, nōdū putruit, ac in uenenū atrox trāsijt, sanguis rite detrahitur, ea legis obseruatione, quā nos antea sanximus. Neque uero ut apud quasdā gētes more cōparatū est, quæ prehensis utrinq; brachijs spaciādo, & inambulādo uigilare cogūt, adhibitis tympanis, ac tibijs, ut strepitu dormitātes expergefaciāt, ægri per triduū in Carbūculis sōno arcēdi sunt. Nā quibus ægre nihil est, ij tā lōga uigilia, si cōficiūtur, quāto magis, qui

qui morbo laborāt, præsertim uiribus ma-
li uehemētia iam prostratis. Hos medius si-
dius si nullo somni leuamento recreentur,
perire ac opprimi necessum fuerit. Quo-
circa illos nōnihil dormire quotidie, do-
nec triduum uel quatrimum abierit, puta
duabus horis, uel tribus, concedendum: nō
autem somno sepeliri, nec diutius ad quie-
scere. Itaq; sistendus prope illos fuerit,
qui expergat, uel stertentes somnōque
fruentes otiosius, uel manibus pedibusq;
refrigeratos. Hoc enim defectum animi si-
gnificat, instātemq; mortem, ni suscitetur.
Qui ijs assistet singulari uigilantia: id ser-
uato, ne somni dulcedine inescati, perpetuo
dormiāt. De uomitiōe sic habendū, toto bi-
duo eā iuuare, præsertim in corporis ple-
nitudine, ut quod in uētriculo superuacuū
natat, foras elidatur, minimeq; traducatur
in uenas. Eadē profuerit, & si qui uene-
ni haustū, bibitū, deuoratū fuerit, cū uene-
nū ē uētriculo nōdū excesserit, ac nōdū in
cor impressiōē dederit: ubi uerò nulla ple-

nitudo est, aluum Clystere laxari, quā uo-
mitiones ciere praestiterit: & quod super-
est, omissa uenae sectione, ac Theriace &
Armenia Bolo, instauratibus, & Cardia-
cis Syrupis datis, mollientibus, & quae le-
uiter discutiunt Epithematibus foras pra-
uium humorem elicere. Verum enim uero
quando toties, nostro sermone uersata est
mētio ueneni pestilētis, quod in febribus,
Carbūculis, ac tuberculis subest, quale ue-
nenū id sit, nō prater rem fuerit explanas-
se, cum uenenorū multiplex sit diuersitas,
qua parum intellecta, & explicata, minus
peruia, claraq; minus tota res futura sit. Ve-
nenū sic Auic. medicūq; ueteres dispartiu-
tur, aliud ut sit propria peculiariq; natura
uenenū, aliud ut solis qualitatibus. Quod
est prioris generis, obiectu suo necat sta-
tim, ac omnibus aequabiliter necessitatem
mortis affert. ut Aui. exposui libr. 4. Haud
uero tale pestilentiū morborū uenenū esse
inde cōiicias, quod magna ex parte, citius
quā die i i i. v. v i i. nō interimat. Aliquos
enim

enim primo etiā die, uel altero, nos expi-
rasse memoria retinemus: idq; uel propter
humoris copiam, quo natiuus calor extin-
ctus est: uel imbecillitatem summā uirium,
quæ morbi principio percussæ repētē sūt:
uel quoniā ab offensa cordis initium mali
profectum est. Adde quod & nullā interi-
tus necessitatē, pestis lues nobis imponit,
cū, in tempore medicus si occurrat sup-
petias, multi ex hac uoletudine prorsum
emergāt. Cū ergo pestiferū uenenū qua-
litate sola uenenum sit, restat declarādum
quibūsnā qualitatibus in calamitatem, ac
perniciem nos trahat: calidis scilicet, qui-
bus erodit, putrefacit, exest, ulcerat. Qua-
propter Auicennas Carbunculos, ac tumo-
res pestilētes, si eo usq; uitæ usurā deus lar-
giatur, in Gāgrænas, Sphacelos, ac i. Dio-
mēus tandem exire testatus est. Vnde certe
planū fit, uictum hic mandandum esse, qui
humectet, ac refrigeret, & grosq; nutriēdos
iusculis carniū, in quibus frigida maio-
ra quatuor semina, Ordeū, Omphacium,

Oxalis, coxerint: quæ etiā Auicennas lib.
 4. sumpto Arsenico, Calcēue sorbenda
 esse statuit. His solis, & offis intimētis, ac
 immaceratis, ad septimum diem, ægri su=
 stimendi sunt. Aliquanto liberalius ij nu=
 triētur, si rodere Hœdi pedes, summamq;
 pulli alam, & crura in prandium tu per=
 mittas: cenāq; Malo cocto uel Cydonio,
 uel Pyro facias auctiorē. Iuscula perdici=
 bus, auiculis mōtanis, & alijs delicatiori=
 bus cibis præponantur, quoniā ob liquidi=
 tatem ad intimos recessus corporis, facile
 traīciūt: quod Hippocrates innuit Apho.
 undecimo. lib. 2. Cœnaturis carne prorsus
 abstinendum est. Viribus iam ualde fessis,
 quod & in prandio hic conceditur, nē pe=
 sese ut oblectent, rodēdis alis, uel cruribus
 Pulli, uel Hœdi pedibus: aut ut glaciato iu=
 sculo sensim delingendo moueāt appeten=
 tiam sibi. Cōgrua quoque sunt, ut medica=
 menta, quæ refrigerant, & humectant o=
 mnia: acida præsertim danda sæpiusculē
 uel

uel iuscula, uel instaurātia Cardiacā. Definiendus modus ē uiribus ægri. Nunquam uenæ per inēdiam uacuandæ, inaniendæq; sunt. Nā quæ intra sunt, quādoquidem, arcent ea quæ appellunt extrinsecus, ut Aui-cennas. lib. 4. scripsit, uenis contenti succi, & uenenatis humoribus, & aëri uitioso præcludunt ac obstruunt aditus.

De variis pestilentis febris Symptomatibus, & eorum remediis.

DE Symptomatibus pestilentis febris, disserturo, absurdum nō fuerit huius quæstionis principio, quidnam sit pestilēs febris, quidue hoc uocabulo significemus, ostendere. Sic enim patefacta magis fuerint, quæ accedunt illi Symptomata. Febrē nos pestilentem uocamus, calorem intemperatum in humoribus, magis & magis ob putredinem morbo progrediente uenenatis exardescētē, à corde, uel in cor profectū, quo primū omniū cor æstuās, in uniuersum corpus ardorem dispergit naturæ

ledentem actiones. Absoluta perfectaꝫ
hæc definitio uidetur, neq; manca neq; re-
dundans, singula si examinaueris. Harum
quædã est diaria, quædã in humoribus ac-
cēsa. Secūdi generis alia perennis, alia quæ
se intermittat. Pestilentem enim cōplexu
tenere unūquodq; harū genus, è capite su-
periori perspicuū est. Ob putredinē mor-
bo progrediēte, humores fieri magis uene-
natos dixi, quoniā primo die uel sequenti
etiā ij paululū uitiati incussa caussa supe-
riore, ac impressa, in uenenū atrocius con-
uertūtur. Pestilētiū febriū cōtinuarū, per-
quā acutæ, die quarto: ualde acutæ, die se-
ptimo: Celeres quidē, sed nō insigniter acu-
tæ, decimo quarto finiūt. Humor in quo fe-
bris cōcipitur, aut est in cordis sinibus, aut
in magnis uenis, et arterijs: qua situs di-
uersitate fit, ut uel cōtinēter, uel interuallis
certis, grauis qui febrem cōmittit uapor,
in domiciliū cordis subuolet. Hoc ergo in-
ter pestilentē ac nō pestilentē febrē, inter-
est, quòd humore uenenato pestilens, non
uenenato quæ minimē pestilens est fouea-

cur. Hoc uerò perpetua, differt ab intermit-
tente, quod incendium perpetuæ intra ue-
nas sit cordi proximū, ac nonnunquam in
ipso corde, qua rerum cōditione sæpe ani-
mus deficit, & cor intremiscit, & subita
mors abripit. Diuersum præterea hoc est
inter acutas cæteras, & pestilentes, quod
cūm periculosa sint acuta, omnes, ut Aph.
19. lib. 2. Hippocrates uoluit, lethalis sit pe-
stilens, nedum uiolenta, ob humoris in quo
succenditur aduersissimam naturæ quali-
tatem, ni sedulitate ac opera medici tam se-
uo malo resistatur. Cor omnium primum
humore uenenato incallescere, definitio
proposuit, quoniam uenenatum id demum
est, quo perniciosè offendi cor potest. Fe-
bris uerò tum procreatur, cūm uenenatus
humor ardore deflagrans, æstum & flam-
mam in cordis sedem pertulit. Nec teme-
re unquam febris pestilens, citra tubercu-
la, Carbūculos, Exanthemata, nos inuasit:
Aliæ uerò nihil horū secū adportant. Por-
rò autem febris pestilentis hæc curatio
est.

est. Alius si tardior est, Clystere deijcitur,
Cibus uentriculum si grauat is uel excutitur
uomitione, uel in media coquitur. Post si pri-
uata corporis natura id exigat, sanguis mit-
titur. Sin non requirit, purgatio datur, non
expectata humoris cōcoctione, ut Hippo-
crates Aphoris. 10. lib. 4. præcepit. Confe-
stim enim si pellendus humor est, qui huc
illuc prouoluitur, ac irrumpit, nec unquā
tumultuari cessat, turgentem ac furentem
medici uocant, quanto magis uenenatus,
cuius breui etiam mora in corpore, ac exi-
gua copia, detrimentū nos magnum faci-
mus? Hic, qui Syrupi præscribuntur, nō ut
in cæteris morbis, coquendi id. est attenuā-
di, incidendi, liquādi, ac fundendi humoris
gratia, sed feruoris sedādi causa, imperā-
tur: nisi et hanc rationem, ut Galenus in
arte parua, ad cōcoctionē reuocaueris. Cō-
ferunt Syrupus ex Omphacio Leimonijs,
succo Citrij, acidus, è Cydonijs, è baccis
Oxyachātes, è Berberis: Itēq; Oxysaccha-

ra dāda. Mox post Syrupos cōdita: Odo=
res præbendi, Epithemata præscribenda.
Bibendus ex aqua Scabiosæ, Oxalidis, Ar=
buti, unus ex Trochiscis de Caphura: cum
puluisculo diamargariti frigidi, & Tria=
santali. Ex iisdē Trochiscis formatur mi=
nuti globuli nouem uel etiam plures, ac in=
aurantur, & deglutiuntur. Iis qui potiones
fastidiunt, his ego pilulis, subueni, Rec. Tro=
chiscorū de Caphura, de Succino, de Spo=
dio, de Terra Lemnia, & diacorallou, ana
un. ß. pulueris Triasantali drac. 3. pulueris
diarhodon Abb. & diamarg. frigi. ana dr.
1. Syrupi ex Omphacio, uel Oxalide, quod
sufficit: figuretur globus, de quo sumat
quotidie. hoc enim remediū, cor roborat:
sitim lenit: & si quod aliud eximia spe fer=
meq; explorata cōsolatur, ac morbi toto
decursu ualet. Theriacā multi addunt, &
rectè quidem, per initia: Morbi uerò ac=
crementis, & uigore, iusto calidior ea fue=
rit. Adijciunt quidā cōseruam Rosarū, Bu=
glossi,

glossi, Oxalidis idq; bona ratioe. Ego equi-
dem nō hastātum, sed & corticē Citri cō-
ditū Saccharo, in uentriculis frigidis pro-
bo. Trochiscorum ē Caphura singularis
usus est, in tabidis etiā febribus cōmendan-
dus. Alius segnior nō catharticis, ualidis,
sed aut Syrupo uiolato, aut molliente Cly-
stere, ducenda est. Acrius enim laceßita, in
dysenterias, & diarrhoeas graues, ac diffi-
ciles prorūpit. Quapropter errāt, qui in
clysterum decoctis Hierā picrā, diaphœni-
con, Benedictam, & ualentia huiusmodi
pharmaca, dissoluunt, extra modum calfa-
ciētia, ualētiusq; humores extorquētia, ac
in ulcerationes intestinorū & letū præci-
pitantia. Enimuerō utilius fuerit, refrige-
ratiū herbarū succos cū Tryphera Sarra-
cenica Clysteribus admiscere, uel eos hac
prorsus formula parādos curare. Reci. 4.
herbarū emollientiū, Scabiosa, & Oxalia-
dis, ana m. i. quatuor seminū frigidorū ma-
iorū, ana drach. 2. Ordei p. i. Pruna. 10. fiat
decoctio, cui adde succi Betæ, Lactucæ, et
Bugloss

Buglossi, añ. un. 2. Cassia, uel Triphera Sa-
racenica, un. 1. olei uiolati unc. 2. fiat Cly-
ster. Ventriculi doloribus inde natis quod
bilis stomachũ uellicet, ac lancinet, appetẽ
tiæq; læguẽti nos sic opitulamur. Re. Ros.
rubrarũ siccarũ, p. 4. pulueris foliorũ Mẽ
thæ, Absynthij, Mellissophylli, corticis Ci-
tri, Coriãdri, añ. dr. 1. omniũ Santalorũ, Co-
ralli, Mastiches, Caryophyllorũ, Maceris
añ. drac. ʒ. Caphura. scr. 1. cõtundãtur o-
mnia, sed leuiter: includãtur sacculo ad for-
mã scuti confuto, qui irroretur aqua Ros.
Caphur. admoueatur uẽtriculo, nisi forte
eger sudauerit. Ad idẽ uẽtricus Sãtalimo-
cerato inũgitur. Immoderate uomitiones
sistũtur, rigato cũ spõgia uẽtriculo Aceto
in quo Rosas Nucẽ, Cypressi, baccas Myr-
ti, Gallas, Mastichẽ, Balauſtia, Malicoriũ
decoxeris, et cætera quæ impetus uẽtriculi
ad uomitiones effusi cohibent. Irritatur ap-
petentia, condimento ẽ succo Cydoniorũ,
Oxalidis, Punicorũ, & tantulo Cĩnamo-
mi, confecto. Sudor impetratur, cutisq;
spiramenta repãduntur, mollibus spõgijs

duabus immersis, decocto Chamæmeli,
Meliloti, florū Libanotidis, Stœchadis, ac
Rosarū obditis alis, & crebrò immutatis,
sudore donec affluant. Cibus esto Gallinæ
iufculū, in quo decoxeris 4. semina frigi-
da maiora, cū Omphacio, Cucurbitæ, &
Oxalidis, succoq; Croci paululo, maximè
si animi deliquitū, uel tremor cordis immi-
nere uideatur. Quibus cor palpitauit, eorū
iufcula, uel diamargariti frigidi puluiscu-
lo, uel Triasantali præter superiora con-
dienda sunt. His & exhibere licet Malum
Pyrū, Cydonium, cocta sub prunis: crura,
uel extremas alas Gallinæ, quas arrodat, è
uiridi cōdimēto, quod accipit Omphaciū,
succos Oxalidis, Leimonij, Arācij, Puni-
ci, cū Cinamomi tantillo. Nihil in coenam
carnis offeratur. Aeger cōtentus esto aut
Lactuca, & Oxalide, uel cocta uel cruda,
ex Aceto: aut glatiato iufculo, offa q; una,
aut altera, eo madida: aut erosis Gallinæ
cruribus, & summis alis, cū panis tribus
quatuorue buccis, intinctis superiore cō-
diment

dimento. Animi si defectus impendet, uel
ager tabescit eius desiderio, uinum sed bo-
nū, odoratū, lene, ualde dilutū, in prandiū
bibatur, præsertim à quinto die, aut si cri-
sis quæpiam antegressa est: nullū in coenā,
nisi magna necessitas obuenerit, idq; quàm
matutino dilutius. Manus, facies, os sæpius
lauentur, aqua Rosarū, & Aceto, uel sola
posca, præterquam, Crisim natura cum
molitur. Abluātur quoq; pedes, ac crura,
decocto tepido, Ros. Chamæmeli, Salicis,
uitis, inani uentriculo: quoniā hac lotio-
ne, & somno ægri cōquiescunt, & sudore
manāt. Vbi lauerint, ne perfrigeāt operiē-
di sunt, ac molliter in lectulo reponendi.
Critici diebus, aut Criticorū nūcijs, qua-
les sunt tertius, quintus, septimus, natura
sudorē si nō effundat, uel si pigrius ac re-
missius effundere nitatur, auxiliū medicī-
tū adiungendū fuerit, sudorq; medicamen-
tis exciendus. Tertio quidē die, si prorsus
natura cesset, Crisimq; nullam ipsa susci-
piat, uiribus nō ualde afflictis, ægroq; sat

P

patienter malū ferente, quintus expectandus est, Et quia tum medicus progressum morbi, ac naturā uidet apertius, Et quia ē celestiū signorum, ac syderum conuersione, traiectione, ambitu, Criseos nulla tertio die penitus occasio est. Etenim Luna cum in proximū signū trāscurrit, exēplicausa, in Taurū ex Ariete, nullus inter ea signa, prospectus est, nulla uis eiusmodi qualis ex astrorū collocatione, dispositione, conuitu, ad nos pertinet: quamuis altera, uel utraq; qualitate, ea dissideant, ut Aries à Tauro, Taurus à Geminis. Sim die tertio, circiter meridiem, facies rubet, undosæ au plenæ micant arteriæ, nonnihilq; sudatur. quæ omnia gliscentem sudorem, & appropinquantem significant, tum eliciendus is est magnis spongijs duabus, imbutis decocto florum Chamæmeli, Meliloti, Rosmarini, Stæchados, Hyssopi, Calamēti, Origani, Polij, singulo. Manipulorum trium. Exprimuntur eæ, & ut calent dorso pectoriq; admouentur. Ea Crisis quam tertio die

die natura incoeperat, ut dictum proxime
fuit, probabilis sit iactatioe, quæ tertio quoq;
die concitatur, potiusquam syderũ impul=
su. Quinto die nihil si natura mouerit, ac
eadem omnia fuerint, quæ in tertio nos
antea designauimus, nempe & toleran=
tia ægri facilis, & constans uirium firmi=
tas, in septimum diem spes est sustinenda,
Si uero quinto, ignauius, ac tardius, ipso
desinẽte die, natura paululum sudoris ex=
tundat, adiuuanda prorsus ea fuerit, quo
pacto in tertio nos præcepimus, Et quia
naturæ conatus imbecillior hoc efflagitat:
Et quia diebus imparibus acuti morbi,
plane recrudescent, ac ingrauescent, ta=
met si quinti diei principio, Luna ad id si=
gnum adeat, quod sextili conspectu non=
nihil beneuolo ac familiari, signum in quo
primum morbus assilijt contuetur. Nisi
uero placet morbum esse tum importu=
norem, quòd ea signa qualitatibus pu=
gnent inter se, ac dissentiant, præsertim ijs
quas passiuas nuncupamus. Septimo die,

P 2

si ut & superioribus fatiscat, lāgueat, tor-
peat naturæ uis, ei subsidio ueniendum:
qua ratione antea nos exposuimus. Hoc
meum consilium fuit, hæc mea prouiden-
tia, in continua febre Cardinalis Albani,
cuius prosperrimus successus, & uota
mea & spem ita me dii ament, longe ui-
cit. Die septimo si quid concoctionis iam
ostenditur, non potest non fructuosa, &
utilis esse opera medici, qui sudorem pro-
uocat. Naturæ enim uel intentæ iam ope-
ri se præbet adiutorē, uel si prorsus iners,
ac deses munus suū defugit, illā ut officiū
exequatur stimulat. Præterea, septimo die
Luna eius signi spacia peragrat, quod nō
solū qualitibus actiuis, & passiuis: uel si
nō utrisq; saltē actiuis: quæ dissensio ma-
ior est, & acerbior: sed etiam loco atque
situ primo aduersarium sit: idq; aspectus
quarto, odioso, maleuolo, & infenso pro-
spiciat. Ex his scilicet rationibus, diligēs,
& callidus rerū æstimator medicus, quā-
do grauior aut leuior, quando latior, aut
trā

tristior, quando celerior, aut serior, Crisis futura est, si hæc omnia secum deputet ac reuoluat, cogitatione anticipauerit. Hisce febribus, ut multis in locis antehac diximus, tremor cordis interuenire solitus est. Is uidelicet cordis, est quasi titubatio, ac uacillatio, seu tremula cōcussio. Hæc efficit quicquid cor lædit, offendit, ac debilitat, eiusq; actionē interrūpit, ac interturbat: idq; uel suo ipsius malo, ut et Græci loquuntur ἰδίως: uel διὰ συµπαθείας, si cum aliarum partiū malis afficitur, atq; uiolatur, quod in his febribus accidit. Vnā enim cū totius corporis ualetudine p febres pestilētes, sicut Aui. prodidit, hæret in corde hæc iniuria. Malū hoc, uel cauemus, et depellimus, uel sanamus, & sedamus nō tantū edomita febre, sed & in super Cardiacis, Epithematibus, odoribus instaurantibus. Quocirca uel odorādū ppetuo quidquā est, ex ijs quæ supra memorauimus, uel urēdū, ac cremādū, ut eius uapore cubiculū et ædes suffiātur. Ad tremorē ē qua-

uis caussa, hoc remediū quod in Rasis cō-
 tinēte legitur, singulare, ac efficax est. Re.
 Spodij drac. 2. omnium Santalorum, ana
 dra. 1. Rosarum dr. 6. Caphuræ scr. 1. Co-
 riandi, dra. 3. florum Buglossi, dra. 2. semi-
 nis Oxalidis, Citrij, Portulacæ, cucurbitæ,
 Ocymi, Melissophylli, foliorū Sampsuci,
 ana dra. 1. Succini, Margaritarum, Serici,
 crudi, Xyloaloes, añ. dra. 3. Myrobalano
 rū, flauarū unc. 3. lapidis Lazuli, drac. 1.
 baccarū, Oxyacanthes, dra. 2. Boli Arme-
 niæ, terræ Lemniæ, ana. dra. 2. Coralli rub.
 Maceris, Caryophyllorum, Spicæ Nardi,
 añ. dra. 1. Hæc omnia terantur in puluis-
 culum, è quo dato dra. 1. cum iusculis, Rosa-
 cea aqua uel Buglossi: succo Cydoniorū,
 Punicorū Buglossi: Aut in globulos forme-
 tur, qui post inaurētur. Porro autē ut cor
 in ijs febribus intremiscit, sic & animus
 delinquit societate & cōmunionē quā ha-
 bet cū reliquis membris, uexato corde, ac
 spiritu, ob uapores uenenatos, toto genere
 infestos, ex uniuerso corpore in ipsum cō-
 spiran

*Spirantes: ut & uel cœli & aëris graui-
tate, ac pestilentia, uel proiecti cadaueris
foetore: uel caussa interiore, qualis est lum-
bricorū in stomachū irruptio, halitusq;
uenenati accessus, quem tubercula per ar-
terias in cor extulerūt ac subdiderunt. Cu-
ratur hoc malum sublata caussa odoribus
frigidis, lotis manibus. Posca, ore consper-
so Rosacea, Caphurata: & si æger recu-
bet in lintheis lmeis, Rosis & Moscho fra-
grantibus: id enim spiritus refocillat. Su-
mitur crebrius puluisculus Diamarg fri-
gidi, & electuarij de gemmis, è Rosacea
Saccharata. Bibitur uinum crassius, &
nonnihil asperum, ualde dilutum cum cibi
quod satis est sūpserit. Sorbetur aqua car-
nis cōdita Santalis, Moscho, Caryophyll.
Cinamomo, Macere. Panis turunda succo
Punicorū & Rosacea Moschata imbuta,
exugitur. Adhibētur omnia cætera, quibus
animū colligi, & cor exhilarari supra di-
ximus. Harū quoq; febrium Symptomata
sunt, & Asthma, & Pleuritis, quā Philo-*

laus sputū sanguinis pestilens nominauit.
Qua ratione his medendū sit, libro nostro
de curandis morbis, exposuimus, capit. de
pleuritide pestilēti. Lingūtur Penidia, Sac
charum candefactum, Diatragacanthū re
frigerās, succus Glycyrrhizæ, Syrupus de
Zyziphis, Papauere, uiolatus. Mitigatur
dolor, unguento resumptiuo, Dialiæas,
oleo Chamæmelino, nūc hoc nūc illo, pro
causarum uarietate. Calidius nihil dandū,
febris ne auge scat. Temperatis ac modera
tis omnibus, utēdum. Per has quoq; febres
dispersa Exanthemata multis in corpore
locis prodeunt, facilia curatu, si tertio,
quinto, septimo, die extiterint; nec ubi ma
leficus humor retineatur, ab eōq; defēsa
ut uiscera sint, & prorūpenti exitus cōmo
dior pateat, bibēdū decoctū Lentis, Carica
rum, & Pulmonarie, quā uulgo à maculis
exanthemata referentibus uocauerūt l'her
be du Tac. Bibitur ramētum Monocero
tis, ex aqua Buglossi, Oxalidis, Arbuti,
Spōgiæ decocto Chamæmeli, & florum
Rosm

Rosmarini, madafactæ imponuntur. Pānis
 rubris æger uel coccineis inuoluitur. Spi-
 raculis, quibus pertusa cutis est recluden-
 dis, loco tepido, sic cōmorandum, ut nus-
 quā uentus aspiret, nusquā frigidior illaba-
 tur, quoad prauus humor totus, quod fere
 triduo fit, in Exanthemata cōsumptus sit,
 quo tēporis interuallo, nec frigida manus
 lauandæ, nec Aceto: nec aliud quidquā ni-
 si tepens sumēdū, sicut & decretorio quo-
 uis die, nihil extrinsecus admouendum, ni-
 hil intrinsecus sumendū quod tepesfactum
 nō sit. Frigidis enim crassescit humor, qui
 solet in sudores liquefcere, actioq; naturæ
 sic interpellatur, quamuis iuuenibus to-
 rosis, robustis, ualētibus, carnosiss, aquam
 bibere consuefactis, eamq; postulantibus
 ac expetentibus, ijs ipsis diebus nuper ex-
 ceptis, frigida potare contredamus, quod
 tamen non nisi magno iudicio, cautioneq;
 diligenti, & accurata indulgēdum est. In-
 tercidunt & his febribus παραφρενίτις, λή-
 ρασι, κάσι, defluxio, uel κατάρρεσις,

quibus auxiliamur, humoribus ualido cly-
stere deorsum præcipitatis, & abstractis,
uel glandibus uehementioribus, è Sapone
solido, & Sale fossitio: frictionibus & re-
ligationibus artuum: lotis cruribus, deco-
cto Rosarũ, Meliloti, Chamæmeli: impo-
sitis uirorũ testibus, fœminarũ mammis,
sed circũspectè, ac prudenter, quæ & re
ipsa & potestate frigida sint, quale hoc
est. Rec. succi Solani, Sèperuiui, Hyoscy-
mi, Aceti, añ. unc. ß. Croci, opij añ. dr. i. fiat
unguētũ cū oleo Mādragorino. Coma tō-
detur: detōsũ caput lauatur, & irrigatur
decocto Rosarũ, foliorum Salicis, Ordei,
Glaucij, calycũ Papaueris, florũ uiolæ, ac
Nymphææ. additis in morbi uigore, Cha-
mæmeli p. 3. Peruigilibus somnus cōcilia-
tur, puluisculo seminis Papaueris immisso
iusculis: aut illitis naribus, hoc unguēt. Re.
olei Rosati, uiolati, è Nymphæa, & Man-
dragora, ana. unci. i. Opij scrup. i. misce,
fiat unguentũ, ungitur & frons unguento
Populeo, cum Aceto Rosaceo. Hanc con-
fectio

fectionem aeger odorator. Reci. Opij dra.
1. Croci scrup.ß. Rosarũ, uiolarum Nym-
phæe, omnium Santalorum, ana. dra. 1. te-
rantur in puluisculum, quem uel lintheo-
lo illigatum, uel mucco Tragacanthi ex-
ceptum, & in globum figuratum aeger
sepius olfaciat. Per morbi uigorem Ver-
uecis, Arietis, ouis pulmo, ut è pecude ma-
ctata, & dilaniata calens auulsus est, fron-
ti & syncipiti admouetur. Lauatur ca-
put decocto Rosarum, Meliloti, Chamæ-
meli, Stœchados, & Rosmarini, ana. p. 3.
Aeger ueste, ac stragulis probe contegen-
dus, & contra frigiditatem aëris munien-
dus, ne uenenatus uapor, animæ frigidioris
occurso intro ad cor refugiat. frigidis quæ
supra nos recensuimus, in defluxionibus,
ac Catarrhis nō temere audacterq; sōnus
captādus est. In Synanche, quæ has febres
consequitur, hoc decocto, per initia, fau-
ces colluuntur. Rec. Balaustiorũ, acaciæ,
Hypocystidos, Gallarũ, malicorij, añ. un. 1.
cū morbus increfcit, caricarũ, passarũ añ.

unc.

unc. i. β. Ordei. p. 4. fiat decoctum. reliqua
petenda sunt ē nostro libro de curandis
morbis. cap. de Synāche. Cōli & eilei cru
ciatus, qui nōnunquam has febres comittā
tur, Clysteribus, glandibus, Cataplasmati
bus impositis uentri, sacculis semine Lini,
uel fursure impletis, & tepida maceratis,
nisi febris hāc impediat curationē, mulcen
tur, ut & in libro nostro de curādis mor
bis, latius nos persequuti fuimus. In Sopo
re, uel Caro, obrutos nos sōno, & egros ex
pergefācimus, & remedijs supra cōmemo
ratis, et Aceti olfactu, & uoluptate ἀυλῆς
Citharistae, Tibicinis, Musicorū, qui pla
cidius & suauius cōcimāt: & fabularum
ac historiarū narratione, quarū expositio
egro iucunda sit. In Strāguria quae per has
febres cōtingit, decocto Meliloti, Chamæ
meli, Maluæ, Althææ, Rosarū, florū Stœ
cadis, & Rosmarini, fouentur pecten, su
men, aqualiculus, perinaeō, pubes. Decocti
magma cū lintheolo iisdē partibus admo
uetur. Pulex, Cimex, Asellus, in colem in
dunt

dūtur, qui scalptu, pruritu & titillatione,
uim expellentem laceffant. Bibitur aqua
Melonum, Cucurbitæ, Halicacabi: Balneo
ager infidet. Remedia cætera, quæ nos ali
bi scriptis mādauimus, testātur, nisi febris
obstiterit. Alius si profluit idq; per Cri
seis accidat, min imè cohibēda est, nisi diu
turniore, ac effreni purgatione, uires mi
nuātur. Aliās uerò ut in curatiōe διαγῆραιας,
λαεντερίας, & δυσεντερίας, nos docuimus,
retinenda, & astringenda. Qui lumbrici
nostris in corporibus gignūtur, bilis ac ca
lentiū humorū acrimonia & amarore fu
gati, repūt in os uentriculi, et Cardialgias
inferunt. Eos nos prius occidimus, deinde
per aluū decutimus, ne si diutius in uentre
restiterint, uenenato spiritu, cor afflent, et
uerberēt. Necātur ij si febris est, & in pue
ris, seminis Absynthij, Santonici, horas
quatuor, & 20. in Aceto macerati, dra. i.
& cochleari uno aquæ Portulacæ. In alijs
Synapi trito & Aceto, diluto sumpto per
triduum cōdimēti uice: Pilulis cōmunibus
es

esu alliorū, si nec febris, nec aestas est: semine Citrij, farina Lupinorū, ramētis cornu Cerui, succo Absynthij, Abrotoni, Centaurij minoris. Quidā Mellis fauum in aqua Portulacæ, Graminis, & Absynthij decoquunt cum semine Citrij, Santonici, Aloe, Absynthijq; succo, & decoctum bibendū dāt, præsertim, cū nulla febris est. Enecti hoc Clystere deturbatur. Re. foliorū Persicæ, Absynthij, Abrotoni, Cētaurij minoris, ana m. ʒ. Lupinorū, un. ʒ. seminis Citrij, et Sātonici, añ. dr. ʒ. nucleorū Persicorum, unc. ʒ. fiat decoctio, in colatura dissolue Hieræ Picræ, un. ʒ. olei Amygdalarū amararū, un. 2. fiat clyster. Paulo mitior, Clyster in febribus ad hunc modum edicitur. Rec. Ordei p. 2. seminis Citrij, & Sātonici, pulueris, cōtra uermes, Malicorij, Ba-laustij, añ. un. ʒ. fiat decoctio, in qua misce succi Aizoi minoris seu uermicularis, succi foliorum Mali Persicæ, añ un. ʒ. pulueris seminis Citri, Aloes, Tormentillæ añ. dr. ʒ. fellis tauri, un. ʒ. fiat Clyster. Ob-
linun

linuntur uenter, & uenterculus, hoc unguento. Rec. farinæ Ordei, pulueris Coriandri, Aloes, Tormentillæ, Colocynthidis, ana unc. ℥. fellis Tauri, unc. 1. succi Absynthij, foliorum Abrotoni, & Mali Persicæ, ana un. ℥. olei Amygdalarum amararum, drac. 6. fiat unguentum. Prodest, & quod sequitur, Reci. pulueris contra, scm. Santonici, Citrij, nucleorum Cerasorum, & Persicorum, ana unc. ℥. cornu Cerui, usti, Lupinorum ana dra. 3. Tormentillæ, dra. 2. radicis Tunici, dr. 1. ramentorum cornu Monocerotis, scr. 4. Sacchari Rosacei, quod sufficiat, fiat puluisculus: detur drachma una cum ouo sorbili, aut iusculis. Parantur Cataplasmata, è folijs Mali Persicæ, nucleis Persicorum, folijs Absynthij, & Abrotoni panēq; tosto, & in Aceto macerato, ac uentriculo imponuntur. Puluisculi descripti proximè unc. una coquitur in aquis Portulacæ, graminis, Absynthij, bibitur decoctum horis quatuor, anteaquā prandeatur. Victus imperandus, quā nulla Pit

la Pituita coaceruetur, calidus & siccus
 Haftenus quæ ad rationem & curatio-
 nem, morborum omnium pestilentium in-
 quirendam, & explanandam pertinent,
 tractata sunt.

FINIS.

ERRATA ALIQVOT

ITA CASTIGANDA,

Pagina 67. linea 8: lege feriantur. 78. 4.
 afficitur. 86. 15. atque piscibus. 131. 17.
 multis. 138. 19. fœdat. 150. 15. anteeunt.
 154. 5. Cardiaca. 157. 15. quæ. 224. 7. Oxa-
 lidis succo, Crociq;.

114
et sic
curatio
minim in
reputant

OT

et 78.4
131.17
reputant
7.012

